

ივანე
ჯავახიშვილის
სახელობის
თბილისის
სახელმწიფო
უნივერსიტეტის
გაზეთი
გამოდის
1927 წლიდან



2010 წლის
აპრილიდან თსუ-ში
ხელფასები
კვლავ გაიზარდა
მე-4 გვერდი



ამიერიდან

უნივერსიტეტი

18 მარტი, სუთხაბათი, 2010 წ. №2 (2098)

ორგზის მსოფლიო რეკორდსმანი თსუ-დან



20 თებერვალს ნიუ-ჯერსის შტატის ქალაქ ბორდენტაუნში ათლეტიკაში გამართულ მორიგ მსოფლიო ჩემპიონატში საქართველოს ნაკრების წევრმა, თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტის IV კურსის სტუდენტმა ლევან ციციშვილმა 90 კილოგრამ წონით კატეგორიაში ორი მსოფლიო რეკორდი დაამყარა: ახალგაზრდებში წონაშიში დაძლია 150 კგ, რისთვისაც ოქროს მედალი დაიმსახურა და 8 კილოგრამით გააუმჯობესა მსოფლიო რეკორდი. მორიგი ასპარეზობა ბიცებით წონის აწევაში გაიმართა, რაშიც მან პირველი ადგილი მოიპოვა, მსოფლიო რეკორდს ერთბაშად 20 კილოგრამით გადააჭარბა და 97,5 კილოგრამი აწია. აღნიშნული შედეგი ასპარეზობაში მონაწილე მძიმე წონის ათლეტებმაც კი ვერ დაძლიეს და ამდენად, ლევან ციციშვილის მიღწევა მსოფლიო ჩემპიონატში უპრეცედენტო შემთხვევად შეფასდა. ამ შედეგების გათვალისწინებით მას ბესტ ლიფტერი - ის წოდება მიენიჭა და გახდა საერთაშორისო კლასის სპორტის ოსტატი.

ნიმუ კაკულია

20 წლის ლევან ციციშვილი თსუ-ის სოციალურ და პოლიტიკურ მეცნიერებათა ფაკულტეტის პოლიტოლოგიის მიმართულების IV კურსის სტუდენტია, მან სპორტის ამ სახეობაში ვარჯიში 2008 წლიდან დაიწყო. 2008 წლის მარტში თსუ-ის პირველობა მოიპოვა ათლეტიკაში, ხოლო ამავდროულად თსუ-ის ღია პირველობაზე წარმატების მოპოვების შემდეგ საქართველოს ეროვნულ ჩემპიონატში ასახელა თსუ — მან შეჯიბრში პირველი ადგილი დაიკავა. 2009 წელს საქართველოს ეროვნული ჩემპიონატის მსვლელობისას სპორტის 2 სახეობაში (წონაში და ბიცებით წონის აწევა) მიიღო მონაწილეობა და პირველობის მოპოვების აღსანიშნად მედლებით დაჯილდოვდა. სწორედ ამ ჩემპიონატის შედეგების მიხედვით გახდა იგი სპორტის ოსტატი. სპორტის მიმდევრობა ლევან ციციშვილს სრულიად არ უძლის ხელს უნი-

ვერსიტეტში წარჩინებით სწავლაში. პოლიტოლოგიის გარდა მისი ინტერესის სფეროა ჟურნალისტიკა, რომელიც მეორად სპეციალობად აქვს არჩეული. როგორც თავად ამბობს, დაინტერესებულია ქვეყანაში მიმდინარე პოლიტიკური პროცესებით და გულშემატკივრობს ქვეყნის ტერიტორიული მთლიანობის აღდგენის შესაძლო პერსპექტივას. ამ პროცესებისადმი მას თავისი დამოკიდებულება აქვს და სურს, რომ გამთლიანებული საქართველოს წარმატებული სპორტსმენი გახდეს — სწორედ ეს „წოდებაა“ დარჩა მოსაპოვებელი მას შემდეგ, რაც საერთაშორისო კლასის სპორტის ოსტატად დასახელდა. მსოფლიო ჩემპიონატში მონაწილეობის მისაღებად საქართველოს ნაკრები (მთავარი მწვრთნელი: ზურაბ ჭავჭავაძე, ფედერაციის პრეზიდენტი: ნიკოლოზ სარალიძე) ბორდენტაუნში სრული შემადგენლობით გაემგზავრა. ქართველმა ათლეტებმა გუნდური პირველობა

მოიპოვეს და დაჯილდოვდნენ 10 ოქროს, 2 ვერცხლისა და 2 ბრინჯაოს მედლით. მსოფლიო ჩემპიონატში გუნდური პირველობის მოპოვებისთვის ზურაბ ჭავჭავაძე დასახელდა წლის საუკეთესო მწვრთნელად მსოფლიო მასშტაბით. როგორც საქართველოს ნაკრების მთავარი მწვრთნელი ზურაბ ჭავჭავაძე აღნიშნავს: „მაშინ, როდესაც საქართველოს მსოფლიო მასშტაბით სპორტის სახეობებში მეტნაკლებად უჭირს წარმატებების მიღწევა, ჩვენ კიდევ ერთხელ დავამტკიცეთ, რომ გამარჯვება შეგვიძლია. აღსანიშნავია, რომ მსოფლიო ჩემპიონატებზე გუნდური გამარჯვება უკვე მესამედ მოვიპოვეთ. სასურვე-



ლი იქნება, თუკი საქართველოს ხელისუფლება ისევე დაინტერესდება სპორტის ამ არაოლიმპიური სახეობით, როგორი წარმატებითაც უთმობს ყურადღებას სპორტის სხვა სახეობებს. ამ მხრივ საყვედურს ვერ ვიტყვით თბილისის სახელმწიფო უნივერსიტეტის მისამართით, რომელიც მაქსიმალურად გვინყობს ხელს ვარჯიშისთვის პირობების შექმნასა და შეჯიბრებებში მონაწილეობის მიღების თვალსაზრისით“.

ათლეტიკაში აშშ-ში ვარჯიშობს 5 მილიონამდე ადამიანი, საქართველოში კი მათი რიცხვი დაახლოებით 500 აღწევს. აღსანიშნავია, რომ ამ არაპროპორციულ ძალთა ფარდობის მიუხედავად ქართველი ათლეტები მსოფლიო ჩემპიონატზე ხშირად იმარჯვებენ.

აღსანიშნავია, რომ შეჯიბრში 6 ქვეყნის 100-ზე მეტი სპორტსმენი მონაწილეობდა, მათ შორის, როგორც აღვნიშნეთ, ქართველებიც. საქართველოს ნაკრები ნიუ-ჯერსის შტატის ქალაქ ბორდენტაუნში იგანე ჯავახიშვილის სახელობის თბილისის სახელმწიფო უნივერსიტეტის, შინაგან საქმეთა და თავდაცვის სამინისტროების ხელშეწყობით გაიგზავნა. უნივერსიტეტის სპორტსმენი სტუდენტის ლევან ციციშვილის მგზავრობის ხარჯები თსუ-ის კულტურისა და სპორტის ცენტრის ხელმძღვანელის ირაკლი ხარჯევანიძის წარდგინებით თსუ-ის სოციალურ და პოლიტიკურ მეცნიერებათა ფაკულტეტმა და სტუდენტურმა თვითმმართველობამ ნაწილობრივ დააფინანსა. ამერიკიდან დაბრუნებულ გამარჯვებულ სპორტსმენებს თსუ-ის რექტორმა საფარჯიშოდ მაღლივ კორპუსში ახალი კომფორტული სპორტული დარბაზი დაახვედრა. ზურაბ ჭავჭავაძის ინფორმაციით, მსოფლიო ათლეტიკის ფედერაციის გადაწყვეტილებით, 2011 წელს მსოფლიო ჩემპიონატს ათლეტიკაში თბილისი უმასპინძლებს. არ არის გამორიცხული, რომ ასპარეზობა უნივერსიტეტის პირველი კორპუსის ახალგაერმონტებულ შენობაში გაიმართოს.

სტუდენტები
გადასახად
ეტაპობრივად
დაფარავენ
მე-2 გვერდი 33.

პრეზიდენტის
სტიქანდიატა
ნანილს
უნივერსიტეტი
აზინანსებს
მე-2 გვერდი 33.

რეზორმამ
უნივერსიტეტი
პრობლემატისგან
ვერ იხსნა
მე-3 გვერდი 33.

განური ინჟინერია
ბოროტაბა
თუ კაცობრიობის
ახალი იმედი?
მე-6 გვერდი 33.

გივლიური
არქეოლოგიის
უდიდესი
მონაპოვარი
მე-6 გვერდი 33.

გამოვიდა
საერთაშორისო
რეფერირებული
ჟურნალი
სოციალურ
მეცნიერებაში
მე-8 გვერდი 33.

პატრიარქის
ჯილდო
მე-10 გვერდი 33.

„ქართუ ჯგუფმა“
თსუ-ის საჩუქრად
100 000 ლარის
ღირებულების
ნივთები გადმოსცა
მე-10 გვერდი 33.

ამბები
მე-14-15 გვერდი 33.

სტუდენტთან პირისპირ



ბთავაზოვთ პასუხებს იმ კითხვებზე, რომელიც სტუდენტებს ყველაზე მეტად გაინტერესებთ. ჩვენს პასუხებში იპოვით სტუდენტური პრობლემების გადაწყვეტის გზებს.

? ნინო ჯინჭარაძე, იურიდიული ფაკულტეტის VI სემესტრის სტუდენტი:

— სამეცნიერო კონფერენციების გარდა, მონაწილეობას ვიღებთ სხვადასხვა სახის კონკურსებში, პროექტებში და ა.შ., რაც ცოდნასა და გამოცდილებასთან ერთად პროფესიულ წინსვლასაც გვცხადებს, მაგრამ იქ მიღებულ სერტიფიკატებს თუ გამარჯვებულის სტატუსს სტიპენდიის მოსაპოვებლად კონკურსში მხედველობაში არ იღებენ. შეიძლება თუ არა ამ სახის აქტივობები გახდეს კრიტერიუმის სტიპენდიატთა კონკურსში?

თქვენს დასავლელ, იურიდიული ფაკულტეტის დეკანის მოადგილე:

— უნივერსიტეტის ყველა ფაკულტეტზე ბაკალავრიატის ნიჭიერ სტუდენტთა ფინანსური ნახალისებისთვის კანდიდატთა შერჩევა ხორციელდება ერთი და იმავე კრიტერიუმების გათვალისწინებით, რაც ერთნაირ პირობებში აყენებს ყველა სტუდენტს. ეს კრიტერიუმებია: აკადემიური მოსწრება; სამეცნიერო ნაშრომების გამოქვეყნება; სამეცნიერო კონფერენციებში მონაწილეობა. რექტორის ეს ბრძანება (118/01-01 05.11.2009) ეფუძნება „უმაღლესი განათლების შესახებ“ საქართველოს კანონის 22-ე მუხლს და საქართველოს განათლებისა და მეცნიერების მინისტრის 2008 წლის 29 მაისის 490 ბრძანებით დამტკიცებული თსუ-ის წესდების მე-16 მუხლის მე-2 პუნქტს. ამგვარად, ყველა კრიტერიუმები დადგენილი სტანდარტითა ყველა ფაკულტეტისთვის და ჩვენი დეკანაც არაა უფლებამოსილი — ამა თუ იმ სტუდენტის რაიმე სხვა აქტივობები მხედველობაში მიიღოს ან გამოწვევების დაუშვას.

? თამარ ბაბუხაძე, ჰუმანიტარულ მეცნიერებათა ფაკულტეტის ისტორიის მიმართულების VI სემესტრის სტუდენტი:

— ჩვენს ფაკულტეტზე სტუდენტთა უკმაყოფილებას იწვევს უცხო ენათა სწავლებისთვის გამოყოფილი შეზღუდული დრო. 10 კრედიტის ფარგლებში შეუძლებელია სრულიად უცხო ენის შესწავლა. ხოლო 3-წლიანი ინტერვალი კი, რომელიც მაგისტრატურამდე გვაქვს, ამ მცირედი ცოდნის მივიწყებასაც იწვევს. მაგისტრატურასა და დოქტორანტურაში კი ისეთ დონეზე გვთხოვენ უცხო ენის ფლობას, რაც ბაკალავრიატის პირობებში ვერ მიიღწევა. ყველაფერი პირად ინიციატივებსა და ცალკე ხარჯებამდე დამს. ფსიქოლოგიური მზობა და ძლიერი ნადილია საჭირო, რომ ისწავლო ის, რაც არ გვებალება. როდის გადაიჭრება ეს პრობლემა?

რუსუდან დოლიძე, თსუ-ის ჰუმანიტარულ მეცნიერებათა ფაკულტეტის ნების ცენტრის დირექტორის მოვალეობის შემსრულებელი:

— 2 სემესტრი მართლაც პატარა დროა იმისთვის, რომ აიწიო ერთი საფეხურით მაღლა. ისიც მოგახსენებთ, რამდენად მნიშვნელოვანია უცხო ენების ცოდნის დასაქმებისთვის. აკადემიური საბჭოს დადგენილებაა, რომ ჰუმანიტარულ მეცნიერებათა ფაკულტეტზე უცხო ენა ისწავლება მხოლოდ ერთი წელი, ანუ 10 კრედიტის ფარგლებში და ჩვენ ვალდებული ვართ, ამას დავემორჩილოთ. ოფიციალურად, ერთიანი ეროვნული გამოცდის ჩაბარების შედეგად ჩვენთან სტუდენტი უნდა მოვიდეს ევროპული ჩარჩოს პირველი დონის ცოდნით და ჩვენ ბაკალავრიატის ფარგლებში ისინი უნდა ავიყვანოთ მეორე დონეზე.

სტუდენტები გადასახადს ეტაპობრივად დაფარავენ

წელს თსუ-ში სწავლების სამივე საფეხურზე 2009-2010 სასწავლო წელს ჩარიცხულ-თათვის სემესტრული საფასური 1125 ლარს შეადგენს. თუ სტუდენტი სწავლების პროცესში საფასურს ვერ დაფარავს, ის ვერ გაივლის აკადემიურ რეგისტრაციას და შეუჩერდება სტუდენტის სტატუსი. სწავლის საფასურის გადახდა განსაზღვრულ ვადებში უნდა მოხდეს, მაგრამ ქვეყანაში შექმნილი მძიმე სოციალური ფონის გამო სტუდენტების უმეტეს ნაწილს თანხის გადახდა უჭირს. თსუ შემხვედრ ნაბიჯს დგამს და სტუდენტებს თანხის გადახდის-პროცედურას უადვილებს.

თამარ მარუაშვილი

როგორც ჰუმანიტარულ მეცნიერებათა ფაკულტეტის პირველი კურსის სტუდენტი გიორგი შენგელია ამბობს, იგი 2009 წელს ერთიანი ეროვნული გამოცდების შედეგად ივანე ჯავახიშვილის სახელობის თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტზე ჩარიცხა. „ოცნება ავიხდინე, მაგრამ სამწუხაროდ, დაფინანსება ვერ მოვიპოვე და ჩემი მშობლები იძულებულნი გახდნენ უნივერსიტეტში შესატანი თანხა ბანკიდან გამოეღებინათ. მიუხედავად იმისა, რომ რამდენიმე ბანკი სტუდენტების სესხების გაცემის თაობაზე საკმაოდ მიმზიდველ პირობას სთავაზობდა მომხმარებელს, პრობლემა მაინც შეგვექმნა. როგორც ვთქვამ, თბი-სი ბანკიდან სესხის გამოტანა იმ კლიენტებს უფრო გაუადვილდათ, რომლებსაც ამ ბანკში ხელფასი ერიცხებოდათ. ინფორმაცია იმის თაობაზე, ზუსტად რა კრიტერიუმით გაიცემა სესხი, ჩვენთვის გაურკვეველი დარჩა. საბოლოოდ, ერთნაირი სესხი „საქართველოს ბანკიდან“ გამოვიტანეთ. ჩემთვის და ჩემი ოჯახისთვის მისაღებია, თსუ-ის ახალი ინიციატივა გადასახადის ეტაპობრივად დაფარვის თაობაზე“, — აცხადებს გიორგი შენგელია.



სტუდენტთა სოციალური მდგომარეობის გათვალისწინებით, 2009-2010 სასწავლო წლის გაზაფხულის სემესტრში თსუ-ის სტუდენტებს მიეცათ უფლება — სწავლის საფასური გადაიხადონ ეტაპობრივად, შემდეგ ვადებში: სწავლის საფასურის პირველი ნაწილი — 2010 წლის 13 მარტამდე; მეორე ნაწილი — პირველ კოლოკვიუმამდე, სემესტრული გადასახადის მთლიანი დაფარვა კი — 2010 წლის 14 ივნისამდე უნდა მოხდეს. თანხის სრულად გადაუხდელობის შემთხვევაში სტუდენტი არ დაიშვება სემესტრულ დასკვნით გამოცდებზე. იგი კარგავს გადახდილი თანხის უკან დაბრუნების ან მომდევნო სემესტრებში გამოყენების უფლებას.

აღსანიშნავია, რომ სწავლის საფასურის გადაუხდელობის თუ დაგვიანების შემთხვევაში სტუდენტზე არ ვრცელდება საჯარო-სამართლებრივი სასჯელი. მაგრამ თუ სტუდენტს არ აქვს გადახდილი სწავლის საფასური, მაშინ მას მონაცემთა ბაზა არ გაეხსნება და არც საგნის არჩევა შეეძლება.

ცხადია, თანხის გადაუხდელობის მიზეზს სტუდენტის ოჯახის მძიმე მატერიალური მდგომარეობა განაპირობებს. მაგრამ თუ სტუდენტი წარჩინებულია, თბილისის სახელმწიფო უნივერსიტეტი მას ამ პრობლემის გადაჭრაშიც ეხმარება.

არსებობს ნიჭიერ სტუდენტთა ნახალისების საუნივერსიტეტო ფონდი, რომელიც სტუდენტს მაღალი აკადემიური მოსწრების მიხედვით აფინანსებს. თბილისის სახელმწიფო უნივერსიტეტი მაღალი აკადემიური მოსწრების დოქტორანტის სწავლის საფასურის 10% -ს ფარავს, მიუხედავად იმისა, აღებული აქვს თუ არა მას რაიმე გრანტი.

სოციალურად დაუცველი სტუდენტების დიდ ნაწილს აფინანსებს თბილისის მერია და საქართველოს განათლებისა და მეცნიერების სამინისტრო.

საქართველოს განათლებისა და მეცნიერების სამინისტრომ დააფინანსა მაღალმთიანი რეგიონების, მრავალშვილიანთა და ავგისტოს ომში დაღუპულთა ოჯახების, აფხაზეთისა და სამხრეთ ოსეთის ლტოლვილი სტუდენტი-ახალგაზრდობის ნაწილი.

რაც შეეხება სტუდენტურ სესხს, სტუდენტური სესხის პროგრამა ივანე ჯავახიშვილის სახელობის თბილისის სახელმწიფო უნივერსიტეტში 2007 წლიდან ამოქმედდა. სტუდენტური სესხის პროგრამაში მონაწილეობს სული კომერციული ბანკი: თბი-სი, საქართველოს ბანკი, სახალხო ბანკი, ბაზის ბანკი და ბანკი რესპუბლიკა. სტუდენტებს გარკვეული პრეტენზიები აქვთ ამ კომპიუტერული პრობლემებზე. სტუდენტები კომერციული ბანკებისგან მეტ მოქნილობას და მათი ინტერესების გათვალისწინებას ითხოვენ.

თბი-სი ბანკის პაირ-მენეჯერის ნათია გოცაძის თქმით, გასულ წელს, მსოფლიო ეკონომიკური კრიზისის შედეგად ბანკებმა მკვეთრად გაზარდეს სესხებზე საპროცენტო განაკვეთები და გამამკაცრეს გაცემის პროცედურა. მიუხედავად ამისა, ამ ბანკში ყოველთვის აქტიურად ხდებოდა სტუდენტური სესხების გაცემა. „თბი-სი ბანკი კიდევ უფრო აძლიერებს თავის აქტიურობას საკრედიტო ბაზარზე და ეს ფაქტი, რასაკვირველია, აისახება სტუდენტურ სესხებზეც. ამჟამად ბანკში მიმდინარეობს სესხების კამპანია „ნაბიჯი სურვილების ასრულებისკენ“, რაც იმას ნიშნავს, რომ თბი-სი ბანკში სესხების აღება გაცილებით მარტივი და ხელმისაწვდომი გახდა. კერძოდ, თბი-სი ბანკის სესხებზე გამოცხადდა 1%-იანი ფასდაკლება და ეს პირობა, ასევე, ვრცელდება სტუდენტურ სესხებზეც. ამასთან, ჩვენ ვთავაზობთ მომხმარებელს სწრაფ, კომფორტულ და ხარისხიან სერვისს. მინიმალურ საპროცენტო განაკვეთსა და შეღავათებს“, — განაცხადა ნათია გოცაძემ.

სხვა კომერციული ბანკები შესთავაზებენ თუ არა სტუდენტებს რაიმე ახალ პირობებს — ეს კითხვა სტუდენტებისთვის კვლავ აქტუალურ საკითხად რჩება. იმედია, კონკურენციის პირობებში ეს თემა ბანკებისთვისაც უფრო ყურადღაღები გახდება.



პრეზიდენტის სტიპენდიატთა ნაწილს უნივერსიტეტი აფინანსებს

მესამე წელია სახელმწიფო უნივერსიტეტების წარჩინებულ სტუდენტებს შესაძლებლობა აქვთ გახდნენ პრეზიდენტის სტიპენდიატები. სტიპენდია თვეში 150 ლარს შეადგენს და სემესტრულად ინიშნება. შესაბამისად, სტიპენდიატთა შესარჩევად მოთხოვნები საკმაოდ მკაცრია, რაოდენობა კი შეზღუდულია.

შურთხია ბეროშვილი

სასწავლო დეპარტამენტის სამსახურის უფროსის რუსუდან ჩიქოვანის ინფორმაციით, 2008-2009 სასწავლო წლის გაზაფხულის სემესტრში, აღნიშნული პროგრამის ფარგლებში, უნივერსიტეტის 570 წარჩინებული სტუდენტი თვეში 150 ლარის ოდენობით დაფინანსდა, თუმცა შემდგომ, განათლებისა და მეცნიერების მინისტრის 2009 წლის 26 ნოემბრის ბრძანების საფუძველზე, კრიტერიუმები შეიცვალა, რომლის თანახმად, პრეზიდენტის სტიპენდიებს სახელმწიფო უნივერსიტეტების სტუდენტთა მხოლოდ 2% მიიღებს. შესაბამისად, პრეზიდენტის სტიპენდი-

ატა რიცხვი თბილისის სახელმწიფო უნივერსიტეტშიც შემცირდა. აქედან გამომდინარე, მინისტრის ბრძანების ნაწილობრივი ცვლილების საფუძველზე, 2009 წლის შემოდგომის სემესტრში, ნაცვლად 570 სტუდენტისა, პრეზიდენტის სტიპენდია 280-მა წარჩინებულმა სტუდენტმა მიიღო. თუმცა, უნივერსიტეტის რექტორის გიორგი ხუბუას გადამწყვეტილებით, წარჩინებულ სტუდენტთა დარჩენილი ნაწილი — 290 სტუდენტი უნივერსიტეტმა თავად დააფინანსა.

„უნივერსიტეტის ხელმძღვანელობამ გადაწყვიტა, რომ იმ სტუდენტებისთვის, რომლებიც დაფინანსების გარეშე დარჩნენ, თვითონ გადაეხადათ იმავე რაოდენობის თანხა და ნახალისებისა ის სტუდენტები, რომლებმაც ვერ მიიღეს პრეზიდენტის სტიპენდია. 2009-2010 სასწავლო წლის შემოდგომის სემესტრში სტიპენდია იღეს 570 სტუდენტმა მიიღო, მაგრამ აქედან მხოლოდ 280 გახდა პრეზიდენტის სტიპენდიანი, დანარჩენებს კი უნივერსიტეტის ეკონომიკური საქმიანობიდან მიღებული შემოსავლიდან დაეინიშნათ სტიპენდია“, — აღნიშნა რუსუდან ჩიქოვანმა.




რით დაიმსახურეს მათ პრეზიდენტის სტიპენდიატობა?

სტუდენტი რომ ახალ ველოსიპედს ვერ გამოიგონებს და ცხოვრების ამ მნიშვნელოვან ეტაპზე მისი მოვალეობა კარგი სწავლა, მარტივი ჭეშმარიტებაა. დღეს პროფესიონალი ზმის შეფასების კრიტერიუმები შეიცვალა. მარტო მაღალი აკადემიური მოსწრება კონკურენტუნარიან გარემოში დიდ უპირატესობად უკვე აღარ ითვლება. როგორ შეიძლება გახდეს ახალგაზრდა რჩეულთა შორის რჩეული? ამისათვის მზა რეცეპტი არ არსებობს, მაგრამ ჩვენს რეალობაში არსებობენ ისეთი სტუდენტები, რომლებსაც უკვე გარკვეული ნარმატები აქვთ საზოგადოებრივ თუ სამეცნიერო საქმიანობაში. ამ ნარმატებებისთვის კი ისინი ღირსეულად იღებენ ისეთ მაღალ ჯილდოს, როგორც პრეზიდენტის სტიპენდია. მათთან გასაუბრებამ რჩეულ სტუდენტთა სწორედ ის უპირატესობანი დაგვანახა, რისთვისაც მათ სპეციალური სტიპენდია დაენიშნათ.

შურთხია ბაროშვილი

დამიბრნი ბაროშვილი იურიდიული ფაკულტეტის IV კურსის სტუდენტია. მას შემდეგ, რაც პრეზიდენტის სტიპენდია დაენიშნა, იგი მას ყოველ სემესტრში იღებს. ძნელია კონკურენტი მოუძებნო ახალგაზრდას, რომელსაც უკვე საკმაოდ მდიდარი ბიოგრაფია აქვს. იგი აქტიური საზოგადოებრივი და სამეცნიერო საქმიანობით გამოირჩევა. როგორც თვითონ აღნიშნავს, მისი ამჟამინდელი მოღვაწეობის სფერო მრავალმხრივია. თუმცა, მთავარი გეგმები, ჯერჯერობით, კვლავ უნივერსიტეტს უკავშირდება.



ჯერ კიდევ მეორე კურსზე სწავლის დროს, 2007 წელს დამიბრნი გეგენავამ მეგობრებთან ერთად არასამთავრობო ორგანიზაცია — „სტუდენტური კვაზი სასამართლო“ დააფუძნა, რომელიც მიზნად ისახავდა სტუდენტებში იურიდიული უნარ-ჩვევების განვითარებასა და დაწერვას. ამავე წელს იგი ამ ორგანიზაციის კანცლერად აირჩიეს. 2009 წელს აირჩიეს „ევროპის იურისტ სტუდენტთა ასოციაცია საქართველოს“ ვიცე-პრეზიდენტად აკადემიური საქმიანობის სფეროში, დეკემბერში კი საქართველოს ახალგაზრდა მეცნიერთა საზოგადოების პრეზიდენტად. სწორედ ამის დასახურება, რომ, დაახლოებით, ერთ წელიწადში დამიბრნი გეგენავა

საქართველო-ევროპის იურისტ-სტუდენტთა ასოციაციის სრული წევრი გახდა, რაც უპრეცედენტო შემთხვევაა ასოციაციის არსებობის მანძილზე.

ამჟამად იგი სტუდენტური დასაქმების პროგრამის ფარგლებში უნივერსიტეტში მუშაობს. 2009 წლიდან დღემდე იურიდიული ფაკულტეტის სპეციალისტი და იურისტ-კონსულტანტი სამართლებრივ საკითხებში. მისი ძირითადი მოვალეობაა იურიდიული ფაკულტეტის ადმინისტრაციულ ორგანიზებაზე ზრუნვა და სამართლებრივი აქტების მომზადება.

ნარმატებული სტუდენტის მომავალი გეგმები ჯერჯერობით სამეცნიერო საქმიანობას უკავშირდება. მისი სურვილია, მაგისტრატურის და დოქტორანტურის დამთავრების შემდეგ აკადემიურ საქმიანობასთან ერთად იურიდიული საჯარო სამართლის კუთხით გააგრძელოს პრაქტიკული მუშაობა.

გარდა ამისა, დამიბრნი გეგენავა შემოქმედებით ნიჭითაც არის დაჯილდოებული და უკვე სამეცნიერო სახელმძღვანელოების შედგენაზეც მუშაობს. კარგა ხანია წერს ლექსებს და მოთხრობებს. 2009 წელს გამოიცა მისი ნიგანი „Sapientia sat“ („გამგებნი გაიგებ“) თარგმანი არაბულზე ბრენის, პერსი ბიშ შელის, ბაირონის მოთხრობები და პუბლიკაციები.

„მისის ბოლოს გეგმავს სამეცნიერო სახელმძღვანელოს გამოცემას, სადაც განვიხილავ განათლების სამართლის ერთ-ერთ პრობლემურ საკითხს, ზაფხულში კი გამოიცემა „პაპუარების სამართალი“. მიმართა, რომ გასაკეთებელი ბევრია, მაგრამ შრომა არ მეზარება“, — ამბობს დამიბრნი.

რომან გიბაური ზუსტ და საბუნებისმეტყველო მეცნიერებათა ფაკულტეტის ქიმიის მიმართულების IV კურსის სტუდენტია. მაღალი აკადემიური მოსწრებით თავიდანვე გამოირჩეოდა. უკვე იცის, რომ ამ დარგში მნიშვნელოვან ნარმატებებს მიაღწევს და ღირსეულად გააგრძელებს წინამორბედი მეცნიერების გზას.



„მიუხედავად იმისა, რომ დღეს ქიმია არც ისე პოპულარული მეცნიერებად ითვლება, დარწმუნებული ვარ, ახლო მომავალში ეს დარგი ძალიან პერსპექტიული გახდება და ქვეყნის განვითარების საქმეში ქიმიკოსები თავის სიტყვას იტყვიან. შეიძლება თქვას, რომ ქიმიკოსობა ჩემი „სავარჯულო“ პროფესიაა. ცნობილი მეცნიერი რომან გიგაური, რომელიც პაპაჩემის ძმა იყო, დიდხანს მოღვაწეობდა თსუ-ის არაორგანული ქიმიის კათედრაზე. მისი მოსახლე ვარ და ვცდილობ, ღირსეულად გავაგრძელო მისი დაწყებული საქმე. ბოლო დროს უნივერსიტეტის ხელმძღვანელობის მხრიდან ამ დარგს მეტი ხელშეწყობა აქვს, თუმცა გასაკეთებელი ბევრია... საჭიროა ახალი რეაქტივების, ხელსაწყოების შექმნა, ლაბორატორიების ოპტიმიზაცია და სხვა“, — აღნიშნა ჩვენთან საუბარში რომან გიგაურმა.

ამჟამად რომანი ბუჟან ჭანკვეტაძის ხელმძღვანელობით სამეცნიერო ლაბორატორიაში კაპილარულ ელექტროფორეზზე, ფსიქოტროპულ და ნაწილობრივ ნარკოტიკულ ნაერთთა დაყოფაზე და ანალიზზე, ასევე, დაყოფის მეთოდებზე და მათ ოპტიმიზაციაზე მუშაობს. ახლახან დაიწყო მუშაობა მოლეკულური მოდელირების მექანიზმების გამოკვლევაზე კაპილარულ ელექტროფორეზში.

„სამუშაო საკმაოდ რთულია, მაგრამ საინტერესოა და იმედი მაქვს, ამ მიმართულებით გარკვეულ ნარმატებს მივაღწევ. მინდა, ის ცოდნა, რომელსაც უნივერსიტეტში შევიძენე, პრაქტიკაში დავენერგო და გამოვიყენო. უნი-

ვერსიტეტის დამთავრების შემდეგ რომელიმე ფარმაცევტულ ფაბრიკაში ან ლაბორატორიაში ვიმუშაებ. შესაძლოა, საკუთარი ლაბორატორიაც გახსნა. მეორედ სპეციალობად ფიზიკა ავირჩიე. ჯერ-ჯერობით სწავლით ვარ დაკავებული. ქიმიის მიმართულებაზე გამართულ სამეცნიერო კონფერენციაზე პირველი ადგილი მოვიპოვე, მინდა, ცხოვრებაში ნარმატებული ადამიანი გავხდე და ჩემი ადგილი დავიმკვიდრო“, — ამბობს რომანი.

იგი თავისუფალ დროს, ძირითადად, მხატვრულ ლიტერატურას კითხულობს ან მუსიკას უსმენს. ამჟამად თეოდორ დრაიხერის „ფინანსისტს“ კითხულობს და ძალიან მოსწონს.


ქაბატარინე სირაძე იურიდიული ფაკულტეტის IV კურსის სტუდენტია. პრეზიდენტის სტიპენდია შემოდგომის სემესტრში მოიპოვა. სწავლის პარალელურად იურიდიული ფაკულტეტის სასწავლო პროცესის მართვის სამსახურში მუშაობს. სწავლისა და მუშაობის შეთავსება სრულებითაც არ უჭირს, მან კარგად იცის დროის ფასი.

„ეს არც ისე რთულია, თუ მოინდომებ. მთავარი კი იმ საქმის სიყვარულია, რომელსაც აკეთებ. სწავლა ჩემთვის ძალიან მნიშვნელოვანია. ყველანაირად შევეცადე, რომ გაფიცვებზე მაღალი შეფასებები დამმსახურებინა და პრეზიდენტის



სტიპენდიატი გავმხდარიყავი. უნივერსიტეტი ნარმატებულ სტუდენტებს აძლევს საშუალებას — მაქსიმალურად გამოიყენონ თავიანთი შესაძლებლობები და პრაქტიკული უნარ-ჩვევები განავითარონ. ყოველ წელს ჩვენ გვეძლევა საშუალება, სტუდენტური დასაქმების ფარგლებში აქტიურად ჩავეერთოთ პრაქტიკულ საქმიანობაში. ამჟამად ხელშეკრულებით ვმუშაობ და იმედი მაქვს, მომავალშიც მომეცემა საშუალება გავაგრძელო საქმიანობა ამ მიმართულებით“, — ამბობს ეკატერინე.

სტუდენტის თვალით



რეფორმამ უნივერსიტეტი პრობლემატისგან ჯერ კიდევ ვერ იხსნა

განათლების თანამედროვე სისტემაში უზრუნველყო სწავლის დონის გაუმჯობესება. თუმცა, ვერ ვიტყვი, რომ ამ რეფორმამ უნივერსიტეტი ყველა ასპექტით პრობლემებისგან იხსნა. არის კითხვები, რომლებიც სტუდენტებს ებადებათ. სხვადასხვა ფაკულტეტის სტუდენტებთან საუბრის შემდეგ გამოიკვეთა პრობლემათა ორი კატეგორია. პირველი, რომელიც საერთოა მთელი სასწავლებლისთვის და მეორე, რომელიც მხოლოდ გარკვეულ ფაკულტეტებს ან სფეროებს აერთიანებს.

სტუდენტებში დიდ პროტესტს იწვევს აკადემიური რეგისტრაცია, რომელიც ვადებში თითქმის არასდროს ჯდება. ეს თავისთავად ქმნის პრობლემას საგნების არჩევასთან დაკავშირებით და სტუდენტის მოზიზღავას ადუნებს. სასწავლო ბაზის მოულოდნელი გახსნა და ინფორმაციის ნაკლებობა აფერხებს სასურველი საგნების არჩევას, რაც, თავისთავად, უკვე პრობლემაა. ამასთან შეგვიძლია ვთქვათ, რომ საგნის გარეშე დარჩენა და იძულებით ისეთი საგნის არჩევა, რომელიც სტუდენტის ინტერესებში არ შედის, თბილისის სახელმწიფო უნივერსიტეტისთვის ჩვეულ მოვლენად იქცა. ამ პრობლემებთან დაკავშირებით მივმართეთ თსუ-ის სასწავლო დეპარტამენტის უფროსს, ქალბატონ რუსუდან ჩიქოვანს. მან ჩვენთან საუბრისას განაცხადა, რომ დამატებითი გამოცდების გვიან ჩაბარების მიზეზით, რეგისტრაციის ვადებმა გადაინია. ვინაიდან ყველა სტუდენტი თანაბარ პირობებში უნდა ჩამდგარიყო, გადაწყდა აკადემიური რეგისტრაციის რამდენიმე დღით გაგრძელება. რაც შეეხება საგნების გამოტანის პრობლემას, როგორც სასწავლო დეპარტამენტში გავარკვიეთ, ეს დეკანატების პრეროგატივაა.

საკმაოდ საინტერესოა დამოკიდებულება ერთიანი საგამოცდო სისტემისადმი. ამ საკითხთან მიმართებაში სტუდენტებს ორი რადიკალურად განსხვავებული მოსაზრება

აქვთ. პირველი მიიჩნევენ, რომ მაღლივში გამოცდების ჩატარება ლექტორისადმი უნდობლობის გამოცხადებას ნიშნავს და შეურაცხყოფელია. ხოლო მეორენი ფიქრობენ, რომ ერთიანი საგამოცდო სისტემის არსებობა უზრუნველყოფს სწავლის დონის ამაღლებას, რადგან სტუდენტს მეცადინეობის გარდა სხვა გზა არ რჩება. აღნიშნული პრობლემით მივმართეთ თსუ-ის საგამოცდო ცენტრის ხელმძღვანელს, ქალბატონ თეა იმედაძეს, რომელმაც ცალსახად უარყო საგამოცდო ცენტრის, როგორც პედაგოგის უფლებების შემზღუდავი ორგანოს არსებობა. „ამის დასამტკიცებლად ის არგუმენტაცია კმარა, რომ პედაგოგი თავად ადგენს საგამოცდო ბიულეტენს, ასევე, ადგენს გამოცდის ფორმატს

და საბოლოოდ, თავადვე ამოწმებს ნაშრომებს“, — განაცხადა თეა იმედაძემ. მისივე თქმით საგამოცდო ცენტრი მხოლოდ სტუდენტის მაკონტროლებელი ორგანოა, რომლის შექმნის მიზანი სწავლის დონის ამაღლებაა. ყოველი სემესტრის ბოლოს ჩატარებული სტატისტიკური კვლევების საფუძველზე საგამოცდო ცენტრში გვითხრეს, რომ სტუდენტებში სწავლის დონე სემესტრიდან სემესტრამდე საკმაოდ იზრდება.

სოციალურ და პოლიტიკურ მეცნიერებათა ფაკულტეტზე მთავარ პრობლემად ჯერ კიდევ რჩება სასწავლო ლიტერატურის ქართულ ენაზე არარსებობა. სტუდენტები ლექტორების დახმარებით ცდილობენ შექმნან კოლეგიები, სადაც ინგლისური და

რუსული მასალები გადმოითარგმნება ქართულად. რაც შეეხება თავად უნივერსიტეტის ადმინისტრაციას, ამ პროცესურაში ის არ მონაწილეობს. არ არსებობს არც ერთი ორგანო, რომელიც ამ პრობლემით დაინტერესდება და არსებულ ჯგუფებს დახმარებას გაუწევს.

მიუხედავად იმისა, რომ უნივერსიტეტის კომპიუტერიზაცია შესამჩნევად მიიწვეს წინ, სტუდენტები მაინც გამოთქვამენ პროტესტს რესურსების ადმინისტრაციისადმი. არ აკმაყოფილებთ ინტერნეტის ხარისხი და ამბობენ, რომ ადგილი კომპიუტერთან მუდამ დეფიციტია. სტუდენტების პროტესტს ეთანხმება საინფორმაციო ტექნოლოგიების დეპარტამენტის ხელმძღვანელი, ბატონი არჩილ ელიზბარაშვილი. მასთან საუბრისას გაიკვია, რომ თბილისის სახელმწიფო უნივერსიტეტის კომპიუტერული ქსელის გამართვისათვის ძალიან არ არის, რადგან შექმნილი დროს ის არ ჩამოყალიბებულა გარკვეული არქიტექტურით. 2010 წლიდან დაიწყო ახალი კომპიუტერიზაციის ტალღა, რაც, თავისთავად, გამოიწვევა ქსელის კიდევ უფრო დატვირთვას. გარდა ამ პრობლემისა გაიკვია, რომ უნივერსიტეტი ყიდულობდა ძალიან დაბალი ხარისხის ინტერნეტაკაესტს. თუმცა 2010 წლიდან ხარისხი 4 ჯერ გაიზარდა, სერვისის მიწოდება ხდება ვაკე-საბურთალოს შეიქმნილი საკომუნიკაციო კვანძში და ინტერნეტის ხარისხიანობას განაპირობებს ის, თუ თითო კვანძზე რა დოზით მოდის დატვირთვა. რაც შეეხება რესურსცენტრებში კომპიუტერების დეფიციტს, ამას ბატონი არჩილ უარყოფს და განმარტავს, რომ სტუდენტების მომრავლება მხოლოდ სემესტრის დასაწყისში, რეგისტრაციის დროს შეინიშნება.

სტუდენტების ენთუზიაზმი არ ცხრება. არც ადმინისტრაციის წარმომადგენლებს ეტყობათ დასვენება, ნარმატებული შედეგების მისაღწევად ჯერ კიდევ ბევრია სამუშაო და, პირველ რიგში, საკუთარ თავზე.

ზვიად ბარძია, სოციალურ და პოლიტიკურ მეცნიერებათა ფაკულტეტის სტუდენტი



სტუდენტთან პირისპირ

2

პრობლემას ქმნის ის, რომ რეალურად მათი ცოდნა პირველ დონეს არ შეესაბამება. ამით არის გამოწვეული, რომ მათ 2 სემესტრი არ ყოფნით. თუ დაკვეთა იქნება, რომ ვასწავლოთ უფრო მეტხანს, რასაკვირველია, ამას გავაკეთებთ.

დარეკვან თბალთბაძე, თსუ-ის ჰუმანიტარულ მეცნიერებათა ფაკულტეტის დეკანის მოვალეობის შემსრულებელი:

— უცხო ენის 4-ნობიანი სწავლება არც ერთ ფაკულტეტზე არ არის. ჩვენ 20 კრედიტზე მეტის გამოყოფა ამ დისციპლინისთვის (ერთი ევროპული და ერთი აღმოსავლური ენა — სურვილისამებრ) არ შეგვიძლია, რადგან მხოლოდ 120 კრედიტი ეთმობა სპეციალობის საგნებს, დანარჩენს კი minor პროგრამა და თავისუფალი კრედიტები ავსებს. იმ სტუდენტებს, რომელთაც მეტი დრო ესაჭიროებათ უცხო ენის სათანადო დონეზე შესასწავლად, ვურჩევდი minor პროგრამის საშუალებით მოავადგინოთ ეს პრობლემა.

? მანუშარ ბუნცაძე, ჰუმანიტარულ მეცნიერებათა ფაკულტეტის ისტორიის მართლმეტყველების VII სემესტრის სტუდენტი:

— სტუდენტები ხშირად ასეთ პრობლემას განიცდიან: ვირჩევთ საგანს და სასურველ ლექტორს, მაგრამ სწავლის დანების დროს პროფესორთა აკადემიური კონკურსების ჩატარების შემდეგ ან ის ლექტორი აღარ არის უნივერსიტეტში, რომელიც სტუდენტმა აირჩია, ან საგანი უქმდება. სტუდენტის თავისუფალი არჩევანი და სურვილი ასეთ კონკრეტულ შემთხვევაში აღარაა გათვალისწინებული. შეიძლება თუ არა ამ პრობლემის მოგვარება?

დარეკვან თბალთბაძე, თსუ-ის ჰუმანიტარულ მეცნიერებათა ფაკულტეტის დეკანის მოვალეობის შემსრულებელი:

— კონკურსის წესი ისაა, რომ კადრები შეირჩეს. ბუნებრივია, რომ ვიღაც წავა და ვიღაც დარჩება. სტუდენტს, რასაკვირველია, აქვს უფლება, აირჩიოს სასურველი ლექტორი და საგანი, მაგრამ სტუდენტი არ ირჩევს — ვინ იყოს უნივერსიტეტის პროფესორი. ეს კონკურსი შემოდგომაზე ჩატარდება და, მართლაც დაემთხვა სტუდენტთა აკადემიურ რეგისტრაციას, მაგრამ ლექტორების დიდი ნაწილი დარჩა აკადემიური პერსონალის სიაში, ნაწილი კი მოწვეული პროფესორის რანგში კითხულობს ლექციებს. თუ რომელიმე ლექტორმა თავისი სურვილით არ მიიღო კონკურსში მონაწილეობა და არ ინდომა უნივერსიტეტის ლექტორობა, სამწუხაროა, მაგრამ სტუდენტებს უნდა ესმოდათ, რომ ეს ჩვენგან დამოუკიდებლად ხდება. საერთოდ, ეს საკითხი არ დგას მუდმივ პრობლემათა რიგში. აკადემიური კონკურსები ხომ ყოველ სემესტრში არ ტარდება?

მოამზადა მარიამ ჰუმიტაშვილმა



მოკლედ

ჟურნალისტიკის მიმართულების სტუდენტების პროტესტი

15 მარტს თსუ-ის სოციალურ და პოლიტიკურ მეცნიერებათა ფაკულტეტის ჟურნალისტიკის მიმართულების სტუდენტებმა მე-6 კორპუსის წინ მოაწყვეს საპროტესტო აქცია „ნუ იტყუები!“ „რომელიც მიმართული იყო ტელეკომპანია „იმედის“ ეთერში გასული „მოდელირებული ქრონიკის“ იდეის წინააღმდეგ. ჟურნალისტიკის მიმართულების სტუდენტებმა გააპროტესტეს ტელეკომპანია „იმედის“ ეთერით ჟურნალისტიკის ეთიკის უხეშად დარღვევის ფაქტი.

2010 წლის აპრილიდან თსუ-ში ხელფასები კვლავ გაიზარდა

ივანე ჯავახიშვილის სახელობის თბილისის სახელმწიფო უნივერსიტეტი ბიუჯეტის ხარჯებს წლიდან წლამდე ზრდის, რათა უნივერსიტეტის პროფესორ-მასწავლებელთა შრომის ანაზღაურება ევროპულ მაჩვენებლებს მიუახლოვდეს და წარმატებული აკადემიური და სამეცნიერო საქმიანობისთვის ხელსაყრელი გარემო შეიქმნას.

მაია ტორაძე

თუ დღევანდელ სახელფასო ანაზღაურებას რეფორმამდელ პერიოდს შევადარებთ, ადვილად დავადასტურებთ, რომ მისი ზრდის დინამიკა საკმაოდ თვალშისაცემია. ამ ხნის განმავლობაში პროფესორ-მასწავლებელთა შრომის ანაზღაურება საშუალოდ 10-ჯერ გაიზარდა. მაგალითად, თუ 2005 წელს თსუ-ის აკადემიური პერსონალის ხელფასები 117-დან 325 ლარამდე მერყეობდა და სრული პროფესორის ხელფასი 320 ლარით განისაზღვრებოდა, ასოცირებული პროფესორის — 256 ლარით, ხოლო ასისტენტ-პროფესორისა — 192 ლარით, დღეისთვის ეს მაჩვენებლები საკმაოდ შთაბეჭდვად გამოიყურება. კერძოდ, 2009 წლისთვის თსუ-ის სრული პროფესორის შრომის ანაზღაურება (ფაკულტეტების მიხედვით) მერყეობდა 900-დან 3000 ლარამდე, ასოცირებული პროფესორისა —

720-დან 2500 ლარამდე, ხოლო ასისტენტ-პროფესორისა — 400-დან 920 ლარამდე.

2010 წლის პირველ ნახევარში აკადემიური პერსონალის შრომის ანაზღაურება სახელფასო დანამატის ხარჯზე კვლავ გაიზარდა. თსუ-ის საფინანსო დეპარტამენტის მონაცემებით, აპრილიდან თანამდებობრივი სარგო განისაზღვრება: სრული პროფესორისთვის — 900; ასოცირებული პროფესორისთვის — 720; ხოლო ასისტენტ-პროფესორისთვის — 540 ლარით; ხელფასის შევსება დიფერენცირებულად ფაკულტეტებზე მოხდება დანამატის სახით და სრულ პროფესორს დაემატება 130-დან 2100 ლარამდე; ასოცირებულ პროფესორს — 110-დან 1480 ლარამდე; ასისტენტ პროფესორს — 90-დან 860 ლარამდე; ამდენად, აკადემიური პერსონალი შრომის ანაზღაურების სახით, მიიღებს: სრული პროფესორი — 900-დან 3300 ლარამ-

დე; ასოცირებულ პროფესორი 720-დან 2800 ლარამდე; ასისტენტ პროფესორი 540-დან 1500 ლარამდე.

როგორც თსუ-ის საფინანსო დეპარტამენტის უფროსი ირაკლი სალარაიშვილი ამბობს, თბილისის სახელმწიფო უნივერსიტეტი პროფესორ-მასწავლებელთა სოციალური მდგომარეობის გაუმჯობესების და სამეცნიერო მუშაობის ხელშეწყობის სხვადასხვა ფორმის დანერგვის გზით ცდილობს შეინარჩუნოს და მოიზიდოს მაღალკვალიფიციური აკადემიური კადრები. ამ მიზნით ხელფასების პირველი სერიოზული მატება 2007 წელს მოხდა. „2008 წელს ჩვენ უკვე 2 მილიონი ლარი გამოვეყავით ბიუჯეტიდან, რაც ფაკულტეტებზე გადანაწილდა და დანამატის სახით, გამომუშავებული საათებიდან გამომდინარე, მიეცა პროფესორ-მასწავლებლებს.

შრომითი ანაზღაურება, სახელფასო დანამატის ხარჯზე, 2009 წელსაც გაიზარდა. შემოდებული იქნა A და B კატეგორიები, რაც გულისხმობდა იმას, რომ უნივერსიტეტში შეგვენარჩუნებინა აკადემიური პერსონალი და აქვე შეგვექმნა ბაზა, რომელშიც მეცნიერი სრულად შეძლებდა სამეცნიერო პოტენციალის დახარჯვას.

2010 წლის ბიუჯეტში კვლავ გათვალისწინებულია შრომითი ანაზღაურების გაზრდა სახელფასო დანამატის მოხსნაზე, რაც უკვე ფაკულტეტებზე იქნება დამოკიდებული. როგორც იცით, უნივერსიტეტის ექვსივე ფაკულტეტს დამოუკიდებელი ბიუჯეტი გააჩნია. ისინი თავად განკარგავენ თანხებს ხელფასებში, წარმომადგენლობით ხარჯებში, მივლინებებში, წიგნად ფონდში, ექსპედიციებში და სხვადასხვა მატერიალურ საშუალებათა შეძენისთვის. აქედან გამომდინარე, თითოეულ ფაკულტეტზე იმოქმედებს სახელფასო დანამატის გაცემისადმი ინდივიდუალური მიდგომა, — აცხადებს ირაკლი სალარაიშვილი.

ფაკულტეტებმა სახელფასო დანამატების ზრდის ფორმულა უკვე შეიმუშავეს და აპრილის თვიდან აკადემიური პერსონალი გაზრდილ შრომით ანაზღაურებას მიიღებს.



ინიციატივა

უნივერსიტეტი თანამშრომელთა ჯანმრთელობას აზღვევს

ივანე ჯავახიშვილის სახელობის თბილისის სახელმწიფო უნივერსიტეტსა და სადაზღვევო კომპანია „ჯი პი აი პოლიდინგს“ (GPIH) შორის გაფორმდა თანამშრომლობის ხელშეკრულება, რომლის საფუძველზე უნივერსიტეტის ადმინისტრაციული და აკადემიური პერსონალი, ემერიტუსები, მრჩეველთა საბჭოს წევრები და გაცვლით პროგრამებში მონაწილე სტუდენტები 2010 წლის 1 მარტიდან ისარგებლებენ ჯანმრთელობის დაზღვევით.

სადაზღვევო პროგრამა მოიცავს შემდეგ მომსახურებას: ასისტანსი — 24 საათიანი უფასო სატელეფონო მომსახურება; ოჯახის ექიმის მომსახურება, სასწრაფო სამედიცინო დახმარება, გადაუდებელი ამბულატორიული მომსახურება კომპანიის მხრიდან დაფინანსდება სრულად, შეუზღუდავად. პროფილაქტიკური გამოკვლევების ჩატარება, ასევე სრული დაფინანსებით, შესაძლებელია წელიწადში ორჯერ. გეგმიური ამბულატორიული მომსახურების ღირებულებას 700 ლარის ფარგლებში 80 პროცენტით ანაზღაურებს სადაზღვევო კომპანია. გადაუდებელი სტაციონარული მომსახურება დაიფარება კომპანიის მიერ 7500 ლარის ფარგლებში 90 პროცენტით, ხოლო გეგმიური სტაციონარული — სრულად 3000 ლარის ფარგლებში.

ექიმის მიერ გამოწერილ მედიკამენტებს 800 ლარის ფარგლებში დაზღვეული პირები შეიძენენ 70 პროცენტით ფასდაკლებით. გადაუდებელი სტაციონარული მომსახ-



ურება დაფინანსდება სრულად და შეუზღუდავად, ხოლო გეგმიური თერაპიული და ქირურგიული — 600 ლარის ფარგლებში 60 პროცენტით. გარდა ამისა, კომპანია ანაზღაურებს ორთოპედიული და ორთოდონტული სტომატოლოგიური მომსახურების 10-30 პროცენტს.

რაც შეეხება ორსულობას და მშობიარობას, დაფინანსება ხორციელდება 100 პროცენტით.

შემოადინებული ხელშეკრულება ითვალისწინებს სამოგზაურო დაზღვევას (წელიწადში სამი კვირა; 50 000 დოლარი) და სიცოცხლის დაზღვევას (4 000 ლარი).

როგორც თსუ-ის პერსონალის მართვის დეპარტამენტის უფროსმა ნათელა ლაცაბიძემ განაცხადა, თბილისის სახელმწიფო უნივერსიტეტი 2007 წლიდან გადავიდა ჯანმრთელობის დაზღვევის პროგრამაზე. ყოველ წელს ცხადდება ტენდერი და გამარჯვებულ კომპანიასთან ფორმდება შესაბამისი ხელშეკრულება.

სადაზღვევო კომპანიები უნივერსიტეტს სთავაზობენ დამატებით მომსახურებასაც, რაც იმაში გამოიხატება, რომ ხელშეკრულებით მოწვეულ თანამშრომელს თვითდაფინანსებით შეუძლია სადაზღვევო მომსახურების მიღება, გარდა ამისა, პერსონალს შეუ-

ძლია დააზღვიოს ოჯახის წევრებიც (მეუღლე და შვილები).

ალსანოშნავია, რომ უნივერსიტეტის პერსონალის დაზღვევისას მოხსნილია ასაკობრივი ზღვარი. როგორც წესი, სადაზღვევო კომპანიები თავს იკავებენ 60 წელს ზემოთ ასაკის ადამიანების დაზღვევისგან, მაგრამ „ჯი-პი-აი“ თსუ-ს შეღავათი გაუწია და უნივერსიტეტის ადმინისტრაციის თანამშრომელთა ჯანმრთელობის დაზღვევის ასაკობრივი ზღვარი გააუქმა.

დღეისთვის თსუ-ის 1200-მდე თანამშრომელია დაზღვეული. ჯანმრთელობის დაზღვევის სისტემაზე გადასვლა უნივერსიტეტის ხელმძღვანელობის მხრიდან პერსონალის სოციალური მდგომარეობის გაუმჯობესებაზე ზრუნვის ერთ-ერთი გამოხატულებაა.



არასოდეს მიფიქრია, სხვაბან შემოთავაზებული უფრო მაღალი ხელფასის გამო უნივერსიტეტი მიმეტოვებინა

ინტერვიუ პროფესორ ავთანდილ დემეტრაშვილთან

იშვიათია ადამიანი, რომელიც იმგვარი პოლიტიკური კატაკლიზმების ფონზე, როგორც საქართველომ გამოიარა, საპასუხისმგებლო თანამდებობაზე მუშაობდა და ერთიანად მისაღები დარჩა როგორც საზოგადოებისთვის, ასევე, თითქმის მთელი პოლიტიკური სპექტრისთვის. მის კანდიდატურაზე ხელისუფლებაც და ოპოზიციაც ყოველთვის ადვილად თანხმდებოდა, რადგან ღირსეულად იცხოვრა და საკუთარი პრინციპებისთვის არასოდეს უღალატია.

იურიდიულ მეცნიერებათა დოქტორი, პროფესორი **ავთანდილ დემეტრაშვილი** კოლეგებისა და სტუდენტებისთვის მაღალი კვალიფიკაციის მქონე, საინტერესო და პრინციპული ლექტორია. სამეცნიერო მუშაობასთან ერთად იგი წლების განმავლობაში იყო დაკავებული საქართველოში საკონსტიტუციო სამართლის საკითხების მონესრულებით.

ბატონი ავთანდილი დღეს საქართველოს სახელმწიფო საკონსტიტუციო კომისიის ხელმძღვანელობს. გარემო, რომელშიც მას უწევს მუშაობა, ისეთივე სადა და საქმიანია, როგორც თავად ბატონი ავთანდილი. მასთან საუბრისას გიჩნდება განცდა, რომ ამ ადამიანს ადვილად გამოდის – ერთმანეთს შეუთავსოს სამეცნიერო მუშაობა და საკონსტიტუციო კომისიაში მოღვაწეობა, მაგრამ ამ თავშეკავებული საუბრის მიღმა, ცხადია, კოლონალური შრომა და დიდი სამეცნიერო ინტელექტი იმალება.

პროფესორ ავთანდილ დემეტრაშვილთან ჩვენი ინტერვიუს მიზეზი ამჯერად მისი სტუდენტებისა და კოლეგების არჩევანი გახდა – იგი თბილისის სახელმწიფო უნივერსიტეტის იურიდიულმა ფაკულტეტმა გასული წლის საუკეთესო პროფესორად დაასახელა.

მანია ტორაძე

— ბატონო ავთანდილ, სტუდენტებისა და კოლეგების არჩევანი თქვენთვის, ბუნებრივია, სასიამოვნო უნდა იყოს. საინტერესოა, როგორ ახერხებთ ამ საპასუხისმგებლო თანამდებობას პედაგოგისა და მეცნიერის საქმიანობა შეუთავსოთ?

— ისე ვარ შეზრდილი უნივერსიტეტის კოლექტივთან, მის ტრადიციებთან და სულისკვეთებასთან, ასე მგონია, დაბადებიდან უნივერსიტეტში ვარ.

სწავლა დავიწყე აქ, ივანე ჯავახიშვილის სახელობის თბილისის სახელმწიფო უნივერსიტეტში და მერე რუსეთში გავაგრძელე, მაგრამ იმდენად მიმზიდველი იყო ჩემთვის ეს კოლექტივი, რომ მოსკოვის უნივერსიტეტის ასპირანტურის დამთავრებისთანავე უკან დავბრუნდი და აგერ უკვე 40 წელია, რაც უნივერსიტეტში ვმუშაობ. დღესაც, როდესაც საკონსტიტუციო კომისიის წარმომადგენელი ვარ, ყოველთვის ვუსვამ ხაზს, რომ ივანე ჯავახიშვილის სახელობის თბილისის სახელმწიფო უნივერსიტეტის პროფესორი ვარ. ამას ვაკეთებ არა იმიტომ, რომ პროფესორულ საქმიანობას აღვნიშნავ, არამედ იმიტომ, რომ მეცნიერება და პედაგოგობა ჩემი ნამდვილი მონადებაა.

რაც შეეხება კონკრეტულ სამეცნიერო საქმიანობას — ვაგრძელებ მუშაობას თემაზე: „საქართველოს კონსტიტუციური ქრონიკები“. ეს წიგნი ძალიან მალე მომზადდება — ალბათ მომავალ სემესტრში დავასრულებ მასზე მუშაობას.

გარდა ამისა, უკვე დასრულებულია და მხოლოდ კორექტირება სჭირდება სამეცნიერო სტატიას „კონსტიტუციონალიზმის პარადიგმები საქართველოში“, რომელზე მოთხოვნაც ერთ-ერთი საზღვარგარეთული ჟურნალიდან წამოვიდა.

საკონსტიტუციო სასამართლოს მიერ გამოცემულ ჟურნალში, რომლის მეორე ნომერიც უკვე მზადდება, მალე დაიბეჭდება სტატია „საკონსტიტუციო სამართლის მიმოხილვა საქართველოში“.

ჩემი სამეცნიერო ინტერესი კონსტიტუციასთან არის დაკავშირებული და იმ ცოდნას, რაც ასპირანტურაში და დისერტაციის დაცვის დროს შევიძინე, ამ საქმიანობაში ვიყენებ.

— ის ფაქტი, რომ კოლეგებმა წლის წარმატებული პროფესორად დაგასახელეს, ნიშნავს, რომ ხართ დიდი მეცნიერი, კოლეგიალური და კომუნიკაბელური ადამიანი, მაგრამ მხოლოდ ეს თვისებები არაა საკმარისი, რომ სტუდენტებისთვისაც საყვარელი ლექტორი იყოთ. თქვენი აზრით, სხვა ლექტორებისგან რა თვისებების გამო გამოგარჩევენ სტუდენტები?

— თუ საქართველოს დღევანდელ პოლიტიკურ სპექტრს გადახედავთ, აღმოჩნდება, რომ პირობითად, კედლის აქეთა და იქეთა მხარესაც (ხელისუფლებას და ოპოზიციას ვგულისხმობ) ძალიან ბევრი ჩემი ყოფილი სტუდენტია. ოპოზიციის კარგი დახმავებით, ირაკლი ოქრუაშვილი, ხელისუფლებაში — პავლე კუბლაშვილი, კოტე კუბლაშვილი და კიდევ ბევრი სხვა. მათთვის მიუღებელი არასოდეს ვყოფილვარ. ეს ალბათ იმიტომ ხდება, რომ მიმანჩია — სტუდენტთა ინტელექტუალური პოტენციალი, მათი შესაძლებლობა ყოველთვის უნდა გამოიყენო ქვეყნის სასიკეთოდ. როდესაც დღეს მოქმედი კონსტიტუცი-

ის შემუშავების პროცესი მიმდინარეობდა, შევექმენი კონსტიტუციონალისტების ჯგუფი იმ პიროვნებებისგან, რომლებიც ზემოთ ჩამოვთვალე. მათ საშუალება მიეცა, ემუშავათ კონსტიტუციის პროექტზე და თავიანთი მოქალაქეობრივი ვალდებულება შეესრულებინათ.

არ დაგიმალავთ და ამ კომისიის თავმჯდომარედ დანიშნა ჩემთვისაც მოულოდნელი იყო, რადგან არ ვიზიარებდი რეფორმას. იმთავითვე ვიყავი და დღესაც შერეული მმართველობის ფორმის მომხრე ვარ. ეს კონსტიტუციაში, ტერიტორიულ მოწყობასთან ერთად, ძირითადი საკითხია.



ამ მეთოდს სტუდენტებთან დღესაც ვიყენებ, რადგან კვლევის შედეგად ისინი ახალ ცოდნას იძენენ. დღეს უნივერსიტეტში 150-კაციანი ჯგუფი მყავს. მათ შევთავაზებ, რომ შეექმნათ პატარა ჯგუფი, რომელიც მიმდინარე კონსტიტუციურ რეფორმაში ჩაებმეზობოდა. აღმოჩნდა, რომ ეს „პატარა“ ჯგუფი 60-70 მსურველისგან დაკომპლექტდა და რადგან სხვებსაც ჰქონდათ მუშაობის სურვილი, მე და ჩემმა ასისტენტებმა ისინი გავინაწილე. ახლა 3-4 ჯგუფი მუშაობს კონსტიტუციის პროექტზე. ამით იმის თქმა მინდა, რომ მთავარია სტუდენტებს ენდო. ეს არის უპირველესი მოთხოვნა.

ვიზიარებ იმ მოსაზრებას, რომ დღეს ლექციის ყველაზე მისაღები ფორმა არის ინტერაქტიული ფორმატი — როდესაც სტუდენტს ესაუბრები და მასაც უსმენ, დიალოგს იწვევ. ალბათ ამითაცა გამოწვეული ის ნდობა, რომელიც სტუდენტებმა გამომიხატავენ.

— საქართველოში საკონსტიტუციო სასამართლოს შექმნის დღიდან აქტიურად ხართ ჩართული ამ პროცესებში, მაგრამ ამ თანამდებობაზე თქვენი არჩევა საზოგადოების გარკვეული ნაწილისთვის მაინც მოულოდნელი იყო, რადგან თქვენ არასოდეს ყოფილხართ პოლიტიკური მხარე და არასოდეს აკეთებდით პოლიტიკურ განცხადებებს ვინმეს საამებლად. საინტერესოა, კომისიის მუშაობის პროცესშიც ასეთივე მიუკერძოებელი ხართ? ითვალისწინებთ ოპოზიციის მოსაზრებებსაც? როგორ მუშაობთ?

— გეტანხმებით, რომ პოლიტიკაში ჩართული არასოდეს ვყოფილვარ, არც ყველა საკონსტიტუციო ცვლილებას ვეტანხმებოდი და დროის მოთხოვნის გამო ჩემი სამეცნიერო გემოვნებისათვის არასოდეს მიღალატია. არ დაგიმალავთ და ამ კომისიის თავმჯდომარედ დანიშნა ჩემთვისაც მოულოდნელი იყო, რადგან არ ვიზიარებდი 2004 წელს განხორციელებულ კონსტიტუციურ რეფორმას. იმთავითვე ვიყავი და დღესაც შერეული მმართველობის ფორმის მომხრე ვარ. ეს კონსტიტუციაში, ტერიტორიულ მოწყობასთან ერთად, ძირითადი საკითხია. ჩემი ხედვაა, რომ საქართველოში მმართველობის ფორმა უნდა პასუხობდეს ერთ მოთხოვნას — რაც შეიძლე-

ლასთან საჭიროა ურთიერთობის რაღაც ფორმის მოძებნა, რათა შესაძლებელი იყოს მათთან მუშაობა. არ ვხელმძღვანელობ პოლიტიკური ინტერესებით. ჩემი მიზანია ორი პრინციპის დაცვა — მეცნიერული ცოდნის გამოყენება და ქვეყნის ინტერესი, რომელსაც უნდა მოემსახუროს ჩემი სამეცნიერო მოღვაწეობაც და შესაძლებლობებიც.

— იმ წლებში, როცა საქართველოს განათლების სისტემას არც ისე უღიხნდა, უნივერსიტეტი სხვადასხვა მიზეზის გამო ბევრმა პროფესორმა დატოვა და სხვა უნივერსიტეტში დაემკვიდრა. თქვენ გიფიქრიათ უნივერსიტეტიდან წასვლაზე?

— არ დაგიმალავთ და მქონდა შემოთავაზებები ძალიან პრესტიჟული უნივერსიტეტებიდან, მაგრამ არასოდეს მიფიქრია სხვაგან შემოთავაზებული უფრო მაღალი ხელფასის გამო მიმეტოვებინა ჩვენი უნივერსიტეტი.

ერთი ძალიან ზოგადი განცხადება უნდა გავაკეთო — ძალიან მიკვირს ოპოზიციის ზოგიერთი წარმომადგენლის განცხადება იმის შესახებ, რომ განათლების სისტემა ინგრევა, რომ ახლად შემოღებული განათლების სისტემა, რომელსაც ევროპულს უწოდებენ, უფარგისაა საქართველოსთვის და ა.შ. არაფერს ვამბობ ზოგადი განათლების სისტემაზე, რადგან ჩემი შვილებისა და შვილ-შვილების მაგალითზე ვხედავ, რომ საშუალო სკოლა დახმარებას საჭიროებს, მაგრამ უმაღლეს განათლებაში ჩემი ფაკულტეტის სახელით შემიძლია ვილაპარაკო — მიმდინარეობს თანმიმდევრული და მიზანმიმართული რეფორმა.

ვერავინ იტყვის, რომ დღევანდელი მაგისტრანტი იმავე დონისაა, რაც იყო უნივერსიტეტის წინა წლების კურსდამთავრებული. ამიტომ მიმანჩია, რომ განათლების რეფორმა წარმატებით მიმდინარეობს. ხარვეზები, რა თქმა უნდა, არის, მაგრამ მის ჩამოყალიბებას და დახვეწას დიდი დრო და მთელი საზოგადოების მხარდაჭერა სჭირდება. როდესაც ერთად დავიარაზებთ და გავითვალისწინებთ ბოლონის პრინციპებს, უმაღლესი განათლებაც სათანადო დონისა იქნება, ოღონდ, ვიმეორებ, სასწრაფოდ უნდა ეშველოს ზოგად განათლებას.

— როგორ ფიქრობთ, არის თუ არა თბილისის სახელმწიფო უნივერსიტეტის იურიდიული ფაკულტეტი წარმატებული, აკმაყოფილებს თუ არა მისი ბაკალავრის ან მაგისტრის ცოდნის დონე თანამედროვე მოთხოვნებს?

— გამიჭირდება სხვა უნივერსიტეტებთან შედარება, რადგან არ ვიცი, რა მდგომარეობაა მათთან, მაგრამ მიმანჩია, რომ ჩვენი ფაკულტეტის რეფორმირების პროცესი საკმაოდ მაღალ დონეზე მიმდინარეობს. ამას მონობს თუნდაც ერთი მაგალითი — ამ ცოტა ხნის წინ, ამერიკიდან ჩამოვიყვანე ძალიან ცნობილი კონსტიტუციონალისტი და ვთხოვე წაეკითხა ლექცია. ის დამთანხმდა, ოღონდ ცხადია, მოისურვა ლექციის ინგლისურ ენაზე წაკითხვა. წარმოიდგინეთ, რომ იმ 200 კაციდან, რომელიც დარბაზში ისხდა, ნახევარზე მეტი ჩვენი ფაკულტეტის სტუდენტი იყო. მათ თავისუფლად შეძლეს ინგლისურ ენაზე ლექციის მოსმენა და კითხვების დასმა. ეს ერთი პატარა მაგალითია, რაც იმის თქმის უფლებას მძლევს, რომ რეფორმირების პროცესი ნორმალურად მიდის, თუმცა ჯერ ყველაფერი კიდევ წინაა.

— იმდენად დაკავებული ბრძანდებით, რომ თავისუფალი დრო ალბათ არც გრჩებათ, მაგრამ თუ გამოიხატავთ, როგორ ატარებთ მას?

— თავის დროზე სპორტსმენი გახლდით და ამიტომ აქტიური დასვენების მომხრე ვარ. სიამოვნებით ვთამაშობ ჩოგბურთს ჩემს კოლეგებთან ერთად. ჩემი საუკეთესო პარტნიორები და მოწინააღმდეგეები გახლავთ დათო კერესელიძე და გავი კახიანი (ყოფილი ჩემი დოქტორანტი). ისე, აქვე გეტყვით, რომ ჩემმა ორმა დოქტორანტმა უკვე დაიცვა დისერტაცია და მათი ჩათვლით უკვე 10 დოქტორი მყავს გაზრდილი...

მიყვარს ბუნებაში გასვლა და თევზაობა, მაგრამ ჩემი გონება ამ ბოლო 8 თვის განმავლობაში მხოლოდ კონსტიტუციითაა დაკავებული. ვინმედ რომ მითხრას, ერთ სურვილს აუცილებლად შეგისრულებო, საქართველოსთვის კარგ კონსტიტუციას ვთხოვდი.

გენური ინჟინერია პოროტეზაა თუ კაცობრიობის ახალი იმედი?

გენური ინჟინერია – ეს არის მეთოდოლოგია, რომელიც განსაზღვრული ნიშან-თვისების მინიჭების მიზნით ხელოვნურად ერთი ორგანიზმიდან მეორეში ნებისმიერი გენის გადატანის საშუალებას იძლევა. უკვე რამდენიმე ათეული წელია მუდმივი დავის თემაა საკითხი: გენური ინჟინერია მითაა თუ რეალობა? ბოროტებაა თუ კაცობრიობის ახალი იმედი? უნდა გვემინოდეს გენური ინჟინერიის განვითარების თემა? გვჭირდება თუ არა გენმოდული ცილებული საკვები პროდუქტები? და ასე შემდეგ. ეს კითხვები ადამიანებს გაუჩნდათ გასული საუკუნის 70-80 წლებში, როდესაც ამერიკულმა კომპანიამ „მონსანტომ“ საბაზრო ქსელში განათავსა გენმოდული ცილებული ორგანიზმი (ორგანიზმი, რომელიც წარმოადგენს ფუნქციონირებას სხვა ორგანიზმიდან გადატანილი გენ(ებ)ი ანუ ტრანსგენი) დამზადებული პირველი საკვები პროდუქტი. პირველად მოსალოდნელი რისკების შესახებ საუბარი თავად იმ მეცნიერმა დაიწყო, რომელიც გენური ინჟინერიის ფუძემდებლად ითვლება. კვლევები დაახლოებით 20 წლით ადრე მე-20 საუკუნის 50-იან წლებში დაიწყო და უკვე 1972 წელს ამერიკულმა მეცნიერმა პოლ ბერგმა თანაავტორებთან ერთად გამოაქვეყნა ნაშრომი, რომელშიც აღწერილი იყო გენური ინჟინერიის მეთოდით ორი სხვადასხვა დნმ-ის (გენეტიკური ინფორმაციის მატარებელი მოლეკულა) მოლეკულიდან (ვირუსის SV40 და ბაქტერიოფაგი λ) ჰიბრიდული მოლეკულის — პირველი რეკომბინანტული დნმ-ის მიღება. ამისთვის 1980 წელს პ. ბერგმა ორ სხვა მეცნიერთან ერთად ნობელის პრემია მიიღო.

პოლ ბერგის დიდი მცდელობის მიუხედავად — შეეჩერებინა ამ სახის კვლევები, გენური ინჟინერიის მეთოდები საოცარი სისწრაფით ვითარდებოდა. დღეს მთელ მსოფლიოში გენურ ინჟინერიასთან დაკავშირებით აზრი ორად გაიყო. გენური ინჟინერიის გზით მიღებულ ორგანიზმებს და მათ საფუძველზე დამზადებულ პროდუქტებს ჰყავთ მომხრეები და პირიქით, უარყოფითად განწყობილი ადამიანებიც. პირველ რიგში ურთიერთსაპირისპირო შეხედულებები აქვთ თვით მეცნიერებს.

როგორ უნდა მოიქცეს ასეთ შემთხვევაში ჩვეულებრივი მოქალაქე, ვის დაუჯეროს, სად და როგორ მიიღოს პასუხი ზემოთ ჩამოთვლილ კითხვებზე?

ჯერ კიდევ 2002 წელს მსოფლიოს ჯანდაცვის საერთაშორისო ორგანიზაციამ გამოაქვეყნა დოკუმენტი სათაურით: „20 შეკითხვა გენეტიკურად მოდიფიცირებული პროდუქტების შესახებ“ (<http://www.who.int/fsf>). ეს არის კითხვები, რომელიც ალღევდა და, სამწუხაროდ, დღესაც არ ასვენებს ადამიანებს. ერთი შეხედვით, დოკუმენტში თითქოს პასუხი ოცივე კითხვაზეა გაცემული. სრულიად ნათელი და ამომწურავია, მაგალითად, პასუხი შეკითხვაზე: რა არის გენეტიკურად მოდიფიცირებული ორგანიზმი (გმო) და გმო საკვები პროდუქტები? ამ დოკუმენტის თანახმად, „გენეტიკურად მოდიფიცირებული ორგანიზმი არის ორგანიზმი, რომლის გენეტიკური მასალა ისეა შეცვლილი, როგორც არ ხდება ბუნებრივ პირობებში“. ამ განმარტე-


ბიდან გამომდინარეობს, რომ გენურ ინჟინერიაში გამოიყენება სახეობის გენეტიკურ კოდზე ზემოქმედების უკიდურესად რადიკალური მეთოდები, რომელთა მეშვეობით შეიძლება შეიქმნას ახალი ორგანიზმი, რომლის ბუნებრივ პირობებში წარმოქმნა შეუძლებელია.

გენმოდული ცილებული ორგანიზმების შექმნის მომხრეები ცდილობენ დღეს ეს პროცესი განსაზღვრონ როგორც სელექცია, უფრო ზუსტად კი როგორც „დაჩქარებული სელექცია“. მკითხველს მინდა შევახსენო, რომ სელექცია მნიშვნელოვნად განსხვავდება გენური ინჟინერიისგან და დაფუძნებულია მეცნარეთა ან ცხოველთა მონათესავე ჯიშების შეჯვარებაზე. ის მიმართულია, რომ გააძლიეროს მცენარეული ან ცხოველური ორგანიზმის უკვე არსებული ესა თუ ის თვისება და შესაძლებელია, რომ ეს მოხდეს ბუნებრივ პირობებში.

გარდა ამისა, თუ ღრმად ჩაუვკვირდებით ტექსტს, დაინახავთ, რომ დოკუმენტში დასმული ბევრი კითხვა კვლავ პასუხგაუცემელია. მაგალითად, შეკითხვაზე: რა ძირითადი პრობლემებია, რომელიც ადამიანის ჯანმრთელობაზე შესაძლო უარყოფით ზემოქმედებას ახდენს? ჩამოთვლილია რისკები: ტოქსიკური ზემოქმედება ორგანიზმზე, ალერგიული რეაქციები, გენის გადატანა და სხვა. განვიხილოთ ერთ-ერთი მათგანი. როგორია, მაგალითად, პასუხი გენის გადატანის საშიშროებაზე, განსაკუთრებით ისეთი გენის შემთხვევაში, რომელიც განსაზღვრავს ანტიბიოტიკებისადმი მდგრადობას. „მიუხედავად

იმისა, რომ გენის გადატანის ალბათობა დაბალია, ჯანდაცვის საერთაშორისო ორგანიზაციის ექსპერტთა გადაწყვეტილებით, გაკეთებულია რეკომენდაცია ისეთი ტექნოლოგიების გამოყენების თაობაზე, რომლებიც არ გულისხმობს ანტიბიოტიკებისადმი მდგრადობის განმსაზღვრელი გენის გადატანას“. ეს რეკომენდაცია გაიცა იმის გამო, რომ ექსპერტებმა რისკი ვერ გამოიციხეს. საყურადღებოა ისიც, რომ გენმოდული ცილებული ორგანიზმების საფუძველზე დამზადებული პროდუქტების გამოყენების ეს ერთადერთი რისკი არ არის.

დღეს მეცნიერები აღიარებენ, რომ გენმოდული ცილებული პროდუქტების გამოყენებით



ენებით კატასტროფულად იზრდება ალერგიებით და ტარბონიანობით დაავადებული ადამიანების რიცხვი. ვნებათაღელვა განსაკუთრებით მას შემდეგ გაიზარდა, რაც ტრანსგენური სოიოთი გამოკვებილ თავებზე ჩატარებული გამოკვლევის შედეგები გამოქვეყნდა. ასეთი ცხოველების შთამომავლობა აღმოჩნდა სრულიად დაავადებული, გაიზარდა ახალშობილთა სიკვდილიანობა, ხოლო გადარჩენილი თაობა უნაყოფო აღმოჩნდა.

ბოლო წლებში გამოქვეყნებული ცალკეული შრომებიდან გამომდინარეობს, რომ საშიში უშუალოდ გადატანილი გენი კი არ არის, არამედ მისი მატარებლები: ვირუსი ან პლაზმიდა. ამ შრომების თანახმად, საკვებად გამოყენებად მცენარეებში გადატანილი გენური კონსტრუქციები არ იშლება საჭმლის მომწელებელ სისტემაში.

შეიძლება თუ არა ავიცილოთ თავიდან ტრანსგენური პროდუქტების გამოყენება?

საერთაშორისო ინსტიტუტების მიერ ჩატარებული გამოკვლევებით (International Food Policy Research Institute), მსოფლიოს ბევრ რეგიონში ტრანსგენური პროდუქტების გამოყენება სულ უფრო და უფრო მატულობს. რატომ ხდება ასე? გენური ინჟინერიით მიღებული ორგანიზმებისთვის დამახასიათებელია უხვმოსავლიანობა, ასეთი მცენარეები უფრო მდგრადებია და უძლებენ ხანგრძლივ ტრანსპორტირებას, შეიძლება მნიშვნელოვნად გაიზარდოს მათი ვიტამინის შემცველობა და ა.შ. ასეთი შეძენილი ბევრი სასარგებლო თვისების გამო გენმოდული ცილებული ორგანიზმების საფუძველზე დამზადებული პროდუქტი ერთი შეხედვით უფრო ხელსაყრელი და მიმზიდველია. ეს საშუალებას იძლევა საბაზრო ქსელი მუდმივად გააგრძელოს ასეთი პროდუქციით.

ამავე დროს არ უნდა დაგვავიწყდეს, რომ გენური ინჟინერია ჯერ კიდევ ძალიან ახალგაზრდა მეცნიერებაა, ამიტომ შეუძლებელია გაითვალისწინოთ, როგორ აისახება ადამიანის ჯანმრთელობაზე ასეთი პროდუქტების ხანგრძლივი გამოყენება. იმისათვის, რომ საბოლოოდ დავრწმუნდეთ, არსებობს თუ არა ადამიანის ჯანმრთელობაზე უარყოფითი ზემოქმედების რისკი, აუცილებელია გავიდეს დაახლოებით 50 წელიწადი, რათა შევასაღებოთ ადამიანების რამდენიმე თაობა, რომლებიც გენმოდული ცილებული ორგანიზმების საფუძველზე დამზადებული პროდუქტებით იკვებებოდნენ.

ყოველივე ზემოთ თქმულიდან გამომდინარე, ნათელია, რომ გენეტიკურად მოდიფიცირებული პროდუქტების გამოყენების მანერა შედეგების საშიშროებაზე მეცნიერები დიდხანს იდავებენ, მაგრამ თუ დღეს ჯერ კიდევ არსებობს თუნდაც მცირე საშიშროება, გონივრული იქნება, რომ: ავირიდოთ ჩვენი და ჩვენი შვილების ჯანმრთელობაზე უარყოფითი ზემოქმედების რისკები; ნუ წავართმევთ ადამიანს უფლებას — თავად გადაწყვიტოს, როგორ იცხოვროს და რითი იკვებოს. სწორედ ამაზე მიგვივლინებს და გვაფრთხილებს ჩვენი ერის სულიერი მამა, უწმინდესი და უნეტარესი, სრულიად საქართველოს კათოლიკოს პატრიარქი ილია II: „აუცილებელია გავაცნობიეროთ — რა გარემოში ვცხოვრობთ, რომელი ტენდენციებია მნიშვნელოვანი, რა არის მისაღები და რა უარსაყოფი“ (საშობაო ეპისტოლეები 2007, 2008 წწ.).

დიანა ძიძიშვილი,
თსუ-ის ზუსტ და საბუნებისმეტყველო მეცნიერებათა ფაკულტეტის პროფესორი

ალმოჩენა

ბიბლიური არქეოლოგიის უდიდესი მონაპოვარი

2002 წლის ნოემბერ-დეკემბრის ჟურნალ „ბიბლიური არქეოლოგიის (Biblical Archaeology Review) მიმოხილვაში“ დაიბეჭდა სორბონის უნივერსიტეტის პროფესორის ანდრე ლემერის წერილი: „იაკობის, ქრისტეს ძმის დასაკრძალავი ურნა“, — ეს პირველი არქეოლოგიური დადასტურება იყო ქრისტეს და მისი ძმის იაკობის არსებობისა. რადგან საქმე ეხებოდა იერუსალიმში შემთხვევით აღმოჩენილ და კერძო კოლექციაში დავანებულ

არტეფაქტს, მსოფლიო სამეცნიერო საზოგადოებრიობა ამ ფაქტს უნდობლად მოეკიდა. მეორეადი დაკრძალვისთვის განკუთვნილ 0.60 მ x 0.40მ ზომის ქვის ძვლების შესაღავსო უარს (ლუსკუმს) არამეულ ენაზე ამოჭრილი ჰქონდა წარწერა: „იაკობი, ძე დავითისა, ძმა იესოსი“. მთელი ამ ხნის განმავლობაში მიმდინარეობდა ამ ურნის კომპლექსური ექსპერტიზა, რომლის შედეგები გამოქვეყნებულია და ყველასთვის ხელმისაწვდომი

გახლავთ. პალეოგრაფიულმა ანალიზმა დადასტურა, რომ მსგავსი ე.წ. კურსივული დამწერლობის სახეობა არამეულში გამოიყენებოდა მხოლოდ და მხოლოდ ახ. წ. I ს. დაახლოებით ახ. წ. 10-70 წწ. შორის. წარწერის აუტენტურობა ავტორიტეტულმა ექსპერტიზამ დაადასტურა. პროფესორი ანდრე ლემერი იძლევა მის აბსოლუტურ თარიღს ახ. წ. 63 წ. ისრაელში, გეოლოგიის ინსტიტუტში ჩატარდა პეტროგრაფიული ანალიზები, რომლის თანახმადაც აღნიშნული ურნა დამზადებულია კირქვისაგან, მისი კარიერი იერუსალიმთან არის დაკავშირებული. მას აქვს სიძველის დადასტურებული თავისებური დანაფენი ე.წ. პატინა. ჩვეულებრივ ასეთი ზედაპირული დანაფენი წარმოიშობა დახურულ, მღვიმე-გამოქვაბულისთვის დამახასიათებელ გარემოში. მას აქვს სპეციფიკური ყვავილოვანი კომპოსტოსთვის დამახასიათებელი ფერი. განსაკუთრებით აღინიშნა მეტად მნიშვნელოვანი გარემოება — ანალიზმა არ დაადასტურა არავითარი კვალი თანამედროვე ატმოსფერული ზეგავლენისა! ამ ეპოქის ყველა ასეთი ურნა მშენებლებმა თუ არქეოლოგებმა მღვიმე-გამოქვაბულებში აღმოაჩინეს, მათ შორის არის მაცხოვრის თანამედროვეების ავადსახსენებელი მღვდელმთავარ კაიფასა და პონტი პილატეს წარწერებიანი ოსუარები.

გამოცანად რჩება მხოლოდ ის ფაქტი, თუ რატომ დაიკრძალა მაცხოვრის ძმა იაკობი ამ ძველი ებრაული, მეორადი დაკრძალვის წესით. შესაძლოა, მის დროს ჯერ კიდევ არ იყო საბოლოოდ ჩამოყალიბებული დოგმატური ქრისტიანული დაკრძალვის ახალი წესები.



ახალ აღმოჩენაში, საღვთო წერილში იაკობი რამდენჯერმე არის მოხსენიებული (მათე 13:55,56) როგორც ქრისტეს უფროსი ძმა. მოციქულ პავლეს წერილში „გალატელთა მიმართ“ ვკითხულობთ: იერუსალიმში „სხვა მოციქულთაგანი არცინი მინახავს, გარდა უფლის ძმის იაკობისა“ (1:19). თავად მოციქული იაკობის წერილი, რომელიც ხუთი თვისგან შედგება, წარმოგვიჩენს მას, როგორც ქრისტიანობის გულწრფელ მიმდევარს, რომლის შეგონებებს, მაგალითად, „საქმით მართლდება კაცი და არა მხოლოდ რწმენით!“ (2:24) დღესაც არ დაუკარგავთ თავისი ზოგადსაკაცობრიო მნიშვნელობა...

ამგვარად, იაკობის დავითის ძის და იესოს ძმის საფლავის აღმოჩენა პირდაპირი დადასტურებაა მათი რეალური, ისტორიული არსებობისა, რასაც ათეისტები დიდი ხნის განმავლობაში უარყოფდნენ. „ბიბლიური არქეოლოგიის მიმოხილველის მთავარი რედაქტორი გ. შენსკი სამართლიანად აღნიშნავდა: იაკობის ოსუარი ბიბლიური არქეოლოგიის ისტორიაში ყველაზე მნიშვნელოვანი აღმოჩენაა.

გურამ ლორთქიფანიძე,
საქართველოს მეცნიერებათა ეროვნული აკადემიის წევრ-კორესპონდენტი, პროფესორი



რა რეალობა იმალება კელტებისა და გერმანელების ისტორიული სინამდვილის მიღმა

თსუ-ში დღეისთვის 776 დოქტორანტი ემზადება საკვალიფიკაციო ნაშრომის დაცვისა და მეცნიერებაში გარკვეული ადგილის დამკვიდრებისთვის. ახალგაზრდა მეცნიერი, თსუ-ის ჰუმანიტარულ მეცნიერებათა ფაკულტეტის დოქტორანტი ნიკო სილაგაძე საინტერესო მეცნიერულ კვლევას ატარებს შუა საუკუნეების ევროპის ისტორიოგრაფიაში. იგი მუშაობს ანტიკური ხანის და ადრეული შუა საუკუნეების ევროპის ე.წ. „ბარბაროსი“ ხალხების ეთნიკური ისტორიის საკითხებზე, რომელიც კვლევის მეტად რთულ ობიექტს წარმოადგენს. თემის სახელწოდებაა: „ძველი გერმანელებისა და კელტების ეთნოგენეზის პრობლემა“. ნაშრომი თითქმის დასრულებულია. მისდამი მიმდინილი რამდენიმე სტატია სამეცნიერო კრებულებში უკვე გამოქვეყნდა. დოქტორანტს გამოკვლევის ცალკეული დეტალების შესახებ მოხსენებები ადგილობრივ და საერთაშორისო კონფერენციებზეც ჰქონდა წარდგენილი. თემის ხელმძღვანელები შუა საუკუნეების ისტორიის სპეციალისტი გურამ კუტალია და ძველი მსოფლიოს ისტორიის სპეციალისტი ჯემალ შარაშენიძე არიან. ორი ხელმძღვანელის ყოლის აუცილებლობა, ძირითადად, თემის სპეციფიკამ გამოიწვია. ნაშრომი ძველი მსოფლიოს ისტორიისა და მედიევისტისკის მომიჯნავე საკითხებს ეხება. კვლევის შესახებ უფრო დანერგებით ანალიზს ნაშრომის ავტორი თავად წარმოგიდგინებს:

— ანტიკური პერიოდის ავტორები ევროპის ჩრდილოეთ და ჩრდილო-დასავლეთ ნაწილში მცხოვრებ ეთნიკურ ჯგუფებს გერმანელებისა და კელტების სახელით იხსენიებდნენ. მათ ბერძენები და რომაელები თრაკიელების, ილირიელების, სკითებისა და სხვების მსგავსად ე.წ. „ბარბაროს“ ხალხებად თვლიდნენ. დღესდღეობით კელტოლოგია და გერმანიისტიკა მეცნიერების კომპლექსური დარგებია, რომელიც ამ ხალხების სხვადასხვა პერიოდის ყოფას, ისტორიასა და კულტურას შეისწავლიან. თუმცა ჩვენი კვლევის ობიექტი შედარებით ვიწროა. კერძოდ, ჩვენი მიზანია, განვსაზღვროთ, თუ რა ისტორიული რეალობა იმალება ბერძენებისა და რომაელების მიერ კელტებად და გერმანიებად სახელდებული ისტორიული სინამდვილების მიღმა. თანამედროვე გამოკვლევები ცხადყოფენ, რომ ამ კუთხით რომაული და ბერძენული სტერეოტიპები, რომლების ტრანსლაციის ტენდენციასაც ხშირად ვხვდებით XIX-XX საუკუნეების ისტორიოგრაფიაში, ერთგვარ გადასინჯვას მოითხოვს.


— რამდენად აქტუალურ საკითხს წარმოადგენს ძველი გერმანელებისა და კელტების ეთნოგენეზის პრობლემა? როდის და ყურება საფუძველი მის შესწავლას?

— მართალია, ანტიკური ხანის ავტორები ყველანაირად ცდილობენ კელტები და გერმანელები „ბარბაროს“ ხალხად დაგვიხატონ, მაგრამ შეუძლებელია არ შევნიშნოთ, რომ მათ ევროპის ისტორიაში უმნიშვნელოვანესი როლი შეასრულეს. ამ მხრივ, ვფიქრობთ, იმის აღნიშვნაც საკმარისია, რომ სწორედ კელტების სახელს უკავშირდება ევროპაში რკინის მეტალურგიის გავრცელება და ჰალმბატისა და ლატინის შესანიშნავი არქეოლოგიური კულტურების შექმნა. გერმანული ელემენტი კი დასავლეთ ევროპის შუა საუკუნეების ცივილიზაციის ერთ-ერთ უმთავრეს უჯრედად იქცა.

კელტებისა და გერმანელების სიძველეებით, როგორც აღვნიშნეთ, ჯერ კიდევ ანტიკური ხანის ავტორები ინტერესდებოდნენ.

თუმცა, მათი ეთნოგენეზის საკითხის კვლევა განსაკუთრებით პოპულარული XVIII-XIX საუკუნეებში გახდა. ამ პერიოდში ნათელი შეიქმნა, რომ ირლანდიელების, უელსელების, ბრეტონელებისა და შოტლანდიელების ენები ერთმანეთის მონათესავეა (ე. ი. საერთო ძირიდან მომდინარეობს) და მათ ბევრი საერთო აქვთ ანტიკურ კელტებთან, რომელთა ისტორიასაც ანტიკური ხანის ავტორები (მაგალითად, იულიუს კეისარი), აშუქებენ. ეს დებულება ბრიტანეთის კელტურ ხალხების ხელში, რომლებიც ინგლისის ექსპანსიის წინააღმდეგ იბრძოდნენ, მძლავრ იდეოლოგიურ იარაღად იქცა. ფართო ხასიათი მიეცა მათი სიძველეების შესწავლასაც. აღნიშნული საკითხისთვის მნიშვნელოვანი მრავალი პრობლემა კომპლექსური კვლევის ობიექტი გახდა.

გერმანელების სიძველეების შესწავლისადმი ინტერესის გაღვივებაც აღმავალი ეროვნული მოძრაობის ფონზე მოხდა. მის მი-



მართ ინტერესის გაძლიერებას თვით სახელმწიფო უწყობდა ხელს. იგი XIX საუკუნის 70-იან წლებში გერმანიის გაერთიანების ერთ-ერთ იდეოლოგიურ საფუძვლად იქცა. XVIII საუკუნეში კი დაქსაქსული და დაჩაგრული გერმანული ხალხისთვის ნუგეშს წარმოადგენდა. საერთოდ, უნდა აღინიშნოს, რომ ისტორიული შედარებითი მეთოდის საფუძველზე

ჩატარებული ეთნო-გენეტიკური გამოკვლევები მძლავრ იდეოლოგიურ იარაღს, ერთგვარ „ნაღმს“ წარმოადგენენ, რასაც ცალსახად ადასტურებს ის როლი, რომელიც მათ დღემდის ბასკონიის, ბალკანეთის, აფრიკის, შრილანკის და სხვა რეგიონის ხალხების სეპარატისტულ მოძრაობებში დღემდე უჭირავთ. ამ მხრივ, გამოჩალის არც გერმანელებისა და კელტების ეთნოგენეზის პრობლემა წარმოადგენს. მათი წარმომავლობის საკითხმა ნაციონალისტური ელფერი ჯერ კიდევ ჰუმანიზმისა და რომანტიზმის ეპოქაში შეიძინა. ეს ელფერი მას არც შემდგომ პერიოდებში დაუკარგავს. გერმანელების შემთხვევაში ამის დასადასტურებლად, ვფიქრობთ, ამ ქვეყნის I მსოფლიო ომის წინანდელი და პიტლერის ნაციონალ-სოციალისტური ისტორიოგრაფიის უბრალო ხსენებაც საკმარისი იქნება. კელტებზე საუბრისას კი უნდა ითქვას, რომ ის მუხტი, რომელიც ამ ოჯახის ენებზე მოსაუბრე ხალხების განმთავისუფლებელ მოძრაობას XVIII საუკუნის II ნახევარში მათი საერთო წარმომავლობის იდეამ მისცა, მას დღემდე არ დაუკარგავს. ამას თუნდაც ის გარემოება ადასტურებს, რომ თანამედროვე კელტოლოგიაში არსებული მეცნიერული დავა „პროტოკელტური“ სინამდვილის ეთნიკური თვალსაზრისით რაობის შესახებ ბრიტანეთის იდეურ-პოლიტიკურ ცხოვრებაზე მნიშვნელოვან გავლენას ახდენს. ეს კი ეთნოგენეზის ისედაც სადისკუსიო პრობლემაა შესწავლას კიდევ უფრო ართულებს.

ისიც უნდა ითქვას, რომ კელტები და გერმანელები დღემდე სხვადასხვა მულტიფილმებისა და კინოების პოპულარულ პერსონაჟებს წარმოადგენენ. ამ მხრივ, ვფიქრობთ, ასტეროქისისა და ობელიქსის შესახებ მულტიფილმის და ვიკინგების შესახებ კომიქსების უბრალო ხსენებაც საკმარისი იქნება, მაგრამ სამეცნიერო გამოკვლევების ფურცლებზე მათი სიძველეების შესწავლა გაცილებით უფრო რთული და ნაკლებად რომანტიკულ საკითხად გამოიყურება.

— მაინც რა პრობლემებს ვაწყდებით ამ საკითხის კვლევის დროს?

— პრობლემებს კვლევის ობიექტის დასათაურების პროცესშივე ვაწყდებით. საქმე ისაა, რომ, მაგალითად, ტერმინი კელტი, დღეს სულ ცოტა ცხრა მნიშვნელობით მაინც იხმარება. კელტები და გერმანელები, ისევე როგორც ევროპის სხვა ე.წ. „ბარბაროსი“ ხალხების ისტორიული სინამდვილეები დიდი ხანია მეცნიერული შესწავლის ობიექტია. თითქმის ყველა თაობის მეცნიერები ამ საკითხების ახლებურად დანახვას ცდილობენ. ისტორიოგრაფიაში შეიძლება საუბარი შეგვხვდეს კელტებზე და გერმანელებზე 1) როგორც ხალხზე, 2) როგორც ისტორიულ სინამდვილეზე, რომელიც მხოლოდ ბერძენებისა და რომაელების წარმოდგენაში არსებობს,



და 3) როგორც ტოპონიმზე ან პოლიტონიმზე. ამ ფონზე არც თუ უსაფუძვლოდ გამოიყურება კელტური სიძველეების მკვლევრის ვ. მეგლუს სიტყვები იმის შესახებ, რომ თანამედროვე მეცნიერები კელტების სიძველეებს მრავალი კუთხით იკვლევენ, მაგრამ მათ არ აქვთ პასუხი მთავარ კითხვაზე: „ვის იყვნენ კელტები?“. აქვე არც ის პრობლემები უნდა დავივიწყოთ, რომელიც, ზოგადად, ინდო-ევროპეისტიკაზე და ძველი პერიოდის ხალხების ეთნოგენეზის პრობლემაზე მსჯელობას ახლავს თან. ამ მხრივ კვლევაში, ტრადიციულად, წერილობითი წყაროების, ენათმეცნიერების, არქეოლოგიის, ანთროპოლოგიისა და სხვა მეცნიერებებისა და მეცნიერული დისციპლინების მონაცემებს იყენებენ, რომლებიც იშვიათად იძლევიან სინქრონული დასკვნების გაკეთების საშუალებას. ეს გარემოება, სადღისოდ, მთელი რიგი თეორიული საკითხების გადასინჯვას იწვევს და „ეთნო-გენეზოლოგიის“ ერთგვარ კრიზისს განაპირობებს.

— ქართულ ისტორიოგრაფიაში თუ ყოფილა მცდელობა ამ საკითხის მეცნიერული კვლევისა?

— ჩემთვის რამდენადაც ცნობილია, ქართულ სინამდვილეში კელტების ისტორია მონოგრაფიული შესწავლის ობიექტი არასოდეს ყოფილა. კელტების სიძველეების შესახებ საუბარი რამდენიმე სტატიაში, მაგრამ უშუალოდ კელტები და, მით უმეტეს, მათი ეთნოგენეზის პრობლემა ჯერ არავის გაუშუქებია. ძველი გერმანელები ქართულ ისტორიოგრაფიაში შედარებით უკეთ არიან გაშუქებული, რადგან თსუ-ში მედიევისტისა და გერმანიისტიკის მიმართულნი არსებობს. თუმცა, ისტორიული თვალსაზრისით, ანტიკური ხანის გერმანიის რაობის საკითხს ჯერ არავინ შეხებია.

ესაუბრა თამარ მარუაშვილი

აფხაზური პოეზიის თარგმანი კულტურათა შორის დიალოგს ემსახურება

საიდა დელბა

სამშობლომწარმოებული კაცის
ნაამბობი

იგი ვარ, ვინაც ცას შევეშალე,
ვის გულშიც ცეცხლი აღარ ნელდება,
მე ნაფერები მინა ნამართვეს
უცხო თვალებმა, უცხო ხელებმა!
ვინა იმღერებს ტანჯულ მხარეში,
უკურნებელი მტანჯავს ტკივილი,
ის ვარ, ვინც გულში შემოგისახლდით -
თქვენი დარდი და თქვენი ნუხილი!

თარგმან ანა კოპალიანმა

უკვე ერთი წელია, რაც ივანე ჯავახიშვილის სახელობის თბილისის სახელმწიფო უნივერსიტეტში ქართულ-აფხაზურ ურთიერთობათა სამეცნიერო კვლევითი ცენტრი ჩამოყალიბდა. ცენტრი ქართველ და აფხაზ საზოგადოებას შორის არსებული დაძაბული ვითარების განმუხტვას სხვადასხვა სახის კულტურული თუ საგანმანათლებლო ღონისძიებების გამართვის გზით ცდილობს. 2009-2010 სასწავლო წლის პირველ სემესტრში ცენტრის დირექტორის ზურაბ მენგელიას ინიციატივით

თა და ხელშეწყობით თსუ-ის ჰუმანიტარულ მეცნიერებათა ფაკულტეტის „თარგმანის თეორიისა და მთარგმნელობითი პრაქტიკის“ პროგრამის მაგისტრანტებმა რამდენიმე თანამედროვე აფხაზი პოეტის ლექსები თარგმნეს.

ნატო ოზოლაძე

„ჩვენი სამეცნიერო-კვლევითი ცენტრის მიზანია, რომ ქართულ-აფხაზური ურთიერთობების მეცნიერული შესწავლის პროცესში საზოგადოებაც ჩავერთოთ. უკვე განვახორციელეთ რამდენიმე პროექტი. ამჯერად, თანამედროვე აფხაზურ პოეზიას ვთარგმნით. ჩვენ პირადად დაუკავშირდით აფხაზ პოეტებს და ვთხოვეთ, თავიანთი შემოქმედების რამდენიმე ნიმუში გამოგვზავნათ. მათი თემატიკა მრავალფეროვანია. წერენ ომის შესახებაც, მაგრამ ზოგიერთი ლექსი გამაღიზიანებელი, ლოზუნგის სტილით იყო დაწერილი, ამიტომ გადაწყვიტეთ ამ თემატიკისათვის თავი აგვერიდებინა.“

აფხაზმა პოეტებმა თვითონ მოგვანოდეს ლექსების პნკარედი ზოგი ქართულ, ზოგიც რუსულ ენაზე. ვფიქრობ, რომ ასეთი სახის ღონისძიებები აუცილებელი და საჭიროა კონფლიქტის მოგვარების პროცესში. ჩვენი სტუდენტებიც დიდი ენთუზიაზმით მოეკიდ-

ნენ შეთავაზებულ სამუშაოს“, - გვითხრა ზურაბ მენგელიამ.

ჰუმანიტარულ მეცნიერებათა ფაკულტეტის სამეცნიერო კვლევებისა და განვითარების მომსახურების უფროსმა, სამაგისტრო პროგრამის ხელმძღვანელმა ნანა ვაფინიძემ აღგვარა აფხაზური პოეზიის სათარგმნად მთარგმნელობითი მიმართულების ყველაზე რეიტინგული მაგისტრანტები შეარჩია. მისი განცხადებით, სტუდენტები დიდ ენთუზიაზმით მოეკიდნენ ლექსების თარგმნის პროცესს.

„ვფიქრობ, ეს პროექტი ბევრი თვალსაზრისით არის საინტერესო. ზოგადად, მხატვრული თარგმანი კულტურათა შორის დიალოგს ემსახურება, რაც განსაკუთრებით მნიშვნელოვანია ქართულ-აფხაზურ ურთიერთობებში. ლექსების თარგმნის პროცესი უკვე დასრულებულია, აფხაზური პოეზია თარგმნეს ჩვენმა სტუდენტებმა: ნინო ლარულაიანმა, ანა ბაქანიძემ, ირინა ხატიაშვილმა, ნათია ფურცელაძემ, სალომე ციხისელმა და ანა კოპალიანმა“, - აღნიშნა ფილოლოგიის მეცნიერებათა დოქტორმა, პროფესორმა ნანა ვაფინიძემ.

ქართულ და აფხაზურ საზოგადოებას შორის შექმნილი საინფორმაციო ვაკუუმი კონფლიქტის მოგვარებას კიდევ უფრო ართულებს. ქართველების მიმართ აფხაზეთში არსებული დამოკიდებულება, რომელიც, პოლიტიკოსების გარდა, საზოგადოების

უმეტეს ნაწილს გააჩნია, ვითარებას ერთიორად ამძიმებს. კონფლიქტამდე ქართულ-აფხაზური ლიტერატურული ურთიერთობები საკმაოდ ინტენსიური იყო. ბევრი მწერლის შემოქმედება ითარგმნა ქართულიდან აფხაზურად და პირიქით. საკმაოდ კარგად იცნობდა ქართველი მკითხველი აფხაზურ ლიტერატურას და აფხაზებიც ინტერესით ეცნობოდნენ ქართველი მწერლების შემოქმედებას, თუმცა, ბოლო პერიოდში ეს პროცესი შეჩერდა.

ამ დროისთვის თსუ-ის ჰუმანიტარულ მეცნიერებათა ფაკულტეტის მთარგმნელობითი მიმართულების მაგისტრანტებმა სხვადასხვა ავტორის (შამილ ფილია, ანატოლი აჯინჯალი, საიდა დელბა, ვალერი ბიგვაჯა, გენადი კვინინია, გუნდა კვინინია, ვლადიმერ ახიბა, ვიტალი ამარშან, ალხას კვარცხია, გენადი ალამია, ნიკულა კუნშია, ვლადიმერ ზანთარია, ლაურ ლასურია, მუშნი მქიჯია, რუშბი სმირი, სერგეი ადინია და მუშნი ლასურია) 20-ზე მეტი ლექსი თარგმნეს. მუშნი ლასურია აფხაზურ ენაზე „ვეფხისტყაოსნის“ თარგმანის ავტორია. მას რუსთაველის სახელობის პრემიაც გადაეცა, თუმცა, აფხაზური სეპარატისტული ხელისუფლების წარმომადგენლებმა პრემიის მიღებაზე უარი აქვეყნეს. ქართულ-აფხაზურ ურთიერთობათა სამეცნიერო კვლევითი ცენტრი აფხაზური პოეზიის თარგმნას კიდევ აგრძელებს, შემდეგ კი კრებული გამოცემასაც გეგმავს.

ქართული პარლამენტარიზმის სათავეები

1919 წლის 12 მარტი ერთ-ერთი მნიშვნელოვანი დღეა საქართველოს ისტორიაში, რადგანაც ამ დღეს პირველად შეიკრიბა საქართველოს დემოკრატიული რესპუბლიკის (1918-1921 წწ) უმაღლესი საკანონმდებლო ორგანო — დამფუძნებელი კრება. ეს იყო დამოუკიდებელ საქართველოში პირველი არჩევნების შედეგად არჩეული უმაღლესი საკანონმდებლო ორგანო, რომლის ფუნქციონირების შესახებაც ინფორმაცია და რომლის როლზეც პირველ ქართულ დემოკრატიულ სახელმწიფოში, ვფიქრობთ, დღევანდელმა თაობამ უნდა იცოდეს. აღსანიშნავია, რომ დამფუძნებელმა კრებამ საფუძველი ჩაუყარა ქართული პარლამენტარიზმის ტრადიციებს, რაც მნიშვნელოვანია დემოკრატიული პოლიტიკური კულტურის დამკვიდრებისა და განვითარების თვალსაზრისით.

შურთხია ბაროშვილი

XX საუკუნის დასაწყისში მნიშვნელოვანი მოვლენები მოხდა ჩვენი ქვეყნის ისტორიაში. მართალია, 1918 წლის 26 მაისს საქართველომ დამოუკიდებლობა აღადგინა და ოფიციალურად გამოაცხადა, მაგრამ ქვეყნის შემდგომი განვითარებისთვის საჭირო იყო მომდევნო, სწორი ნაბიჯების გადადგმა. დამოუკიდებლობის აქტის საფუძველზე სახელმწიფომ პოლიტიკური მმართველობის ფორმად დემოკრატიული რესპუბლიკა აირჩია, შემდგომი და ერთ-ერთი მნიშვნელოვანი ნაბიჯი კი ქვეყანაში დემოკრატიული არჩევნების ჩატარება და საკანონმდებლო ორგანოს შექმნა იყო, რაც იმდროინდელმა მთავრობამ საკმაოდ წარმატებულად განახორციელა. 1919 წლის 14-16 თებერვალს დემოკრატიული საარჩევნო კანონის საფუძველზე ჩატარდა საქართველოს დემოკრატიული რესპუბლიკის უმაღლესი საკანონმდებლო ორგანოს — დამფუძნებელი კრების — არჩევნები. არჩევნებში დიდი უპირატესობით გაიმარჯვეს სოციალ-დემოკრატებმა. დამფუძნებელი კრების პირველი სხდომა გაიხსნა 1919

პოსტსაბჭოთა პერიოდებზეც. ამ გადასახედ-დიან შეგვიძლია ვთქვათ, რომ ეს ამოცანა საქართველოს დამფუძნებელმა კრებამ წარმატებით განახორციელა”, — აღნიშნავს მალხაზ მაცაბერიძე. როგორ ჩატარდა პირველი არჩევნები, შეიძლება თუ არა მას ვუნდოდოთ საპარტიო და დემოკრატიული იმ პირობების გათვალისწინებით, რა სიტუაციაში მდებარეობდა საქართველოში სუფევდა. როგორც პოლიტოლოგი აღნიშნავს: „საქართველოს განაცხადი იყო დემოკრატიული სახელმწიფოს შექმნა, ბუნებრივია, წარმომადგენლობითი ორგანოს გარეშე შეუძლებელი იყო ამის განხორციელება, ამიტომ ისინი თავიანთ ერთ-ერთ ამოცანად თვლიდნენ არჩევნების ჩატარებას და ისეთი ორგანოს შექმნას, რომელიც ხალხის სახელით ლეგიტიმურად ილაპარაკებდა და მნიშვნელოვან გადაწყვეტილებებს მიიღებდა. არჩევნები 1919 წლის თებერვალში ჩატარდა პროპორციული საარჩევნო სისტემით, ყოველგვარი საარჩევნო ბარიერის გარეშე, რომელშიც 15 პარტია მონაწილეობდა, თუმცა დამფუძნებელ კრებაში გავიდა მხოლოდ რამდენიმე პარტია. არჩევნებში დიდი უპი-

დამფუძნებელი კრების უფლებამოსილება შეწყდა (დე-ფაქტო) 1921 წლის 17 მარტს. თბილისის დატოვების შემდეგ დამფუძნებელი კრების სხდომა ჯერ ქუთაისში გაიმართა, ხოლო 17 მარტს ბათუმში, სადაც დამფუძნებელმა კრებამ მიიღო დადგენილება — საქართველოს დემოკრატიული რესპუბლიკის მთავრობა წასულიყო ემიგრაციაში და გაეგრძელებინა ბრძოლა ქვეყნის დამოუკიდებლობის აღსადგენად. ამრიგად, საქართველოს უმაღლესმა საკანონმდებლო ორგანომ და უმაღლესმა აღმასრულებელმა ხელისუფლებამ არ სცნეს საბჭოთა რუსეთის მიერ განხორციელებული ოკუპაცია და ანექსია. დამფუძნებელი კრების წევრების ნაწილი საქართველოში დარჩა. დე-იურე დამფუძნებელ კრებას უფლებამოსილება ჰქონდა 1921 წლის 17 მარტის შემდეგაც, რადგან დამფუძნებელი კრების უფლებამოსილების შეწყვეტა, სამართლებრივი თვალსაზრისით, საქართველოს ახალ უკანონო ხელისუფლებას (რევოლუციურ კომიტეტს) არ შეეძლო. შეგვიძლია თუ არა გარკვეული პარალელები გავავლოთ იმდროინდელი საქართველოს უმაღლესი საკანონმდებლო ორგანოსა და დღევანდელ პარლამენტს შორის? — ამ კითხვაზე პოლიტოლოგი მალხაზ მაცაბერიძე პასუხობს: „იმ პერიოდამდე ცხრა ათეული წელი გვამორებს. ცხადია, უშუალო შემკვიდრებობა საუბარი შეუძლებელია. მაგრამ მაინც შეგვიძლია ვთქვათ, რომ დამფუძნებელმა კრებამ საფუძველი ჩაუყარა ქართული პარლამენტარიზმის ტრადიციებს, რაც მნიშვნელოვანია დემოკრატიული პოლიტიკური კულტურის დამკვიდრებისა და განვითარების თვალსაზრისით. ბევრი პარალელის გავლება შეიძლება ხელისუფლებასა და ოპოზიციას შორის ურთიერთდამოკიდებულების თვალსაზრისით. მაშინ ოპოზიციამ იყო ყველა პარტია სოციალ-დემოკრატების გარდა: — სოციალისტ-ფედერალისტები, ესერები, ეროვნულ-დემოკრატიული პარტია,



რომლებიც ძალზე მწვავედ აკრიტიკებდნენ იმდროინდელ ხელისუფლებას. ეროვნულ-დემოკრატიისთვის მაშინდელი ხელისუფლება იყო სოციალისტური, სოციალ-ფედერალისტებისა და ესერებისთვის — არასაკმარისად სოციალისტური და სოციალიზმის მოვალეატი, რომელიც არ ახორციელებდა სოციალურ სფეროში გარდაქმნებს. მმართველი პარტია, რომელსაც გაცილებით მეტი პასუხისმგებლობა ეკისრებოდა, ვიდრე ოპოზიციას, ცდილობდა ეხოვა გზა საქართველოს სახელმწიფოებრივი გადარჩენისთვის. მაშინ ეს გაუკვალავი გზა იყო და, ბუნებრივია, ბევრ შეცდომებსაც უშვებდნენ, რაც ოპოზიციის მხრიდან კრიტიკის საფუძველი ხდებოდა”, — აცხადებს მალხაზ მაცაბერიძე. მართალია, საქართველოს 1921 წლის კონსტიტუციას პრაქტიკულად არ უშოქმედია, მაგრამ მას ძალზე დიდი მნიშვნელობა ჰქონდა ქართველი ერის ისტორიაში. 1918 წლის 26 მაისის საქართველოს დამოუკიდებლობის აქტი და 1921 წლის კონსტიტუცია იყო ის იურიდიული საფუძველი, რომელსაც ეყარებოდა საქართველოს სახელმწიფოებრივი დამოუკიდებლობისთვის ბრძოლა მომდევნო ათწლეულებში.



წლის 12 მარტს. დამფუძნებელი კრების თავმჯდომარედ აირჩიეს კარლო ჩხეიძე. პირველსავე სხდომაზე დამფუძნებელმა კრებამ დაადასტურა 1918 წლის 26 მაისს ეროვნული საბჭოს მიერ დამტკიცებული „საქართველოს დამოუკიდებლობის აქტი“. დამფუძნებელმა კრებამ 1919 წლის 21 მარტს დაამტკიცა საქართველოს დემოკრატიული რესპუბლიკის ერთპარტიული (სოციალ-დემოკრატიული) მთავრობა ნოე ჟორდანიას თავმჯდომარეობით. უნივერსიტეტის პროფესორის, პოლიტოლოგ მალხაზ მაცაბერიძის თქმით, პირველმა უმაღლესმა საკანონმდებლო ორგანომ, რომელმაც 1921 წლის 17 მარტამდე იარსება, დიდი როლი შეასრულა საქართველოს დემოკრატიული რესპუბლიკის ცხოვრებაში. სწორედ ამ პერიოდს უკავშირდება კანონმდებლობის შექმნა და საქართველოს პირველი კონსტიტუციის მიღება. „იმდროინდელი დამფუძნებელი კრების მუშაობა მთლიანობაში დადებითად შეიძლება შევაფასოთ. უნდა გავითვალისწინოთ ის ფაქტორი, რომ მათ ძალიან რთულ პირობებში შეძლეს საკანონმდებლო ბაზის შექმნა არა მარტო საქართველოს დემოკრატიული რესპუბლიკისთვის... 1921 წლის კონსტიტუციის სახით დამფუძნებელმა კრებამ მიიღო ის დოკუმენტი, რომელმაც შემდგომ პოლიტიკური ზეგავლენა მოახდინა საბჭოთა და

რატელობით გაიმარჯვეს სოციალ-დემოკრატებმა, მათ საკანონმდებლო ორგანოში 109 დეპუტატი გაიყვანეს, თუმცა შემდგომში მათი რაოდენობა 103 დეპუტატამდე შემცირდა, რადგან 1919 წლის ზაფხულში ჩატარდა დამატებითი არჩევნები საქართველოს იმ რეგიონებში, სადაც ეს თებერვალში ვერ მოხერხდა და იქაურმა არჩევნების შედეგებმა შეცვალა თანაფარდობა. გარდა სოციალ-დემოკრატებისა, საკანონმდებლო ორგანოში წარმოდგენილი იყვნენ შემდეგი პარტიები: სოციალისტ-ფედერალისტების, ეროვნულ-დემოკრატების და სოციალისტ-რევოლუციონერების (ესერების) პარტიები, მოგვიანებით შევიდა დაშნაკთა პარტიის მცირე ჯგუფი, რომლებიც ჯავახეთის მხარეში მცხოვრებმა სომხებმა აირჩიეს დამატებითი არჩევნების დროს“. დამფუძნებელმა კრებამ საქართველოს დემოკრატიული რესპუბლიკა უზრუნველყო იმ აუცილებელი კანონებით, რომელიც ქვეყნისთვის მნიშვნელოვანი იყო. დამფუძნებელ კრებას პასუხის გაცემა უხდებოდა ყველა იმ გამოწვევაზე, რომელიც იმდროინდელ საქართველოში არსებობდა, მათ შორის, მნიშვნელოვანი იყო ეკონომიური რეფორმის განხორციელება. აღსანიშნავია, რომ სოფლად აგროული რეფორმის გატარება უმტკივნეულოდ არ მომხდარა. ამ რეფორმის შედეგად სოფლად აჯანყებები შეწყდა, რასაც ბოლშევიკები ხშირად იყენებდნენ ხოლმე ხელისუფლების წინააღმდეგ.

ახალი გამოცემა

გამოვიდა საერთაშორისო რეფერირული ჟურნალი სოციალურ მენეჯერებში

თბილისში დაიბეჭდა პირველი ინგლისურენოვანი საერთაშორისო რეფერირული ჟურნალი „სოციალური პოლიტიკა და სოციალური მუშაობა გარდამავალ პერიოდში“. ამ ჟურნალის გამოსვლა სოციალურ მეცნიერებებში უნიკალური მოვლენაა, რადგან საქართველოში დღემდე არ არსებობდა არა თუ საერთაშორისო, არამედ ადგილობრივი რეფერირული ჟურნალიც კი.

მაია ტორაძე

ჟურნალის დამფუძნებელია 6 უნივერსიტეტი: ივანე ჯავახიშვილის სახელობის თბილისის სახელმწიფო უნივერსიტეტი (საქართველო), შეფილდ ჰალამის უნივერსიტეტი (დიდი ბრიტანეთი), ტალინის უნივერსიტეტი (ესტონეთი), კიევის ნაციონალური აკადემია (უკრაინა), ვილიუსის პედაგოგიური უნივერსიტეტი (ლიტვა) და ლუბლიანის უნივერსიტეტი (სლოვენია). ეს უნივერსიტეტები შეადგენენ კონსორციუმს, რომელიც ევროკომისიის ტემპუსის პროგრამის აპლიკანტია.


ჟურნალი იბეჭდება საერთაშორისო რეფერირული ჟურნალისთვის ადეკვატური ყველა კრიტერიუმის დაცვით. მისი პროფილი შეძლებისდაგვარად ფართოა. იგი ეხება სოციალურ პოლიტიკას და სოციალურ მუშაობას.

„ამ ჟურნალის გამოსვლით გაჩნდა შესაძლებლობა, რომ საერთაშორისო პროფილის მქონე ჟურნალში ქართველმა მეცნიერებმაც გამოაქვეყნონ პუბლიკაციები.“

მოგეხსენებათ, ასეთ ჟურნალებში სტატიების გამოქვეყნება რთულია. ამას სჭირდება გარკვეული კავშირები და ბიუროკრატიული ბარიერების გადალახვა. ამ შემთხვევაში ეს პრობლემა დაძლეულია, რადგან ავტორმა უნდა მომხმართოს მე, როგორც ჟურნალის

ერთ-ერთ რედაქტორს და მე მივცემ სტატიას შემდგომ მსვლელობას“, — განაცხადა პროფესორმა იაგო კაჭკაჭიშვილმა.

ჟურნალის გამოცემის შესაძლებლობა, როგორც აღვნიშნეთ, ევროკომისიის ტემპუსის პროგრამის ფარგლებში გაჩნდა. იგი წელიწადში ორჯერ გამოვა. ჟურნალის მესვეურები იმედოვნებენ, რომ მას შემდეგ, რაც 2012 წლისთვის ეს პროექტი დასრულდება, კონსორციუმის წევრი უნივერსიტეტები თავის თავზე აიღებენ ჟურნალის გამოცემას — 6 უნივერსიტეტის ერთობლივი ძალისხმევა სრულიად საკმარისი იქნება იმისთვის, რომ მცირე დანახარჯების ფასად უზრუნველყონ ამ დონის და ასეთი რეპუტაციის ჟურნალის გამოცემა.



„დიდი იმედი გვაქვს, რომ მსოფლიოში არსებული სამეცნიერო ბიბლიოთეკები ამ ჟურნალს გამოიწერონ. ჩვენ გვსურს, რომ ჟურნალის ელექტრონული ვერსიაც შევქმნათ და ინტერნეტის მეშვეობით გავავრცელოთ“, — აღნიშნა იაგო კაჭკაჭიშვილმა.

პროფესორ იაგო კაჭკაჭიშვილის გარდა, ჟურნალის სამეცნიერო თანარედაქტორები არიან პროფესორი მარკ დოელი (შეფილდ-ჰალამის უნივერსიტეტი) და ასოცირებული პროფესორი ტატიანა სემიგინა (კიევის ნაციონალური აკადემია).

ბრძოლა საქართველოს ეკლესიის ავტოკეფალიის აღდგენისათვის

1917 წლის 12 მარტს (25 მარტს)

აღსდგა საქართველოს სამოციქულო მართლმადიდებელი ეკლესიის ავტოკეფალია. გვიანდა მკითხველს შევახსენოთ იმ რთული და წინააღმდეგობით აღსავსე ისტორიული გზის ერთი უმნიშვნელოვანესი მონაკვეთი — ქართველი სამღვდლოებისა და მეცნიერების ბრძოლა საქართველოს ეკლესიის ავტოკეფალიის აღდგენის კანონიერების დასაბუთებისათვის 1906 წელს.

რუსეთის იმპერიის მიერ საქართველოს დაპყრობის (XIX საუკუნის დამდეგი) შემდეგ, რუსეთის საიმპერატორო კარი შეუდგა ქართველი ერის ასიმილაციისა და საქართველოს რუსეთის იმპერიის განუყოფელ ნაწილად გადაქცევის გეგმის განხორციელებას. ყოველივე ამის მიღწევა შეუძლებელი იქნებოდა, თუ საქართველოში ავტოკეფალური ეკლესია (სათავის კათოლიკოს-პატრიარქით) შენარჩუნდებოდა. რუსებმა დიდხანს აღარ დააყოვნეს: 1811 წელს გაუქმდა მცხეთის სა-



პატრიარქო, ხოლო 1814 წელს ლიხთიმერეთის და აფხაზთა საპატრიარქო. არსებობა შეწყვიტა უძველესმა სამოციქულო ავტოკეფალურმა (თვითმწყობმა) ეკლესიამ. მიუხედავად იმისა, რომ საქართველოს ეკლესიის ავტოკეფალიის გაუქმება მოხდა მსოფლიოს IV საეკლესიო კრების დადგენილებისა და საეკლესიო სამართლის ნორმების სრული უგულვებლყოფით, ქართველმა სამღვდლოებამ თითქმის ერთი საუკუნის განმავლობაში იმასაც ვერ მიაღწია, რომ საქართველოს ეკლესიის ავტოკეფალიის აღდგენის კანონიერების საკითხი ოფიციალურ დონეზე განხილულიყო. 1906 წელს მთლიანად რუსეთის იმპერიაში და კონკრეტულად რუსეთის მართლმადიდებლურ ეკლესიაში შექმნილი მძიმე ვითარებაში რუსეთის იმპერატორი ნიკოლოზ II იძულებული გახდა, საეკლესიო რეფორმების მომზადების მიზნით მოეწვია საგანგებო ორგანო — რუსეთის საეკლესიო კრების წინარე თათბირი, რომელიც სხვა საქითხებთან ერთად, ქართველი სამღვდლოების თხოვნით საქართველოს ეკლესიის ავტოკეფალიის აღდგენასაც განიხილავდა. 1906 წლის 2 და 8 ივნისს საეკლესიო კრების წინარე თათბირის მეორე განყოფილებაში საქართველოს ეკლესიის ავტოკეფალიის მოთხოვნის კანონიერებას ასაბუთებდნენ ქართველი მღვდელმთავრები: ეპისკოპოსი კირიონი (გიორგი საძაგლიშვილი) და ეპისკოპოსი ლეონიდი (ლონგიოზ ოქროპირიძე). მათ ოპონირებას უწევდნენ რუსი მღვდელმთავრები და მეცნიერები. პოლემიკამ განსაკუთრებით მწვავე ხასიათი მიიღო განყოფილების 1906 წლის 8 ივნისის სხდომაზე მიიღო. რუსი მღვდელმთავრები და მეცნიერები ყველა საშუალებით ცდილობდნენ არ ეღიარებინათ საქართველოს ეკლესიის ავტოკეფალიის აღდგენის კანონიერება.

ნია რუსი სასულიერო პირები, რომლებიც ცდილობდნენ წერილმან დეტალებზე კამათით დაეწინაურებინათ საქართველოს ეკლესიის ავტოკეფალიის საკითხი. ყოვლადსამღვდლო კირიონი იყო ერთადერთი, რომელიც სხდომის მსვლელობის დროს მტკიცედ და ურყევად იცავდა საქართველოს ეკლესიის პოზიციებს. იგი მარტო ებრძოდა რუს სამღვდლოებს. სხდომის მსვლელობისას რუსების მხრიდან კიდევ ერთხელ გამოითქვა მოსაზრება, რომ საქართველოს ეკლესიის ავტოკეფალიის მოთხოვნა არაკანონიური და ანტიხელმწიფოებრივი იყო. პასუხი ეპისკოპოსმა კირიონმა გასცა: „ჩვენს მიერ ავტოკეფალიის მოთხოვნა — საეკლესიო საქმეა და არა სახელმწიფოებრივი. არ მესმის, რატომ გვაშინებთ, რომ თითქოს ეს საქმე ანტიხელმწიფოებრივი მნიშვნელობისაა. თუკი სახელმწიფო ავტოკეფალიას საშუაოდ მიიჩნევს, მაშინ სახელმწიფო მის წინააღმდეგ გაატარებს ღონისძიებებს. რაც შეეხება ავტოკეფალიის კანონიერ საფუძველს, მის არსებობაში არანაირი ეჭვის შეტანა არ შეიძლება. კანონმდებლებისთვის ეს კარგად უნდა იყოს ცნობილი, ვიდრე სხვა ვინმესათვის“. პროფესორი მ. ოსტროუმოვი საქართველოს ეკლესიის ავტოკეფალიის მოთხოვნის კანონიერ საფუძველს ვერ ხედავდა. როგორც მან აღნიშნა, 100 წლის განმავლობაში ბევრი რამ შეიცვალა საქართველოს ეკლესიაში, რისი უგულვებლყოფაც შეუძლებელი იყო.

რუსეთის საეკლესიო კრების წინარე თათბირის მეორე განყოფილების სხდომაზე საქართველოს ეკლესიის ავტოკეფალიის მოთხოვნის საკითხმა პოლიტიკური ხასიათი მიიღო. რუს პროფესორებს მიაჩნდათ, რომ ავტოკეფალიის საკითხი მჭიდრო კავშირში იყო პოლიტიკასთან და ამიტომაც ამ საკითხის გადაჭრისთვის არსებითი მნიშვნელობა ენიჭებოდა პოლიტიკურ შეხედულებებსაც. ასეთ მოსაზრებას ეპისკოპოსი კირიონი არ დაეთანხმა და საკითხი ასე დააყენა: თუ საქართველოს ეკლესიის ავტოკეფალიის აღდგენის მოთხოვნა პოლიტიკური საკითხია, მაშინ პოლიტიკურ საკითხად უნდა მივიჩნიოთ რუსი სამღვდლოებისა და მეცნიერების მიერ რუსეთში პატრიარქობის აღდგენის მოთხოვნა, რომელიც დიდი ხნის წინ გაუქმდა. ცხადია, რუს სამღვდლოებსა და მეცნიერებს არ სურდათ რუსეთში პატრიარქობის აღდგენის მოთხოვნა, ამიტომ ეპისკოპოსი კირიონთან კამათს დუმილი არჩიეს. რუსებს დიდი სურვილი ჰქონდათ რომელიმე ცნობილ რუს მღვდელმთავარს ან მეცნიერს დაენერა ნაშრომი, რომელშიც დასაბუთებული იქნებოდა საქართველოს ეკლესიის ავტოკეფალიის აღდგენის უკანონობა, მაგრამ ასეთი ნაშრომის დაწერა ვერავინ იკისრა. ეპისკოპოსი კირიონის თავგამოდებულ იმპონენტს მოგვლევის ეპისკოპოსი სტეფანე მხოლოდ ზოგადი განცხადებით შემოიფარგლა: „ამ საკითხების გადასაწყვეტად აუცილებელია გავითვალისწინოთ, რომ საქართველოს ეკლესიას რუსეთთან შეერთებამდე ჰქონდა თავისი ტერიტორიული საზღვრები და უფლებამოსილი იყო ამ ტერიტორიაზე მცხოვრები იმ ტომების, მოსახლეობის გაკონტროლება, რომლებიც მართლმადიდებლობას აღიარებდნენ... ისმის კითხვა: რომელი ავტოკეფალიისთვის ზრუნავენ ქართველები? შესაძლოა, ავტოკეფალიის ითხოვნე მხოლოდ საქართველოს იმ ყოფილ საზღვრებში, რომლითაც 1801 წელს შეუერთდა რუსეთს (იგულისხმება ქართლ-კახეთის სამეფო), ანდა იმ ავტოკეფალიას, რომელიც სურთ, რომ განავრცონ მთელ კავკასიაში — იმ კავკასიაში, რომელიც რუსული სისხლით იქნა მოპოვებული?“...

რუსეთის საეკლესიო კრების წინარე თათბირის მეორე განყოფილების სხდომაზე საქართველოს ეკლესიის საზღვრების დადგენის საკითხმა კამათი გამოიწვია. დეკანოზ ი. ვოსტორგოვისათვის გაურკვეველი იყო, რა საზღვრებში მოითხოვდა საქართველოს ეკლესია ავტოკეფალიის აღდგენას. მისი თქმით, მთელი საქართველო მოსკოვის გუბერნიის ტოლი იყო, ხოლო მოსახლეობა 160 000 კაცს არ აღემატებოდა, რომელთაგან, რუსი დეკანოზის მტკიცებით, ნახევარი სომეხი იყო. ყარსის ოლქი, ფოთი, ბათუმი, ახალციხე, სოხუმი, ერევანი, ბაქო და ელიზავეტპოლი — ყველა ეს ტერიტორია რუსეთმა ომების გზით მოიპოვა, ამიტომ ი. ვოსტორგოვის მართებულად არ მიაჩნდა ამ ტერიტორიების შესვლა საქართველოს ეკლესიის იურისდიქციაში. ამჯერადაც მოპასუხე ეპისკოპოსი კირიონი იყო. ქართველმა მღვდელმთავარმა დამსწრეთ აუხსნა, რომ საქართველოს ეკლესია უნდა აღდგენილიყო იმ საზღვრებში, რომელიც მას რუსეთთან შეერთებამდე ჰქონდა (როცა საქართველოს ეკლესიის მწყემსმთა-

ვარი მცხეთის კათოლიკოს-პატრიარქი იყო). ქართველი მღვდელმთავარი თვლიდა, რომ საქართველოს საკათალიკოსოს იურისდიქციაში უნდა შესულიყვნენ არა მარტო ქართველები, არამედ სხვა ეროვნების მართლმადიდებლებიც; რადგან ისინი საქართველოში მონათლენ მართლმადიდებლებად და ცხოვრობდნენ საქართველოს მიწაზე.

მეორე განყოფილების სხდომაზე იხილებოდა საქართველოს სასულიერო განათლების მდგომარეობის საკითხი. რუსებს განსაკუთრებით აღელვებდა ქართველი სამღვდლოების შეფასებები, კერძოდ, რომ სასულიერო განათლება საქართველოში არსებული სასულიერო სემინარიები დასახულ მიზანს ვერ აღწევდნენ, სასულიერო სემინარიაში პედაგოგები მხოლოდ რუსები იყვნენ, სასულიერო სემინარიებში მკაცრი ფორმალური იყო გაბატონებული. რა თქმა უნდა, სხდომაზე მყოფმა რუსმა სასულიერო და საერო პირებმა ეს ფაქტები სიცრუედ შერაცხეს.

ყოვლადსამღვდლო კირიონისთვის გაუგებარი იყო, თუ რატომ არ იხსნავდებოდა სემინარიაში ქართულად ისეთი საღვთისმეტყველო საგნები როგორცაა: კატეხიზმი, წმინდა წერილი და საქართველოს ისტორია. ქართველმა მღვდელმთავარმა რუსებს ამის შესახებ განმარტება მოსთხოვა. სხდომაზე მყოფი რუსი პროფესორები დიდი მონდობით ამტკიცებდნენ, რომ ქართული ენის დეგენერაცია, ქართველების შევიწროება, ქართული საეკლესიო და საერო ტრადიციების დევნა, სემინარიების არსებობის სავალალო მდგომარეობა — ეს ყოველივე გაზვიადებული და რეალობას მოკლებული იყო.

სხდომა დასასრულს უახლოვდებოდა, თუმცა საბოლოო გადაწყვეტილება ისევ უცნობი რჩებოდა. მეორე განყოფილების სხდომების თავმჯდომარემ ყოვლადსამღვდლო ნიკანდრმა საბოლოოდ ასეთი განაჩენი გამოიტანა: „ვერანაირი საფუძველი ავტოკეფალიისთვის ვერ ვგეტყობ“. პროფესორ ბ. მანსუროვისათვის კი საქართველოს ეკლესიისთვის ავტოკეფალიის მინიჭების კანონიერების დამადასტურებელი რაიმე საფუძველი არ არსებობდა და არც მომავალში იარსებებდა.

ყოვლადსამღვდლო ნიკანდრმა სხდომა დასრულად გამოაცხადა. განყოფილების საქმიანობა კი შემოდგომამდე შეწყდა. საბოლოო სიტყვა ყოვლადსამღვდლო კირიონმა წარმოთქვა. სხდომის მონაწილეები იძულებული გახდნენ ეღიარებინათ, რომ მოხსენება მართლაც მნიშვნელოვანი იყო. მიუხედავად ასეთი აღიარებისა, რუსები მიიჩნევდნენ, რომ ეპისკოპოსი კირიონის მოხსენება მიღებულ გადაწყვეტილებას ვერ შეცვლიდა.

ამრიგად, რუსეთის საეკლესიო კრების წინარე თათბირის მეორე განყოფილებამ (სექციამ) ეპისკოპოსი კირიონის მეცნიერულად დასაბუთებული გამოსვლებისა და თათბირისთვის საგანგებოდ მომზადებული ღრმად მეცნიერული და არგუმენტირებული მოხსენებების მიუხედავად, საქართველოს ეკლესიის ავტოკეფალიის აღდგენა კანონიერად არ მიიჩნია. რუსი სამღვდლოებმა და მეცნიერებმა, პოლიტიკური მიზნებიდან გამომდინარე, საქართველოს ეკლესიის ავტოკეფალიის აღდგენის კანონიერებას დაუსაბუთებლად მიიჩნევდნენ. რუსეთის საიმპერატორო კარს და რუსეთის მართლმადიდებელი ეკლესიის უწმიდეს სინოდს საეკლესიო კრების წინარე თათბირის დაწყებამდე უკვე მიღებუ-



კირიონ II


ლი ჰქონდა პოლიტიკური გადაწყვეტილება — საქართველოს ეკლესიის ავტოკეფალიის აღდგენა წინააღმდეგობადა რუსეთის იმპერიის ინტერესებს.

ავტოკეფალიის აღდგენა

1917 წელს საქართველოს ეკლესიაში ვითარება შეიცვალა. რუსეთის ეკლესიის მმართველობისაგან თავისუფლებისკენ ღრმადი დიდი თანადგომა გამოუცხადა საქართველოს ეკლესიამ, რადგან ეს უკანასკნელი დარწმუნებული იყო, რომ რუსეთის ეკლესია მხარს დაუჭერდა საქართველოს ეკლესიის ავტოკეფალიის დაბრუნებაში. აღნიშნულმა, ქართველი ავტოკეფალისტების ბრძოლას აქტიური ხასიათი შესძინა. სულ მალე ცხადი გახდა, რომ რუსეთის ეკლესია არ აპირებდა თავისი პოზიციების დათმობას საქართველოში. აქედან გამომდინარე, ქართველი სამღვდლოებისათვის ნათელი იყო, რომ რუსეთის მთავრობა არ აპირებდა საქართველოს ეკლესიაზე უწმიდესი სინოდის კომპეტენციის შეწყვეტას და ამიტომ მას დაუმრჩილებლობა გამოუცხადა. 1917 წელს 12 მარტს მცხეთის საკათედრო ტაძარში შეიკრიბა საქართველოს ეკლესიის მღვდელმთავრები და ქართული საზოგადოება. შეკრებაზე მისულ საზოგადოებრიობას ოფიციალურად გააცნეს შემდეგი გადაწყვეტილება: 1) 12 მარტიდან კრძალვად საქართველოს ეკლესიის ავტოკეფალია; 2) კათოლიკოსის არჩევამდე, საქართველოს ეკლესიის განმგებლად დროებით ინიშნებოდა გურია-სამეგრელოს ეპისკოპოსი ლეონიდი; 3) საქართველოს ეკლესიის მმართველობა დაევალა აღმასრულებელ კომიტეტს.

საქართველოს ეკლესიის ავტოკეფალიის აღდგენის შემდეგ პირველი საეკლესიო კრება 1917 წლის 8-17 სექტემბერს შედგა. კრებაზე იმსჯელეს კათოლიკოს-პატრიარქის შესაძლო კანდიდატის არჩევაზე. 17 სექტემბრის სხდომაზე კანდიდატებად დასახელდნენ ეპისკოპოსი კირიონი (საძაგლიშვილი) და თბილისის მტროპოლიტი ლეონიდი (ოქროპირიძე). ხმის უპირატესობით საქართველოს ეკლესიის მწყემსმთავრად ეპისკოპოსი კირიონი აირჩიეს.

გვანცა ბურდული,
დოქტორანტი



სრულიად საქართველოს კათოლიკოს პატრიარქისგან მიღებული ჯილდო

უწმიდესმა და უნეტარესმა სრულიად საქართველოს კათოლიკოს პატრიარქმა ილია მეორემ საქართველოს მეცნიერებათა აკადემიის აკადემიკოსი, ისტორიკოსი მარიამ ლორთქიფანიძე წმიდა გიორგის სახელობის ორდენით დააჯილდოვა და საქართველოს დედის ნოდება მიანიჭა. ორდენის გადაცემის ცერემონია საპატრიარქოში 25 თებერვალს გაიმართა და მას მარიამ ლორთქიფანიძის ოჯახი, სასულიერო პირები, საქართველოს კათოლიკოს პატრიარქი ილია II და ივანე ჯავახიშვილის სახელობის თბილისის სახელმწიფო უნივერსიტეტის ადმინისტრაციის წარმომადგენლები დაესწრნენ. თუ რა დამსახურებებისთვის გადაეცა ქალბატონ მარიამ ლორთქიფანიძეს ჯილდო, წმიდა გიორგის სახელობის ორდენის მეორე მხარეს აწერია: „ქართველი ერისა და საქართველოს მართლმადიდებლური სამოციქულო ეკლესიის წინაშე განუვლი ღვაწლისთვის“.



ნატო ოპოლაკი

საქართველოს მართლმადიდებლური ეკლესიის უმაღლესი ჯილდოს გადაცემა მარიამ ლორთქიფანიძისთვის საქმად მოულოდნელი აღმოჩნდა. საპატრიარქოში მისულ უხუცეს ისტორიკოს თბილი შეხვედრა მოუწყვეს, მისი დამსახურების შესახებ ისაუბრეს სასულიერო სემინარიის რექტორმა გიორგი ზვიადაძემ, სასულიერო აკადემიის საქართველოს ისტორიის კათედრის გამგემ სერგო ვარდოსანიძემ და თსუ-ის რექტორმა გიორგი ხუბუამ. ქალბატონი მარიამის შვილთაშვილმა ზურაბ ცირეკიძემ დიდი ბუბის პატივსაცემად მოცარტის ნაწარმოები შეასრულა. მან იტალიაში ვოლფგანგ ამადეუს მოცარტის სახელობის კონკურსზე, კომპოზიტორის ნაწარმოების შესრულებისათვის, პირველი ადგილი აიღო.

„წარმოუდგენელი უფრო მაღალი ჯილდო ადამიანის ცხოვრებაში, ვიდრე სრულიად საქართველოს კათოლიკოს პატრიარქის მიერ მონიჭებული წმიდა გიორგის ორდენი და საქართველოს დედის ტიტული. ჯერ კიდევ ბოლომდე ვერ აღვიქვი, თუ რა დიდი ამბავი მოხდა ჩემს ცხოვრებაში. არასოდეს მიფიქრია, თუ რამე განსაკუთრებულს ვაკეთებდი. მიმაჩნია, რომ ვაკეთებ იმას, რაც მევალება. ჩემთვის ძალიან ბევრს ნიშნავს, როდესაც სრულიად უცხო ადამიანები მილოცავენ, ქუ-

ჩაში მაჩერებენ, ტელეფონზე მირეკავენ და მეუბნებიან, რომ მე ეს ჯილდო დავიმსახურე“, — გვითხრა მარიამ ლორთქიფანიძემ.

ქალბატონი მარიამის დიდი დამსახურება გახლავთ, რომ ივანე ჯავახიშვილის სახელობის თბილისის სახელმწიფო უნივერსიტეტში საბჭოთა კავშირის პერიოდში სწავლება ქართულ ენაზე შენარჩუნდა. სასკოლო პროგრამაში საქართველოს ისტორიის ცალკე საგნად შეტანის პროცესში, ასევე, დიდი როლი ითამაშა მარიამ ლორთქიფანიძემ.

ქალბატონმა მარიამმა წმინდა გიორგის სახელობის ორდენთან ერთად „საქართველოს დედის“ ნოდებაც მიიღო. მას მაჩნია, რომ შვილის აღზრდისას ყველაზე მნიშვნელოვანია, მშობელმა შვილი წიგნის კითხვას მიჩვიოს, რაც თანამედროვე ახალგაზრდების ყველაზე დიდი პრობლემა გახლავთ.

ქალბატონი მარიამი ამჯერად საქართველოს ისტორიის ოთხტომეულზე მუშაობს. იგი წიგნის მთავარი რედაქტორია და მეორე ტომის ცალკეულ სტატიათა ავტორი. საქართველოს ისტორიის ახალ გამოცემაზე ქალბატონი მარიამი მეცნიერებათა ეროვნული აკადემიის საზოგადოებრივ მეცნიერებათა განყოფილების წევრებთან და თსუ-ის ყოფილ ამაჟამინდელ ისტორიკოსებთან ერთად მუშაობს.

ივანე ჯავახიშვილის სახელობის მედიის მფლობელი

23 თებერვალს თსუ-ის პროფესორს რევაზ კაკულიას 50-წლიანი სამეცნიერო და პედაგოგიური მოღვაწეობის აღსანიშნავად, თსუ-ის რექტორის გიორგი ხუბუას ინიციატივით, ივანე ჯავახიშვილის სახელობის მედალი გადაეცა.

თამარ მარუაშვილი


პროფესორმა რევაზ კაკულიამ ივანე ჯავახიშვილის სახელობის თბილისის სახელმწიფო უნივერსიტეტში სამეცნიერო და პედაგოგიური მოღვაწეობა გასული საუკუნის 60-იან წლებში დაიწყო. იგი ეკონომიკური მეცნიერების ისეთ სფეროებში მუშაობდა, როგორცაა: ეკონომიკური თეორია, საბაზრო ეკონომიკა, გლობალიზაცია და ეროვნული ეკონომიკის განვითარება, ქვეყნის ეკონომიკური უსაფრთხოება, პროგნოზირება და ინდიკატორული დაგეგმვა, ფინანსები და ფულად-საბანკო ურთიერთობები და სხვ.

პროფესორ რევაზ კაკულიას კვლევები და მეცნიერული დასკვნები გამოქვეყნებულია 198 წამოშობი, რომელთაგან 8 მონოგრაფია და 12 სახელმძღვანელოა.

განსაკუთრებით აღსანიშნავია პროფესორ რევაზ კაკულიას პედაგოგიური მოღვაწეობა თბილისის სახელმწიფო უნივერსიტეტის ეკონომიკისა და ბიზნესის ფაკულტეტზე, სადაც წლების მანძილზე კითხულობდა ეკონომიკური თეორიის, ეკონომიკურ მოძღვრებათა ისტორიის, ფინანსების თეორიის, საბანკო საქმის, ფინანსური ეკონომიკის, საერთაშორისო სავალუტო, საფინანსო და საკრედიტო ურთიერთობების, კორპორაციის ფინანსების, საჯარო ფინანსების სასწავლო დისციპლინებს. აღსანიშნავია, რომ მან ყველა თეორიულ საკითხში გამოსცა სახელმძღვანელოები, მისი ხელმძღვანელობით დაცულია 25-ზე მეტი საკანდიდატო და სადოქტორო დისერტაცია.

„ბატონ რეზოს დიდი წვლილი მიუძღვის არა მარტო უნივერსიტეტის, არამედ ქვეყნის მიმართაც. ეს არის ადამიანი, რომელიც თავის თავში აერთიანებს მეცნიერს, მკვლევარს, პედაგოგს, სახელმწიფო პოლიტიკურ მოღვაწეს. მას დიდი წვლილი მიუძღვის თსუ-ის ეკონომიკისა და ბიზნესის ფაკულტეტის განვითარებას და სტუდენტთა დაოსტატების საქმეში“, — აღნიშნა პროფესორმა ელგუჯა მექვაბიშვილმა.

პროფესორმა ბიკენტი გაბიაშვილმა გაიხსენა 70-იანი წლები, როცა ამ მედიის გადაცემას ჩაეყარა საფუძველი: „მაშინ ფაკულტეტზე, დაახლოებით, 140 პედაგოგი მოღვაწეობდა. მათ შორის იყვნენ ისეთი ფაქტორიტები, რომლებმაც უნივერსიტეტის განვითარებას რაფა დაუდეს. ყველა ისინი არნახული ობიექტური პრინციპებით ხელმძღვანელობდნენ. მედალი უნივერსიტეტში გამოჩენილ და გამორჩეულ პროფესორს გადაეცემოდა. მოხდა ისე, რომ აკადემიურ საბჭოს პროფესორ ნიკო კეცხოველისთვის ამ მედიის გადაცემა დაუგვიანდა. და როდესაც ბატონ ნიკოს მედალი გადასცეს, მან ჩვეული პირდაპირობით მიმართა აკადემიურ საბჭოს: „მე, მრავალი ჯილდოს მფლობელი ვარ, მაგრამ ეს მედალი ყველაზე ძვირფასია ჩემთვის, ეს მედალი ჩემთვის დიდი ხნის წინათ უნდა გამოგვეცათ“, ახლა მისი სიტყვების გამეორება მინდა ბატონებო, ეს მედალი ბატონი რეზოსთვის დიდი ხნის წინ უნდა გადაგვეცა“.



თსუ-ის ადმინისტრაციის ხელმძღვანელის მოვალეობის შემსრულებელმა რომან ხარბეიამ ამ პროფესორის მედლით დაჯილდოება რესპულიკურ-სახელმწიფოებრივ აღიარებად შეაფასა.

„ეს ჯილდო ჩემთვის უმაღლესი ჯილდოა. 6 ორდენის მფლობელი ვარ, მაგრამ ეს მედალი ყველაზე საპატიო ადგილს დაიკავებს“. — აღნიშნა რევაზ კაკულიამ.

ნიგნადი ფონდი

„ქართუ ჯგუფმა“ თსუ-ის სარეზერვუარო 100 000 ლარის ლირებულების ნიგნები ბადმოსცა



ივანე ჯავახიშვილის სახელობის თბილისის სახელმწიფო უნივერსიტეტს „ქართუ ჯგუფმა“ 100 000 ლარის ლირებულების ნიგნები გადასცა. 580 სახელმძღვანელო, მონოგრაფია, სპეციალური სამეცნიერო და სასწავლო ლიტერატურა თბილისის სახელმწიფო უნივერსიტეტის ბიბლიოთეკებში უკვე განთავსდა. სასწავლო პროცესის უკეთ წარმართვისთვის საჭირო ნიგნების ჩამონათვალი თსუ-ის ადმინისტრაციამ „ქართუ ჯგუფს“ წინასწარ გადასცა, რომელთა შემჩვევის პროცესში თსუ-ის პროფესორ-მასწავლებლები იღებდნენ მონაწილეობას.

„ქართუ ჯგუფის“ ხელმძღვანელობამ იცოდა, რომ ბიბლიოთეკისთვის ნიგნები გვეჭირდებოდა და დახმარებას შეგვპირდა. პირობის თანახმად, საჭირო ნიგნების

ჩამონათვალი ჩვენ გაგუგზავნეთ. მოთხოვნილი ლიტერატურა „ქართუ ჯგუფმა“ საზღვარგარეთ შეისყიდა და საჩუქრად გადმოგვცა“, — განაცხადა თსუ-ის ადმინისტრაციის ხელმძღვანელის მოვალეობის შემსრულებელმა რომან ხარბეიამ.

ახალი ნიგნები, ძირითადად, ინგლისურ და გერმანულენოვანია. ისინი პროფილის მიხედვით საფაკულტეტო ბიბლიოთეკებში უკვე განთავსდა და უკვე თსუ-ის ყველა სტუდენტისა და პროფესორ-მასწავლებლისთვის ხელმისაწვდომია.


რადგან ნიგნების უმეტესი ნაწილი მხოლოდ ერთი ეგზემპლარია, დაინტერესებულ პირებს მათი გაცნობა მხოლოდ სამკითხველო დარბაზში შეეძლებათ.



სარეზერვუარო ალმოსავლეთმცოდნეობის მიმართულების ბიბლიოთეკას ეგვიპტიდან

ივანე ჯავახიშვილის სახელობის თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის ალმოსავლეთმცოდნეობის მიმართულების პატარა ბიბლიოთეკას დიდი საჩუქარი უძღვნა საქართველოს საელჩომ ეგვიპტის არაბულ რესპუბლიკაში.

უნივერსიტეტის კურსდამთავრებული, საქართველოს საგანგებო და სრულუფლებიანი ელჩი ეგვიპტეში ბატონი გოჩა ჯაფარიძე, ამასთანავე ცნობილი ისტორიკოსი, ახლო აღმოსავლეთის ისტორიის მკვლევარი, საქართველოსა და არაბული სამყაროს ისტორიულ ურთიერთობებზე წლების მანძილზე მომუშავე პროფესორი, ისტორიის მეცნიერებათა დოქტორი და დიპლომატიურ სარბიულზე გადასვლამდე თბილისის სახელმწიფო უნივერსიტეტის ერთ-ერთი თვალსაჩინო მოღვაწე და აღიარებული მეცნიერი გახლავთ. მან ალმოსავლეთმცოდნეობის მიმართულების ბიბლიოთეკას გადასცა კაიროს ალმოსავლეთის არქეოლოგიის ფრანგული ინსტიტუტის (Institut Français d'Archéologie Orientale) სამეცნიერო კვლევების დირექტორის ქალბატონ სილია დენუსა მიერ მისთვის პირადი კოლექციური კონტაქტების საფუძველზე გადაცემული საჩუქარი – აღნიშნული ინსტიტუტის მნიშვნელოვანი პუბლიკაციები: მსოფლიოში ერთ-ერთი წამყვანი ისლამოლოგიური სამეცნიერო-პერიოდული გამოცემის 1978-2003



წლების ნომრები, ასევე, ბევრი სხვა ფასეული სამეცნიერო გამოკვლევა (სულ 59 ერთეული). ეს ლიტერატურა მნიშვნელოვნად გაამდიდრებს ალმოსავლეთმცოდნეობის მიმართულების ბიბლიოთეკის ფონდს და ხელს შეუწყობს არაბისტიკისა და ისლამოლოგიის პრობლემათიკის შესწავლას, პროფესორ-მასწავლებელთა და სტუდენტთა ინფორმირებას უახლეს სამეცნიერო კვლევებსა და მიმართულებებზე. როგორც ბატონი ელჩი პროფესორი გოჩა ჯაფარიძე გვპირდება, თბილისის სახელმწიფო უნივერსიტეტისთვის საჩუქრად გამოცემული ნიგნები ერთჯერადი აქცია არ არის, ზრუნვა თსუ-ის ალმოსავლეთმცოდნეობის მიმართულების პატარა ბიბლიოთეკის ნიგნადი ფონდის გამდიდრებაზე კვლავაც გაგრძელდება.

დარეჟან ბარდავაძე

რატომ შეირჩა გამოსაცემად რიჩარდ გერიგისა და ფილიპ ზიმბარდოს „ფსიქოლოგია და ცხოვრება“?

თბილისის სახელმწიფო უნივერსიტეტის გამომცემლობამ და სოციალურ მეცნიერებათა ცენტრმა 2009 წელს გამოსცა რიჩარდ გერიგისა და ფილიპ ზიმბარდოს საყოველთაოდ ცნობილი სახელმძღვანელო „ფსიქოლოგია და ცხოვრება“.

ეს გახლავთ ამ წიგნის მე-16 გამოცემა, რომლის თარგმნაც თბილისის სახელმწიფო უნივერსიტეტის ფსიქოლოგიის მიმართულების პროფესორ-მასწავლებელთა ჯგუფმა 2003 წელს დაიწყო ფონდ „ღია საზოგადოება — საქართველოს“ სოციალურ მეცნიერებათა მხარდაჭერის პროგრამით დაფინანსებული პროექტის ფარგლებში. წიგნის თარგმნასა და გამოსაცემად მომზადებას ხუთი წელი დასჭირდა (იგი ჩინეთში დაიბეჭდა). საბოლოოდ წიგნის გამომცემლობის ვარიანტი საზოგადოებამ 2009 წლის ბოლოს მიიღო.


მაია ტორაძე

რატომ შეირჩა გამოსაცემად რიჩარდ გერიგისა და ფილიპ ზიმბარდოს „ფსიქოლოგია და ცხოვრება“?

როგორც წიგნის ერთ-ერთი მთავარი სამეცნიერო რედაქტორი, პროფესორი მარინე ჩიტაშვილი აღნიშნავს, ფსიქოლოგიის საფუძვლების შესასწავლად მსოფლიოში სამი შეთანხმებული სახელმძღვანელო არსებობს. ესენია: რიტა და რიჩარდ ატკინსონების, ედუარდ სმიტის, დარლ ბერნისა და სუზან ნოლენ ჰოეკსემას ერთობლივი სახელმძღვანელო (ფსიქოლოგიურ წრეში ცნობილი, როგორც ატკინსონის სახელმძღვანელო), მეორე — ჰანს აიზეიკის სახელმძღვანელო და მესამე რიჩარდ გერიგისა და ფილიპ ზიმბარდოს სახელმძღვანელო.

ატკინსონის სახელმძღვანელოს ძირითადად სკანდინავიის ქვეყნებში იყენებენ, რადგან მათ მსოფლიოში ფსიქოლოგიის სწავლების ყველაზე მაღალი სტანდარტები აქვთ. ეს სახელმძღვანელო რთულია, მაგრამ ამ ქვეყნების სასკოლო სისტემით მიღებული განათლების დონე და, რაც მთავარია, ხარისხი, საკმარისი საფუძველია, რომ შემდგომ სტუდენტებმა მისი სწავლა შეძლონ.

აიზეიკის სახელმძღვანელო არაფრით ჩამოუვარდება არც ატკინსონის და არც გერიგის-ზიმბარდოს სახელმძღვანელოს, მაგრამ არ არის პოპულარული ერთი მარტივი მიზეზის გამო: აიზეიკმა 60-იან წლებში არასწორი დასკვნა გააკეთა — მან საკუთარი ექსპერი-



მენტის მონაცემები განაზოგადა და ამის საფუძველზე განაცხადა, რომ თეთრკანიანებს უფრო მაღალი ინტელექტის კოეფიციენტი აქვთ, ვიდრე შავკანიანებს. ამას ამერიკის ფსიქოლოგთა ასოციაციიდან, ბუნებრივია, საშინელი რეაქცია მოჰყვა. აიზეიკის კვლევები ხელახლა გადაამოწმეს და მისი შედეგები უარყვეს. ამის შემდეგ, მიუხედავად იმისა, რომ აიზეიკი დიდი მეცნიერი და მაღალი დონის სახელმძღვანელოს ავტორია, პროფესიული ეთიკიდან გამომდინარე, სასწავლო პროგრამაში მის წიგნს ნაკლებად იყენებენ.

ამ მიზეზების გამო ქართველმა მეცნიერებმა აირჩიეს რიჩარდ გერიგისა და ფილიპ ზიმბარდოს „ფსიქოლოგია და ცხოვრება“, რომელიც 1990 წლიდან ამერიკის შეერთებულ შტატებში მთავარი სასწავლო სახელმძღვანელოა.

ამ წიგნის ორი ვარიანტი არსებობს — ევროპული და ამერიკული. ქართველმა მეც-

ნიერებმა ამერიკული ვარიანტი თარგმნეს იმის გამო, რომ ატკინსონის სახელმძღვანელოს მსგავსად, „ფსიქოლოგია და ცხოვრების“ ევროპული ვარიანტი წიგნის გაცნობამდე უფრო მეტ ცოდნას მოითხოვს. რადგანაც საქართველოს სასკოლო სისტემა ამერიკული სისტემის მსგავსად ყალიბდება, უპირადად მიიჩნევა, წიგნის ამერიკული ვარიანტის თარგმნა და გამოცემა.

წიგნის გამოცემაზე 9 მეცნიერისგან შემდგარმა სარედაქციო საბჭომ იმუშავა, ხოლო მისი მთავარი სამეცნიერო რედაქტორები გახლავთ პროფესორები მარინე ჩიტაშვილი და მარია მირიანაშვილი.

მარინა ჩიტაშვილი, ფსიქოლოგიის მეცნიერებათა დოქტორი, თსუ-ის პროფესორი: „წიგნის გამოცემა ბევრ სირთულეს-



თან იყო დაკავშირებული, რადგან სამეცნიერო ენა სერიოზულად მოითხოვდა გადახედვას — არ არსებობდა ძალიან ბევრი ტერმინის ქართული შესატყვისი. ამის გამო სარედაქციო კოლეგიამ კოლოსალიური სამუშაო ჩაატარა. ცალკე იმუშავა ტერმინოლოგიის ჯგუფმა. ჩვენმა სტუდენტებმა ამ წიგნით სწავლა პირველი სამუშაო ვერსიებით 2005 წლიდან დაიწყო. წიგნის საბოლოო ნაბეჭდი სახით მიღებას კი კიდევ 4 წელი დასჭირდა“.

„ფსიქოლოგია და ცხოვრების“ გამოცემით ფაქტობრივად იფარება 2002 წლამდე არსებული უახლესი ცოდნა ფსიქოლოგიაში. ამავე დროს სახელმძღვანელო იძლევა რეალურ ბაზის სასწავლო პროგრამის გადამწყობისათვის.

სახელმძღვანელოს მაღალ მეცნიერულ შეფასებას აძლევს ერთ-ერთი რეცენზენტი, ფსიქოლოგიის მეცნიერებათა დოქტორი, ილიას უნივერსიტეტის ფსიქოლოგიის ემერიტუსი ნათელა იმედაძე: „ეს გახლავთ ამ სახელმძღვანელოს მეთექვსმეტე გამოცემა, რომელშიც თავმოყრილია ბოლო წლებში ჩატარებული ექსპერიმენტების შედეგები, რაც ერთ სახელმძღვანელოში იშვიათად გვხვდება“.

სახელმძღვანელოს სტრუქტურა თავიდან ბოლომდე სტუდენტის ინტერესებს ითვალისწინებს. მოცემულია მასალები — როგორ გამოიყენონ წიგნი და შეაჯამონ მიღებული ცოდნა. ცალკეა გამოყოფილი საკვანძო საკითხები. წიგნს დართული აქვს გლოსარიუმი, სადაც ტერმინების ჯამია მოცემული. თუმცა აქვე ვიტყვი, რომ არის ზოგიერთი ტერმინი, რომლის დაზუსტებაა საჭირო და ამაზე უნდა იზრუნონ არა მხოლოდ თბილისის სახელმწიფო უნივერსიტეტის, არამედ მეცნიერებათა აკადემიის, უზნაძის ინსტიტუტისა და ილიას უნივერსიტეტის მეცნიერებმაც. დიდი იმედები მაქვს, რომ ფსიქოლოგებს ეს წიგნი დიდი დახმარებას გაუწევს, — აღნიშნა ჩვენთან საუბარში ქალბატონმა ნათელა იმედაძემ.

ახალი სასწავლო წიგნი ეკონომიკაში



სამწუხაროდ, ქართულ ენაზე არ ვართ განებივრებული კარგი სახელმძღვანელოებით. ამდენად ნებისმიერი „გამონათება“ ამ სფეროში მისასალმებელია, მით უმეტეს, თუ საქმე ეკონომიკური პოლიტიკის თეორიას შეეხება. ამ თვალსაზრისით აღსანიშნავია სახელმძღვანელო „ეკონომიკური პოლიტიკაში“ (ორ ნაწილად), რომლის ავტორებიც ეკონომიკურ მეცნიერებათა დოქტორი, თსუ-ის სრული პროფესორი რევაზ გველესიანი და ეკონომიკის დოქტორი, თსუ-ის ასოცირებული პროფესორი ირინა გოგორიშვილი არიან. სახელმძღვანელო აგებულია ევროპული გამოცდილების მიხედვით და მასში გადმოცემულია ისეთი მნიშვნელოვანი თემები, როგორიცაა ეკონომიკური პოლიტიკის თეორია, ეკონომიკური წესრიგის პოლიტიკა, კონკურენციის პოლიტიკა, საფინანსო პოლიტიკა, ფულადი პოლიტიკა, შემოსავლების განწილება და სოციალური პოლიტიკა, შრომის ბაზრისა და დასაქმების პოლიტიკა, საგარეო ეკონომიკური

პოლიტიკა, გარემოს დაცვის ეკონომიკური პოლიტიკა, აგრარული პოლიტიკა და განვითარების ეკონომიკური პოლიტიკა. თითოეულ თავში განხილულია შესაბამისი პოლიტიკის მიზნები, სტრატეგიები, ინსტრუმენტები, პრობლემები და მოქმედების არეალი. თუ გავითვალისწინებთ საქართველოში არსებულ რეალობას, მნიშვნელოვანია, რომ ეკონომიკური პოლიტიკის ფორმირება დაეყრდნოს იმ გამოცდილებას, რომელიც უკვე დაგროვდა ევროპულ სახელმწიფოებში. სახელმძღვანელო სწორედ ევროპული, უპირატესად კი გერმანული გამოცდილების გათვალისწინებითაა შედგენილი. მაგალითები, რომლებიც სახელმძღვანელოშია მოყვანილი, სტუდენტებს სწორედ გერმანიის ეკონომიკაში მიმდინარე პროცესების ეკონომიკური პოლიტიკის განხორციელების თავისებურებების ძირში განიხილავს.

წიგნში განხილულია ბიუჯეტი, მისი ინდიკატორები, შემოსავლებისა და ხარჯების თავისებურებები, საგადასახადო სისტემის თავისებურებანი, სახელმწიფო ვალი. ასევე, როგორ თეორიული, ისე პრაქტიკული საკითხები. აქვე სერიოზული ადგილი უკავია ევროპის ფულის ბაზრების ანალიზს, განხილულია კაპიტალისა და სავალუტო ბაზრები, საერთაშორისო საპროცენტო პარიტეტი. საინტერესოა პროცენტის

სტრუქტურაზე გამახვილებული ყურადღება. ეს თემა განსაკუთრებულად აქტუალურია მსოფლიო ფინანსური კრიზისის ფონზე, მაშინ, როდესაც პროცენტი ბევრ სიტუაციაში მდგომარეობის შესწავლის ერთ-ერთ სერიოზულ ინდიკატორად იქცა.

ინფლაციის თეორიები, რომელიც სახელმძღვანელოშია მოყვანილი, ასევე, საინტერესო განსჯის საფუძველს აძლევს სტუდენტებს. საქართველოს ეროვნულმა ბანკმა დაიწყო ე.წ. „ინფლაციური ტარგეტირების“ განხორციელება და ამ ფაქტსაც შესაბამისი ადგილი უკავია სახელმძღვანელოში.

სახელმძღვანელოს გამოცემით მნიშვნელოვანი ნაბიჯი გადაიდგა. სტუდენტთათვის გაადვილებულია ეკონომიკური პოლიტიკის ფორმირების მნიშვნელოვან ასპექტებზე არსებული მოსაზრებები, სისტემატიზებულია ეკონომიკური პოლიტიკის ცალკეული მიმართულებების შესახებ არსებული თეორიები, რაც დაინტერესებულ მკითხველს გაუღვივებს დამატებითი მასალების, მათ შორის საქართველოს შესახებ არსებული ინფორმაციის მოპოვების სურვილს.

ნოდარ ხადური

ივანე ჯავახიშვილის სახელობის თბილისის სახელმწიფო უნივერსიტეტის სრული პროფესორი

„კავკასიოლოგიური ძიებანი“

ივანე ჯავახიშვილის სახელობის თბილისის სახელმწიფო უნივერსიტეტში სამეცნიერო ჟურნალის „კავკასიოლოგიური ძიებანი“ პირველი ნომრის პრეზენტაცია გაიმართა. საერთაშორისო კავკასიოლოგიურ სამეცნიერო ჟურნალში ძირითადად გამოყენებულია მასალები კავკასიოლოგთა პირველი საერთაშორისო კონგრესისა, რომელიც თბილისის სახელმწიფო უნივერსიტეტის ეგიდით 2007 წელს მოეწყო.

„სამეცნიერო ჟურნალი „კავკასიოლოგიური ძიებანი“ კავკასიური იდეის კონცეპტუალურ საფუძველზე ემყარება. საერთო გეოგრაფიულ სივრცეში თანაცხოვრების ტრადიციული და თანამედროვე კულტურა, კავკასიელი ხალხების ლინგვისტური, ეთნოგენეტიკური, კულტურული ნათესაობა და საერთო ისტორიული წარსული კავკასიის რეგიონალიზაციის პრინციპებს აყალიბებს. მოპოვებული მიღწევებისა და თანამედროვე კვლევების კვლადაკვალ ჟურნალი აერთიანებს კავკასიოლოგიის პრობლემათა შემსწავლელ ჰუმანიტარულ მეცნიერებათა დარგებს და, შესაბამისად, განსაზღვრავს კავკასიელი ხალხების სოციოკულტურულ როლს“. — აღნიშნულია ჟურნალის ანოტაციაში. სამეცნიერო ჟურნალში დაბეჭდილი სტატიები იმ სამეცნიერო დარგებს მიიცავს, რომლებიც

კავკასიის შეისწავლიან; ავტორები სხვადასხვა ქვეყნიდან კავკასიაში არსებულ პრობლემებს იკვლევენ. „მეცნიერების ვალია წარმოაჩინოს ის, რაც არის და უპასუხოს კითხვებს რატომ არის ასე. ჩვენს ჟურნალში ასახულია XXI საუკუნის კავკასიოლოგია, გამოქვეყნებულ სტატიებში პასუხები გაიცა საინტერესო კითხვებზე“, — აღნიშნა ჟურნალის რედაქტორმა ცირა ბარამიძემ.



სამეცნიერო ჟურნალი თბილისის სახელმწიფო უნივერსიტეტის კავკასიოლოგიის ინსტიტუტის ინიციატივით და ენათმეცნიერების ინსტიტუტის ხელმძღვანელობის ხელშეწყობით გამოიცა. სამეცნიერო ჟურნალი „კავკასიოლოგიური ძიებანი“ წელიწადში ერთხელ გამოვა.

საზოგადოებასთან ურთიერთობის დეპარტამენტი



ანა და უნივერსიტეტი

„ქართული პოეზიის დედოფლის“ ანა კალანდაძის ბიოგრაფიაში მნიშვნელოვანი ადგილი უკავია თბილისის სახელმწიფო უნივერსიტეტში გატარებულ პერიოდს — სწორედ სტუდენტობის წლებში შეიქმნა პოეტურ შედეგებად აღიარებული ნიმუშების უმეტესობა, რომელმაც მას მკითხველის დიდი სიყვარული მოუტანა.

შურთხია ბაროშვილი

ახალგაზრდობას გამორჩეულად უყვარს ანა კალანდაძის პოეზია. მნიშვნელოვანია და ამასთან, სასიამოვნო, რომ პოეტის შემოქმედება უკვე გახდა მათი კვლევის საგანი. თბილისის სახელმწიფო უნივერსიტეტის პუბლიცისტური მეცნიერებათა ფაკულტეტის ინიციატივით ანა კალანდაძის გარდაცვალების 2 წლისთავისადმი მიძღვნილ სამეცნიერო კონფერენციაზე — „ანა და უნივერსიტეტი“ სტუდენტებმა მწერლის შემოქმედება სიღრმისეულად, სხვადასხვა ასპექტში განიხილეს და თავიანთი ნაზრები თანატოლებს გააცნეს. როგორც კონფერენციის სახელწოდებიდან ჩანს, სტუდენტებმა ძირითადი აქცენტი ანა კალანდაძის უნივერსიტეტში მოღვაწეობის პერიოდზე და პოეტის მოგონებებზე გააკეთეს.

ივანე ჯავახიშვილის სახელობის თბილისის სახელმწიფო უნივერსიტეტის პუბლიცისტურ მეცნიერებათა ფაკულტეტის კავკასიოლოგიის მიმართულების II კურსის მაგისტრანტმა ანა ბაქანიძემ ხანგრძლივი დრო მონაწილეობა ანა კალანდაძის სტუდენტური პერიოდის შესწავლას. მიუხედავად იმისა, რომ ცნობები მისი სტუდენტობის შესახებ მეტად

მწირია, მან თავი მოუყარა სათანადო მასალას, რომელიც პოეტისავე მოგონებებსა და საარქივო დოკუმენტებში იყო გაბნეული.

როგორც ანა ბაქანიძემ სტუდენტებს მოუთხრო, ივანე ჯავახიშვილის სახელობის თბილისის სახელმწიფო უნივერსიტეტში ანა კალანდაძე 1941-1946 წლებში სწავლობდა. პოეტმა უნივერსიტეტში ქართული ენისა და ლიტერატურის სპეციალობაზე ჩააბარა, მაგრამ ფილოლოგიის ფაკულტეტის მეორე კურსიდან კავკასიურ ენათა განყოფილებაზე გადავიდა.

ანა კალანდაძეს რთულ პერიოდში მოუწია სტუდენტობა, ომის სიმძიმე უნივერსიტეტის კედლებშიც აღწევდა, არ გამოდიოდა ახალი სახელმძღვანელოები, არ ფუნქციონირებდა ლიტერატურული წრეები... სტუდენტებიც და ლექტორებიც ერთად იტანდნენ გაჭირვებას.

მამ, რა აძლევდა სწავლის ძალას იმ ახალგაზრდებს, რომლებიც ასე რთულ დროს შეიფარა უნივერსიტეტმა. ამ კითხვაზე პასუხს თავად პოეტი გვაძლევს: „სტუდენტები იმით ვიყავით ბედნიერი, რომ საყოველთაოდ ცნობილ და აღიარებულ მეცნიერთა ლექციებს ვისმენდით (მარტო კორნელი კეკელიძის, აკაკი შანიძის და არნოლდ ჩიქობავას დასახელებაც იკმარებდა!)“.

ლექტორთა ამ თანაგრძობაში შედიოდა პროფესორი ნიკო ბერძენიშვილი, რომელიც ანა კალანდაძეს საქართველოს ისტორიის კურსს უკითხავდა. მის შესახებ პოეტის შთაბეჭდილებებს სტუდენტი ანა ბაქანიძე ასე გვაცნობს: „იდეა კათედრაზე ჭარმაგი, საკმაოდ მკაცრი შესახედაობის კაცი და ფურცლავდა ჩვენი ისტორიის ფურცლებს: სადღაც, შორეთში მზერამიპყრობილს, დროდადრო ავიწყდებოდა კიდევ აუღიტირია (რასაც სტუდენტები, 18-19 წლის ყმაწვილები ჩინებულად ვგრძნობდით) და საქართველოს ბედკრული ისტორიის ქართველებიდან „გვიპრუნდებოდა“ წინაპართა ჩვენთა (ზოგჯერ) დალატით დაუღმეძრული თუ „საქმეთა საგმიროთა“ ხილვით გაოგნებული...“ პოეტი მოგვიანებით იგებს, რომ ნიკო

ბერძენიშვილი სახლში საკუთარი ხელით გადაწერილ ანა კალანდაძის ლექსებს ინახავდა.

ანა კალანდაძე პროფესორ არნოლდ ჩიქობავას და შალვა ნუცუბიძეს იხსენებს, რომელსაც პოეტის თქმით, განსაკუთრებული დამოკიდებულება ჰქონდათ სტუდენტებისადმი.

სტუდენტობის პირველ წლებში ანას არავისთვის გაუხეხელია საკუთარი შემოქმედების საიდუმლო, არავისთვის გაუხდია თავისი ნაწერები. მხოლოდ დამამთავრებელ კურსზე, პატარა რეგულში თავმოყრილი ლექსები, ნათესავის ხელით გაუგზავნა კრიტიკოს დიმიტრი ბენაშვილს. რეგული მალევე მოხვდა გაზეთ „ლიტერატურა და ხელოვნების“ რედაქტორთან გიორგი ნატროშვილთან. 1946 წლის 25 მაისს მწერალთა კავშირში 22 წლის ანა კალანდაძის ლექსების კითხვა მოეწყო. ამ დღემ მას საყოველთაო აღიარება მოუტანა, გადაწყდა კრებული გამოცემაც, მაგრამ სულ მალე პარტიის მსახურმა კრიტიკოსებმა ახალგაზრდა პოეტი კრიტიკის ქარცეცხლში გაატარეს, მისი ლექსები „უსაგნო ლირიკად და უიდეო ნაწარმოებებად“ შერაჯეს. მათგან ანას მკითხველთა სიყვარული და ჭეშმარიტ მწერალთა თანადგომა იცავდა. ასეთ დროს თავისი სიტყვა უნდა ეთქვა უნივერსიტეტსაც. 1946 წელს უნივერსიტეტის რექტორი ნიკო კეცხოველი გახლდათ, მის თვალსა და გულს არ გამოეპარებოდა არც ერთი ნიჭიერი ახალგაზრდა, მით უფრო, თუ იგი შემოქმედებითი ნიჭით იყო მირონცხებული. ნიკო კეცხოველმა ახალგაზრდა პოეტი დაიკავა, რაც იმ პერიოდში სულაც არ იყო ადვილი საქმე.

ანა კალანდაძე თვლიდა, რომ მისი, როგორც პოეტის ჩამოყალიბებაში უდავოდ დიდი როლი ითამაშა საუნივერსიტეტო გარემომ, პოეტი ამას თავად აღნიშნავს: „უნივერსიტეტში სრულად ვეზიარე მადლს ძველი ქართული ენისა და ლიტერატურისა, გამიცხოველდა ინტერესი მშობლიური ქვეყნის ისტორიისადმი... უმდიდრესმა საენათმეცნიერო ლიტერატურამ, რომლის დაუშავებია-გაც-

ნობასაც მიჰქონდა ჩემი სტუდენტური დროის უდიდესი ნაწილი, მსოფლიოს უძველესი ხალხების ცხოვრებაში „ჩამახვდა“, ჩემი ფიქრები თავს ევლებოდა ურარტუს ქვაბებს, ხეტების სამკვიდროს, მითანის სამეფოს და... ფეხდაფეხ მიჰყვებოდნენ პელაგებს, რომლებიც უკვე „მკვიდრდებოდნენ ბალკანეთის ნახევარკუნძულზე“... ასეთმა გარემომ „დიდი სამსახური გაუწია ჩემს მოწოდებას, გაამდიდრა ჩემი შემოქმედება. ვფიქრობ, უმისოდ ძალიან ბევრს დავკარგავდი!“ — ასეთი იყო ანა კალანდაძის გულწრფელი თხრობა იმის თაობაზე, თუ როგორ შემოვიდა მის ცხოვრებაში პოეზიისადმი ინტერესი.

სამეცნიერო კონფერენციაზე საინტერესო მოხსენებები წარმოადგინეს პუბლიცისტურ მეცნიერებათა ფაკულტეტის სტუდენტებმა: ნათია დუნდუამ (წარმოა და გადახვევა ანა კალანდაძის პოეტური ენაში), ლილი მეტრეველმა (სვით სიხარული ამ თასებიდან), თამარ ადამიამ (დედოფალი ვარსკვლავებისა ნისლე-ლაშქარის გალაქტიკის მტვერში არია), მარიამ ბუჭიაშვილმა (ანა კალანდაძის პოეზიის ისტორიზმი), თინათინ თვალჭრელიძემ (ანა კალანდაძის ლირიკის ოცნებები), ნონა ხარაშვილმა (პოლონური წყაროები ანა კალანდაძის პოეზიაში), ელვა ჭურასბედიანი (ბუნება, როგორც შემოქმედებითი წყარო ანა კალანდაძის ლირიკაში), ნათია ფურცელაძემ (ბელა ახმადულონის ლექსების ანა კალანდაძის თვალსაზრისით), ნათია ფონიავეამ (საქართველოს მთიანეთი ანა კალანდაძის შემოქმედებაში), მარია კოპალიანი (ეპითეტი ანა კალანდაძის შემოქმედებაში და მისი თარგმანი) და ლელა ქავთარაძემ (ანა კალანდაძის პოეზიის თარგმანები).

სტუდენტებს ნაშრომების მომზადებაში თბილისის სახელმწიფო უნივერსიტეტის მოწვეული პროფესორი ტრისტან მახაური დაეხმარა. სამეცნიერო კონფერენციის ორგანიზატორის ანა ბაქანიძის ინფორმაციით, კონფერენციაზე წარმოდგენილი მასალები თავმოყრილია კრებულიში, რომელიც თსუ-ის თვითმმართველობის დაფინანსებით და ხელმწიფობით გამოიცა.

მოკლედ

ახალი ეტიმოლოგიური ლექსიკონი — წინააღმდეგობა ლექსიკონის ელემენტების კვლევას

10 მარტს თსუ-ის პუბლიცისტურ მეცნიერებათა ფაკულტეტის კლასიკური ფილოლოგიის, ბიზანტიისტიკისა და ნეოგრეციისტიკის ინსტიტუტში საჯარო სემინარი გაიმართა, სადაც მოხსენება — „ბერძნული ენის უახლესი ეტიმოლოგიური ლექსიკონი და წინააღმდეგობა ენობრივი სამყაროს პრობლემა“ ამ ინსტიტუტის ხელმძღვანელმა, პროფესორმა რისმაგ გორდეზიანმა წაიკითხა.

შურთხია ბაროშვილი

როგორც სემინარის დაწყების წინ რისმაგ გორდეზიანმა აღნიშნა, 2009-2010 საგაზაფხულო სემესტრში რუბრიკით: „მოხსენებები, სემინარები, პრეზენტაციები“ მოხსენებებს წაიკითხავენ ცნობილი ქართველი და უცხოელი მეცნიერები, მათ შორის, ჰაიდელბერგის უნივერსიტეტის პროფესორი მიხაელ ფონ ალბრეხტი, ცნობილი მწერალი და საზოგადო მოღვაწე დიმიტრის ნოლასი, იენის უნივერსიტეტის პროფესორი ანგრეტ პლონტკე ლიუნინგი, თსუ-ის პროფესორები ვახტანგ ლიჩელი, მიხეილ ქუდიანი და ლევან გორდეზიანი. პროექტის ფარგლებში დაგეგმილია ახალი ნივთების პრეზენტაციებიც.

საჯარო მოხსენებების ამ ფორმატში წაკითხვა უკვე ევროპის მრავალ უნივერსიტეტშია აპრობირებული და სტუდენტებისა და პროფესორ მასწავლებლების დიდ დაინტერესებას იწვევს. აღსანიშნავია, რომ პროგრამაში მონაწილეობა ყველა საფეხურის სტუდენტს ჩაეთვლება სასემინარო აქტივობად ისევე, როგორც პროფესორ-მასწავლებლებსა და დამხმარე პერსონალს მეცნიერების კუთხით.

რისმაგ გორდეზიანმა საჯარო მოხსენებაში ისაუბრა 2010 წელს გამოცემულ ახალ ეტიმოლოგიურ ლექსიკონზე, სადაც დიდი ყურადღება ექცევა წინააღმდეგობა ლექსიკონის ელემენტების კვლევას. „საინტერესოა, რომ



ლექსიკონის ავტორი რობერტ ბეიკესი ასკვნის, რომ წინააღმდეგობა ელემენტები არაინდოევროპულია. არსებობს თვალსაზრისი, რომ ეს არაინდოევროპული ელემენტები მიმართებას გვიჩვენებს ქართველურ ენებთან, სრული დარწმუნებით შეიძლება ითქვას, რომ ეს ახალი ეტიმოლოგიური ლექსიკონი გვაძლევს ახალ სტიმულს იმისათვის, რათა უკეთ გამოვიკვლოთ წინააღმდეგობა ენობრივი მასალა და გავაკეთოთ სათანადო დასკვნები“, — აღნიშნა რისმაგ გორდეზიანმა.

საგაზაფხულო სემესტრის სემინარების კურსი საზეიმოდ დაიხურება თსუ-ის პუბლიცისტურ მეცნიერებათა ფაკულტეტის კლასიკური ფილოლოგიის, ბიზანტიისტიკისა და ნეოგრეციისტიკის ინსტიტუტის დღის აღნიშვნით, სადაც ინსტიტუტში შექმნილი პროექტის პრეზენტაციაც გაიმართება. საჯარო აუდიენციის პრეზენტაცია ენციკლოპედიის — „ანტიკური კავკასიის“ პროექტს უკავშირდება. რისმაგ გორდეზიანის ინფორმაციით, ახალი სასწავლო წლიდან საჯარო სემინარების პროგრამა გრძელვადიანი იქნება და მსურველებს შეეძლებათ მათთვის სასურველი მოხსენება აირჩიონ.

მადლობის წერილი კვიპროსიდან

თსუ-ის პუბლიცისტურ მეცნიერებათა ფაკულტეტის კლასიკური ფილოლოგიის, ბიზანტიისტიკისა და ნეოგრეციისტიკის ინსტიტუტმა პროფესორ სოფიო შამანიდის რედაქტორობით გამოსცა „ბერძნული-ქართული ლექსიკონი“, რომელმაც მონაწილეობა დაიმსახურა როგორც საქართველოში, ისე მის ფარგლებს გარეთაც.

ამ გამოცემას გამოეხმაურა კვიპროსის განათლებისა და კულტურის მინისტრი, ბატონი ანდრეას დიმიტრიუ. რამდენიმე დღის წინ თსუ-ში ლექსიკონის რედაქტორის სახელზე მოვიდა მისი მადლობის წერილი, რომელსაც ვთავაზობთ მკითხველს:

პროფესორ სოფიო შამანიდს

ამაღელვებელი და სასიხარულო იყო პირველი ბერძნული-ქართული ლექსიკონის ხილვა. დიდ მადლიერებას გამოვთქვამთ როგორც წინასათვის, ისე კვიპროსის განათლებისა და კულტურის სამინისტროს იმ ძირითად დაფინანსებელთა საპირისპიროდ, რომლებმაც ხელმძღვანელობა გამოიწვია ლექსიკონი.

მოგახსენებთ, რომ კვიპროსის განათლებისა და კულტურის სამინისტროს კომპეტენციას ბერძნული განათლებისა თუ კულტურის განვითარება და გავრცელება წარმოადგენს. სწორედ ამ მიზეზით, კიდევ უფრო ამაღელვებელია თსუ-ის კლასიკური ფილოლოგიის, ბიზანტიისტიკისა და ნეოგრეციისტიკის ინსტიტუტის ახალი ბერძნული ფილოლოგიის განყოფილების დაუცხრომელი შრომა როგორც ბერძნული ენისა და ფილოლოგიის, ისე, ზოგადად, ბერძნული კულტურის გავრცელების საქმეში. ვთვლით, რომ ყველა ის პროექტი, რომლისთვისაც კი ოდესმე გამოყოფილა გრანტი, ჯეროვნად განხორციელდა თქვენ მიერ.

ასევე მოგახსენებთ, რომ განათლებისა და კულტურის სამინისტრომ გადაწყვიტა აღნიშნული ლექსიკონი უსახსოვროს კვიპროსის



უნივერსიტეტის ბერძნული ენის სკოლას, სადაც, მათ შორის, საქართველოდან ჩამოსული ბერძნული წარმომავლობის სტუდენტებიც შეძლებენ მის გამოყენებას.

გისურვებთ წარმატებებს ბერძნული კულტურის გავრცელების და ყველა მომავალ საქმიანობაში. ვიმედოვნებთ, რომ ჩვენი ურთიერთობა და თანამშრომლობა მომავალშიც გაგრძელდება.

კვიპროსის განათლებისა და კულტურის მინისტრი ანდრეას დიმიტრიუ

„ჯანსაღ სხეულები ჯანსაღი სულია“

ივანე ჯავახიშვილის სახელობის თბილისის სახელმწიფო უნივერსიტეტის კულტურისა და სპორტის ცენტრმა 2010 წლის სამოქმედო გეგმა წარმოადგინა. ცენტრის ხელმძღვანელმა ირაკლი ხარჯავანიძემ აუდიტორიას კულტურისა და სპორტის 23 სახეობის ჩამონათვალი გააცნო, რომლის ჩამოყალიბებაც განვიხილავთ 2010 წლიდან ცენტრის მთავარი პრიორიტეტი იქნება. ფეხბურთი, მაგიდის ჩოგბურთი, ბადმინტონი, ხელბურთი, ფრენბურთი, კალათბურთი, მკლავჭიდი, ძალოსნობა, ალპინიზმი, ჯომარდობა, ავტობოლა, მშვილდოსნობა, ფეხბურთი, რაგბი, ჭადრაკი, ინტელექტუალური თამაში „რა, სად, როდის?“, ვაჟთა ქორეოგრაფიული ანსამბლი, გოგონათა ხალხურ საკრავთა ანსამბლი, ფანკლუბი, ქორეოგრაფიული ანსამბლი, მუსიკალური ჯგუფი და ბენდი, თეატრალური დასი „სხვენი“, კაპელა, თანამედროვე ცეკვები, ლიტერატურული სალონი, სამხატვრო და ხელნაკეთი ნივთების სახელოსნო, ფოტოხელოვნება და მხიარულთა და საზრიანთა კლუბი (მან-სან-კან) – ეს იმ სექციების ჩამონათვალია, რომლებზეც სტუდენტების მიღება ფინანსური სახსრების მოზიდვის თანხავე დაინგება.

ნატო მოლაპაძე

თსუ-ის კულტურისა და სპორტის ცენტრმა სპეციალური გეგმა შეიმუშავა. საჭირო თანხების მოძიებას ცენტრი სხვადასხვა კომპანიებისგან შეეცდება, რომლებიც სანაცვლოდ თბილისის სახელმწიფო უნივერსიტეტის კორპუსების შესასვლელში განთავსებულ სტენდებზე სარეკლამო ადგილს მიიღებენ. მოლაპარაკებები ხელშეკრულების გაფორმებაზე უახლოეს მომავალში დაიწყება, ასევე, შეირჩევა ის კომპანიებიც, რომლებთანაც თსუ-ის კულტურისა და სპორტის ცენტრი ინტენსიურად ითანამშრომლებს.

სპორტის რამდენიმე სახეობის განვითარებას თსუ-ის ადმინისტრაციაც დააფინანსებს. ცენტრის ახალი სამოქმედო გეგმის პრეზენტაციას ივანე ჯავახიშვილის სახელობის თბილისის სახელმწიფო უნივერსიტეტის ადმინისტრაციის ხელმძღვანელის მოვალეობის შემსრულებელი რომან ხარბედიაც დაესწრო. მან კულტურისა და სპორტის ცენტრის გეგმები დადებითად შეაფასა და აღნიშნა, რომ სასურველია ჩამოთვლილ სპორტის სახეობებში რამდენიმე პრიორიტეტული მიმართულება გამოიყოფოს, რომელთა განვითარებაშიც ადმინისტრაცია ცენტრს აქტიურად დაეხმარება.

თსუ-ის ხარისხის მართვის სამსახურის უფროსის ირინე დარჩიას ინფორმაციით, უმაღლესი სასწავლებლების აკრედიტაციის შესახებ კანონში გარკვეული ცვლილებების შეტანა იგეგმება. მისი თქმით, ამ სახის შესახებ საქართველოს განათლებისა და მეცნიერების მინისტრმა დიმიტრი შაქინმა უნივერსიტეტების ხელმძღვანელებთან შეხვედრაზე ისაუბრა. მინისტრის განცხადებით, უმაღლესი სასწავლებლის აკრედიტაციისთვის აუცილებელ მოთხოვნებს სპორტის განვითარებაც დაემატება და მნიშვნელოვანია, რომ ყველა უმაღლესი სასწავლებელი ამ სახის მომზადებულს შეხვედეს.

ივანე ჯავახიშვილის სახელობის თბილისის სახელმწიფო უნივერსიტეტს უკვე ჰყავს საკმაოდ ძლიერი გუნდი მინი-ფეხბურთში, რომლის 7 წევრიც საქართველოს ნაკრებში თამაშობს. თსუ-ის კალათბურთის ჯგუფიც, ასევე, წარმატებით ასპარეზობს სხვადასხვა ტურნირებზე, მათ შორის: სუპერლიგა, საქართველოს თასი, საკანდელიძე-ქორქიას მემორიალი, დუდუ დადიანის მემორიალი. თსუ-ის ვაჟთა ვოკალური, გოგონათა ხალხურ საკრავთა და ქორეოგრაფიული ანსამბლები არა ერთ კონცერტსა და ფესტივალში იღებენ მონაწილეობას, ცნობილი მწერლების პიესების მიხედვით სპექტაკლებს დგამს



ნია, რომ ყველა უმაღლესი სასწავლებელი ამ სახის მომზადებულს შეხვედეს.

ივანე ჯავახიშვილის სახელობის თბილისის სახელმწიფო უნივერსიტეტს უკვე ჰყავს საკმაოდ ძლიერი გუნდი მინი-ფეხბურთში, რომლის 7 წევრიც საქართველოს ნაკრებში თამაშობს. თსუ-ის კალათბურთის ჯგუფიც, ასევე, წარმატებით ასპარეზობს სხვადასხვა ტურნირებზე, მათ შორის: სუპერლიგა, საქართველოს თასი, საკანდელიძე-ქორქიას მემორიალი, დუდუ დადიანის მემორიალი. თსუ-ის ვაჟთა ვოკალური, გოგონათა ხალხურ საკრავთა და ქორეოგრაფიული ანსამბლები არა ერთ კონცერტსა და ფესტივალში იღებენ მონაწილეობას, ცნობილი მწერლების პიესების მიხედვით სპექტაკლებს დგამს

თეატრალური დასი „სხვენი“... თუმცა კულტურისა და სპორტის ცენტრის ახალ პროექტში ბევრი ისეთი სპორტული და კულტურული სექციაა, რომელიც თსუ-ში აღარ ფუნქციონირებს — რამდენიმე მათგანი პირველ ქართულ უნივერსიტეტში პირველად ამოქმედდება. მაგალითად, „ფეხბურთი“ საქართველოში პოპულარობით არ სარგებლობს, თუმცა საზღვარგარეთის ნამყვან უნივერსიტეტებში საკმაოდ ბევრი სტუდენტი ეუფლება სპორტის ამ სახეობას. საიხლავა ავტობოლის სექციის შექმნაც, რომელიც ბევრი ახალგაზრდის საყვარელი გატაცებაა და მისი ჩამოყალიბება განვითარების შემთხვევაში როლები უკვე წესების დაცვით ლიტერატურული სალონი და სამხატვრო და ხელნაკეთი ნივთების სახელოსნო, სადაც სტუდენტებს საკუთარი შემოქმედების წარმოდგენა შეეძლება.

აღსანიშნავია, რომ კულტურისა და სპორტის ცენტრი იზრუნებს, რომ სექციებში განვითარებული ახალგაზრდების ჯანმრთელობა მუდმივი კონტროლის ქვეშ იყოს. დასაწყისისთვის ცენტრი სპორტული სექციების ამოქმედებისთვის დარბაზების გარემონტებას გეგმავს და საჭირო ინვენტარის შეძენის შემდეგ სტუდენტების მიღებას ოფიციალურად გამოაცხადებს.

სად და როგორ ერთობიან სტუდენტები

მომქანცველი და ხანგრძლივი პროცედურები რეგისტრაციის გასაგვლელად, სასურველი საგნების ვერ არჩევა ან მათი დიდი ნაწილის ერთმანეთზე დამთხვევა, ცხრილების მოწესრიგება, ლექციების შორის ხანგრძლივი შუალედები — ეს სტუდენტური ცხოვრების ისეთივე ნაცნობი დეტალებია, როგორც ლექციებზე დასწრება. საინტერესოა, რითი იმსუბუქებენ სტუდენტები ამ ყველაფერს და გართობის რა საშუალებებს მიმართავენ უნივერსიტეტის ფარგლებში. რამდენიმე რესპონდენტის პასუხის მოსმენისას ნამდვილად იამაყებთ ამ თაობით, რომლის ზოგიერთი წარმომადგენელიც გართობას არად დაგიდევს, ოღონდ სწავლა მოასწროს.

ენიო საბინაშვილი, იურიდიული ფაკულტეტის მეორეკურსელი მაგისტრანტი: — უნივერსიტეტში თითქმის არაფრით ვერთობი. აქ სწავლით ვარ დაკავებული და, პრინციპში, არც დრო მაქვს გასართობი.

თამარ ბაშინაშვილი, ჰუმანიტარულ მეცნიერებათა ფაკულტეტის მესამეკურსელი: — დროის უქონლობის გამო არანაირ გასართობ ღონისძიებებში არ ვმონაწილეობ. არც მგონია, რომ რამე ხდებოდეს უნივერსიტეტში.

ივანე აბაშიძე, იურიდიული ფაკულტეტის მეორეკურსელი:

— იურიდიულზე სწავლა ძალიან რთულია. შესაბამისად, არც დრო გვრჩება გასართობად. მიუხედავად იმისა, რომ დასწრებას ვერ ვახერხებ, მსმენია სხვადასხვა სახის ღონისძიებებზე, რომლებიც არც თუ ისე იშვიათად ტარდება.

რასაკვირველია, არსებობენ სტუდენტები, რომლებსაც აქვთ სურვილი — გაერთონ, თუმცა მათი თქმით, რეალურად არსებული სიტუაცია მათ ამის საშუალებას ნაკლებად აძლევს. ნაწილისთვის პრობლემას ღონისძიებების ნაკლებობა და მათი ერთფეროვნება წარმოადგენს, ზოგისთვის კი მათ შესახებ ინფორმაციული სიმწირე. სტუდენტები, ასევე, ფინანსურ პრობლემასაც უჩივიან, თუმცა უმრავლესობა ცდილობს უნივერსიტეტის გარეთ, საკუთარი ხარჯებით მოახერხოს გართობა.

ინგა ჩიხლაძე, ჰუმანიტარულ მეცნიერებათა ფაკულტეტის პირველკურსელი:

— განსაკუთრებით კარგად დამამახსოვრდა თვითმმართველობის მიერ ორგანიზებული ექსკურსია. თუმცა, როცა კლუბში რაიმე ღონისძიება ტარდება, ჩემთვის ბილეთების ფასი ნაკლებად მისაღებია. ვისურვებდი, ბილეთის ფასი სტუდენტისთვის ხელმისაწვდომი იყოს.

ლევან ციციშვილი, სოციალურ და

პოლიტიკურ მეცნიერებათა ფაკულტეტის მეოთხეკურსელი:

— სპორტს თუ გართობას დავარქმევთ, მაშინ ასეთი გართობა ნამდვილად გვაქვს. პირველი კორპუსის ეზოში სპორტულ მოედანზე ფეხბურთს ვთამაშობ და მეორე კორპუსის სპორტ-დარბაზში ვვარჯიშობ. ამას გარდა, ზოგჯერ ბიბლიოთეკაში საინტერესო ნივთებსაც ვკითხულობ. რაც შეეხება სხვა სახის ღონისძიებებს, მათ შესახებ ინფორმაციის ნაკლებობაა და ამის თაობაზე, ხშირ შემთხვევაში, ღონისძიებების ჩატარების შემდეგ ვიგებთ ხოლმე.

თამაზ აიკალაშვილი, ჰუმანიტარულ მეცნიერებათა ფაკულტეტის მეორეკურსელი:

— სტუდენტები, ძირითადად, საკუთარი რესურსებით ვერთობით. ვიკრიბებით ჯგუფებში და დავდივართ სადმე ერთად. ბოლოს ფეხბურთზე ვიყავით. ახლა თეატრში ვაპირებთ წასვლას.

იმის გასაგებად, თუ როგორ შეიძლება სტუდენტი უნივერსიტეტში თავისუფალ დროს გაერთოს, თსუ-ის სტუდენტურ თვითმმართველობას მივაკითხეთ.

ვიცე-პრეზიდენტის ირაკლი სამხარაძის განცხადებით, სტუდენტები საკმაოდ აქტიურად მონაწილეობენ იმ ღონისძიებებში, რომლებიც თვითმმართველობის ორგანიზებით იმართება. მისი თქმით, გასართობი ღონისძიებების ორი კატეგორია არსებობს — კულტურული და სპორტული. სპორტული ღონისძიებები, ძირითადად, სხვადასხვა სახის თამაშებს აერთიანებს. კერძოდ, ფეხბურთს, კალათბურთს და ა.შ., რომლებიც გაზაფხულზე იმართება. თუმცა ქუჩის კალათბურთში შეჯიბრი შემოდგომაზეც გამართულა. რაც შეეხება კულტურულ ღონისძიებებს — ენობა შეხვედრები ცნობილ მწერლებთან, პოეტებთან, ხელოვანებთან, საინტერესო ადამიანებთან, რომლებსაც, როგორც ირაკლი სამხარაძე ამბობს, სტუდენტები საკმაოდ აქტიურად ესწრებიან. ის პრობლემები, რასაც ჩვენთან საუბარში სტუდენტები ასახელებდნენ, ირაკლი სამხარაძესაც გავუზიარეთ. ჩვენს შეკითხვაზე, როგორ ახერხებს სტუდენტური თვითმმართველობა ღონისძიებების შესახებ ინფორმაციის სტუდენტამდე მიტანას, მან გვიპასუხა: „ჩვენს მიერ დაეგმილი ღონისძიებების შესახებ ინფორმაციის მოძიება შესაძლებელია ჩვენს ვებ გვერდზე. გარდა ამისა, უნივერსიტეტის ყველა კორპუსში გამოყოფილია სპეციალური საინფორმაციო დაფები, სადაც გამოკრულია დაწვრილებითი ინფორმაცია — თუ რას, სად და როდის ვატარებთ“, — აღნიშნა ირაკლი სამხარაძემ. რაც შეეხება სტუდენტთა პრეტენზიებს იმის თაობაზე, რომ ღონისძიებებზე დასასწრეთი ბილეთის ფასი სტუდენტისთვის, ძირითადად, მიუღებელია, სტუდენტური თვითმმართველობის ვიცე-პრეზიდენტმა გვითხრა: „ჩვენ მაქსიმალურად ვცდილობთ ფასების დან-



ევას. მაგალითად, კლუბ „ტრიუმფი“ გამართული ყველაზე მასშტაბური წინასახალწლო წვეულება შექმნისდაგვარად დაავინანსეთ და სტუდენტებმა მხოლოდ ბილეთის ფასის მიზერული რაოდენობა გადაიხადეს“. ირაკლი სამხარაძის თქმით, სტუდენტები საკმაოდ აქტიურად მონაწილეობენ ღონისძიებებში მონაწილეობის მისაღებად. სპორტულ შეჯიბრებებში ხშირად გუნდების დასაშვები რაოდენობის გაზრდას ითხოვენ. ცნობილ ხელოვანებთან შეხვედრაზე კი დარბაზი სავსეა სტუდენტებით. რაც შეეხება ექსკურსიებს, სხვადასხვა ფაკულტეტის სტუდენტებისთვის შემოდგომაზე რამდენიმე უფასო ექსკურსია იგეგმება.

... და თუ თვითმმართველობის ვებ გვერდსაც გადახედავთ, დამერწმუნებით, რომ სტუდენტური ცხოვრება ნამდვილად არაა ისეთი მოსაწყენი და ერთფეროვანი, როგორც ეს ერთი შეხედვით ჩანს. დაინტერესებულ სტუდენტებს ნამდვილად აქვთ საშუალება უამრავ საინტერესო ღონისძიებაში მიიღონ მონაწილეობა.

სალომე ნიკოლეიშვილი,
სოციალურ და პოლიტიკურ მეცნიერებათა ფაკულტეტის სტუდენტი



ოკუპაციის დღისადმი მიძღვნილი ღონისძიება

ივანე ჯავახიშვილის სახელობის თბილისის სახელმწიფო უნივერსიტეტმა საქართველოს პირველი რესპუბლიკის ოკუპაციის დღისადმი მიძღვნილ ღონისძიებას უმასპინძლა. ამ დღესთან დაკავშირებით სახელმწიფო უნივერსიტეტის I კორპუსის ეზოში მდებარე წმ. დავით აღმაშენებლის სახელობის ეკლესიაში ოკუპაციის მსხვერპლთა და რეპრესირებულთა სულის მოსახსენიებელი პანაშვიდი გადიხანდა.

ღონისძიების ფარგლებში სახელმწიფო უნივერსიტეტის II კორპუსის ფოიეში დამოუკიდებელი საქართველოს ბოლშევიკური რუსეთის მიერ ოკუპაცია-ანექსიის (1921 წლის თებერვალი-მარტი) ისტორიის ამსახველი ფოტომასალა გამოიფინა. სახელმწიფო უნივერსიტეტის სტუდენტური თვითმმართველობის ორგანიზებით სტუდენტებმა ივანე ჯავახიშვილის ძეგლი გვირგვინით შეამკეს. სტუდენტურმა ანსამბლმა იოსებ გრიშაშვილის ლექსზე „სიზმრად ვნახე საქართველო“ შექმნილი სიმღერაც შეასრულა. 1921 წლის 23 თებერვალს უნივერსიტეტის ეზოში შეკრებილ სტუდენტობას ივანე ჯავახიშვილმა ასეთი სიტყვით მიმართა: „შვილებო, ჩემი მოვალეობაა მე თქვენ წიგნისა და კალმისაკენ მოგიწოდოთ, მაგრამ, ერის ცხოვრებაში არის ისეთი მომენტები, როცა საჭიროა ყველაფერი განზე გადადო

და იარაღით ხელში მტერს მიეგებო და აი, მე დღეს თქვენ იარაღსკენ მოგიწოდებთ“.

საბჭოთა ოკუპაციის დღეს საქართველოს სხვადასხვა ქალაქის უმაღლესი სასწავლებლების სტუდენტებმა მთელი ქვეყნის მასშტაბით სხვადასხვა ღონისძიებები გამართეს. ქალაქ ბათუმში ოკუპაციის 89 წლისთავს სტუდენტებმა ანექსიის თემაზე კონფერენცია მიუძღვნეს, ხოლო გორის უნივერსიტეტის წარმომადგენლებმა ქალაქის ცენტრში ოკუპანტების წინააღმდეგ სტუდენტური აქცია მოაწყვეს. 1921 წლის 25 თებერვალს საქართველოში განვითარებულ მოვლენებს მრგვალი მაგიდა მიუძღვნა ქალაქ გორში. თბილისის სახელმწიფო უნივერსიტეტისა და გორის უნივერსიტეტის სტუდენტებმა და პროფესორ-მასწავლებლებმა დიდი ღვაწლი გაუწიეს თემაზე „საბჭოთა ოკუპაცია – მიზეზები, შედეგები, გაკვეთილები“. დღის ბოლოს ქართველი ახალგაზრდები ანთებულნი ჩირაღდნებით კოფრის მეშვეობით შეიკრიბნენ და საბჭოთა ოკუპაცია მდუმარე აქციით აღნიშნეს. საქართველოს პირველი, დემოკრატიული რესპუბლიკის ანექსია 1921 წლის 25 თებერვალს განხორციელდა. ამ დღეს მე-11 წითელი არმიის ნაწილები თბილისში შემოვიდნენ და მოხალისეთა რაზმებსა და ქართველ იუნკერებს სასტიკად გაუსწორდნენ.

ბარემოს დასვის სამართალი – "ELSA"-ს ახალი პროექტის პრეზენტაცია



■ "ELSA" მწვანე მომავლისთვის! – ამ დევიზით ევროპის იურისტ სტუდენტთა ასოციაციამ, გარემოს დაცვის სამინისტროსთან ერთად, ახალი პროექტის პრეზენტაცია წარმოადგინა. ღონისძიება ივანე ჯავახიშვილის სახელობის თბილისის სახელმწიფო უნივერსიტეტში გაიმართა. პროექტის მიზანია საქართველოში გარემოს დაცვის სამართლის, როგორც სამართლის დარგის განვითარება, საზოგადოებაში გარემოს დაცვის ცნობიერების ამაღლება და იურისტებისთვის პროფესიული უნარ-ჩვევების ჩამოყალიბება.

პროექტი გარემოს დაცვის სა-

მართალი აღნიშნულ სფეროში სამართლის სკოლის გავლას და გარემოს დაცვის სამართლის თემაზე კონფერენციის გამართვას გული-სხმობს. პროექტი საქართველოს რეგიონებს მოიცავს, თბილისის სახელმწიფო უნივერსიტეტის სტუდენტებთან ერთად პროექტში ბათუმისა და ქუთაისის უნივერსიტეტების სტუდენტებიც ჩაერთვებიან. მონაწილეები გარემოს დაცვის სამართალში 2 კვირიანი სკოლას გაივლიან და პროფესიონალი იურისტების ლექციებს მოისმენენ. ამასთან ერთად სტუდენტები გარემოს დაცვის სამართლის თემაზე კონფერენციას გამართავენ და საზოგადოების წინაშე თავიანთ თემებს წარმოადგენენ. „როდესაც შენ მკურნალობ დედაშინას, შენ მკურნალობ საკუთარ თავს“, – აღნიშნეს პრეზენტაციაზე პროექტის ორგანიზატორებმა და პარტნიორი ორგანიზაციები მადლობის სიტყვებით დააჯილდოვეს.

პრეზენტაციას საქართველოს გარემოს დაცვისა და ბუნებრივი რესურსების მინისტრი გიორგი ხაჩიძე და სახელმწიფო უნივერსიტეტის რექტორი, პროფესორი გიორგი ხუბუა დაესწრნენ. გარემოს დაცვის მინისტრმა პროექტის მნიშვნელობაზე ისაუბრა და აღნიშნა, რომ მომავალი თაობის წინაშე აღებული პასუხისმგებლობა მათთვის ეკოლოგიურად სუფთა გარემოს შექმნას და ბუნების გაფრთხილებას გულისხმობს.

ჰაიდი ტალიაშინის მისიის მოხსენების საერთაშორისო სამართლებრივი ასპექტები

■ აკადემიკოსი და პოლიტოლოგი ლევან ალექსიძე სახელმწიფო უნივერსიტეტის მრჩეველთა და აკადემიური საბჭოსების გაერთიანებულ ღია სხდომაზე მოხსენებით წარსდგა.

შეხვედრაზე განიხილეს აგვისტოს მოვლენების შემსწავლელი საერთაშორისო საგამოძიებო კომისიის ხელმძღვანელის ჰაიდი ტალიაშინის მიერ დადებული დოკუმენტი.

შეხვედრას აღმასრულებელი და საკანონმდებლო ხელისუფლების წარმომადგენლები, პოლიტოლოგები და ექსპერტები დაესწრნენ. ლევან ალექსიძემ დამსწრეთა შეკითხვებსაც უპასუხა.

აკადემიკოს ლევან ალექსიძის მოხსენება „ჰაიდი ტალიაშინის მისიის მოხსენების საერთაშორისო სამართლებრივი ასპექტები“ ამ კომისიის დოკუმენტის ორივე ტომში არსებული სამართლებრივი თვალსაზრისით დადებით და სადავო საკითხებს ეძღვნება. კერძოდ, იმ დებულებებს, რომელიც მრავალმხრივი ინტერპრეტაციის საშუალებას იძლევა.

მოხსენება ყოველგვარი პოლიტიკური ელფერის გარეშე კომისიის დასკვნის წმინდა თეორიულ ანალიზს შეიცავს. ლევან ალექსიძის აზრით, „ტალიაშინის კომისიის დასკვნა“ თავისი შინაარსით წინააღმდეგობრივია. მასში მრავალი ორჭოფული პოზიციაა დაფიქსირებული, რომელიც საერთაშორისო სამართლის თვალსაზრისით მიუღებელია. კერძოდ, ეს არა ფაქტების მოძიების კომისიის დასკვნაა, არამედ საერთაშორისო სამართლებრივი ტრაქტატია, რადგან ის რეალობას კი არ ასახავს, არამედ, საერთაშორისო სამართლის თეორიულ საკითხებს ეხება; ფაქტები და

შეფასებები არ არის შეფერებული. თუნდაც ის, რომ დასკვნაში ასახული ფაქტები მოწმობენ რუსეთის აშკარა აგრესიაზე, თუმცა, კომისია ტერმინს „რუსეთის აგრესია“ გაურბის. დასკვნაში ცალსახად არ არის დაფიქსირებული, თუ ვინ გაისროლა პირველად. ნათქვამია, რომ რუსული მხარის ინფორმაციით საქართველოს იერიშს 2 რუსი სამხედრო მესხვერვა. იქვე მითითებულია ქართული მხარის პოზიცია, რომ ცეცხლი მხოლოდ საპასუხო იყო. თუმცა, აქვე აღნიშნულია, რომ მისიას არ გააჩნია მხარეთა პოზიციების დამადასტურებელი მასალა. კომისიის დასკვნაში აღნიშნულია საერთაშორისო ჰუმანიტარული სამართლის დარღვევის ფაქტები, რომელიც შეიარაღებული კონფლიქტის დროს ადამიანის უფლებების დაცვას ითვალისწინებს. ამასთან დაკავშირებით აღნიშნულია, რომ ასეთი ფაქტები ძირითადად რუსების მიერ კონტროლირებად ტერიტორიაზეა დაფიქსირებული. ქართული აგრესიის წარმოსაჩენად დოკუმენტში ნათქვამია, რომ სამხრეთ ოსეთი საერთაშორისო სამართლის მიხედვით საქართველოს შემადგენლობაშია, თუმცა ის ფაქტობრივად დამოუკიდებელი ერთეულია და უნდა განიხილებოდეს, როგორც სხვა სახელმწიფოს ტერიტორია. თუმცა, კომისიის შემადგამებელ დასკვნაში ცალსახადაა დაფიქსირებული და აღიარებული საქართველოს ტერიტორიული მთლიანობა.

ლევან ალექსიძისთვის მიუღებელია ტალიაშინის ცხრამეტკაციანი კომისიის შემადგენლობა, რადგან, მისი თქმით, მასში ისეთი პირებიც მონაწილეობდნენ, რომლებმაც საკუთარი სუბიექტური პრორუსული აზრი ჯერ კიდევ კო-

მისიის მუშაობის დაწყებამდე დააფიქსირეს. თუმცა, ფაქტების სიჯიუტის გამო მისია იძულებული გახდა მეტ-ნაკლებად ობიექტური



დასკვნა მანც წარმოედგინა. თავად ლევან ალექსიძე კომისიის დასკვნის შეფასებისას არა მხარეთა მიერ მიწოდებულ, არამედ, დამოუკიდებელ, უცხოურ წყაროებს ეყრდნობა; მათ შორის ცნობილი იტალიელი პროფესორის, მრავალი საერთაშორისო ტრიბუნალის თავმჯდომარის, საერთაშორისო სამართლის სპეციალისტის ანტონიო კასესეს დასკვნას, რომელსაც შეიცავს 2008 წლის 1 სექტემბერს გარდასმული გამოქვეყნებული სტატია – „მგელი, რომელმაც შეჭამა საქართველო“, აგზავნიდა რა საქართველო სამხრეთ ოსეთში თავის ჯარებს, მას საერთაშორისო სამართლის არც ერთი ნორმა არ დაურღვევია“. ალექსიძის მოხსენების მიზანია საზოგადოებისთვის „ტალიაშინის კომისიის დასკვნის“ არა კონტექსტიდან ამოგლეჯილი ფრაზების მინოდება, არამედ დასკვნის სრულყოფილი თეორიული შეფასება და ურთიერთგამომრცხვად ასპექტებში გარკვევა.

„სტუდენტები „იავნანას“ მხარდასაჭერად“

■ ამ ეგიდით 3 მარტს ივანე ჯავახიშვილის სახელობის თბილისის სახელმწიფო უნივერსიტეტში საერთაშორისო საქველმოქმედო ფონდ „იავნანას“ მხარდასაჭერი აქცია გაიმართა, რომელსაც ფონდის დამაარბებელი, ცნობილი ქართველი საოპერო მომღერალი პაატა ბურჭულაძე, უნივერსიტეტის სტუდენტები და პროფესორ-მასწავლებლები დაესწრნენ.

საერთაშორისო საქველმოქმედო ფონდი „იავნანა“ 2004 წელს დაარსდა. ამ ხნის მანძილზე გამართულ ღონისძიებებზე შემოსული თანხით, მრავალი ბავშვი დაუბრუნდა მშობლიურ კერას. აღსანიშნავია, რომ პაატა ბურჭულაძის მონაწილეობით დაარსდა მსოფლიოში ცნობილი საოპერო ვარსკვლავმა მიიღო მონაწილეობა საქველმოქმედო აქციაში და უნდაგროდ დაეხმარა გაჭირვებულ ქართულ ოჯახებს. სხვადასხვა კონცერტებზე და აქციებში აქტიურად მონაწილეობენ ქართველი მსახიობები, საზოგადო მოღვაწეები თუ შოუ ბიზნესის წარმომადგენლები. მნიშვნელოვანია ისიც, რომ ფონდი „იავნანა“ უკვე ერთი წელია ეხმარება აგვისტოს ომის შედეგად დაობლებულ 130 ბავშვს.

თბილისის სახელმწიფო უნივერსიტეტში გამართულ აქციაზე აღინიშნა, რომ თბილისის სახელმწიფო საკონცერტო დარბაზში გამართული ტელემარათონის დროს შეგროვებული თანხით კიდევ სამი ოჯახი მიიღებს ბინას.

შეხვედრაზე თბილისის სახელმწიფო უნივერსიტეტის რექტორმა გიორგი ხუბუამ განაცხადა, რომ საქველმოქმედო ფონდის მიერ წამოწყებულმა არა ერთმა სასიკეთო ინიციატივამ გააერთიანა ქართული საზოგადოება, რომელშიც თბილისის სახელმწიფო უნივერსიტეტიც აქტიურად ჩაერთო. „ამ ფონდის დაარსებით საქართველოში ქველმოქმედების კულტურა დამკვიდრდა. ჩვენი სტუდენტობა მზად არის, პირველი გამოუხმაუროს ყველა სასიკეთო წაწონ-

ყებას და თავისი მცირე წვლილი შეიტანოს გაჭირვებული თანამემამულეების დასახმარებლად“, – აღნიშნა გიორგი ხუბუამ.

თსუ-ის სტუდენტური თვითმმართველობის თავმჯდომარის გიორგი შამათავას ინიციატივით, უნივერსიტეტში სემესტრულად საქველმოქმედო აქციები იმართება, რომლის შედეგად სტუდენტები ბავშვთა სახლებს და სოციალურად დაუცველ სტუდენტებს ეხმარებიან. ეს ღონისძიებები კვლავაც გაგრძელდება და სტუდენტების როლი ამ კუთხით მომავალში კიდევ უფრო გაიზრდება.

„ბატონი პაატას მოღვაწეობამ დაგვარწმუნა, რომ სასწაულები ხდება და ოცნებები სრულდება. თბილისის სახელმწიფო უნივერსიტეტის სტუდენტობა ყოველთვის ეხმარება სასიკეთო ინიციატივებს. მზად ვართ, დავრეკოთ ჯადოსნურ ნომერზე: 30-30“, – განაცხადა გიორგი შამათავამ.

აქციის მონაწილეებს ფონდ „იავ-

ნანას“ დამფუძნებელმა პაატა ბურჭულაძემ მხარდაჭერისთვის მადლობა გადაუხადა და უნივერსიტეტის სტუდენტებს შეუბრდა, რომ ყოველწლიურად, ტრადიციულად, 3 მარტს დაგეგმილი საქველმოქმედო ტელემარათონის დაწყებამდე ესტუმრება თბილისის სახელმწიფო უნივერსიტეტს.

იგი სტუდენტებს ესაუბრა ფონდის მიერ განხორციელებულ პროექტებზე და პრობლემებზე.

„მიხარია, რომ ქართველმა ხალხმა გაითავისა იმ ბავშვების პრობლემები, რომლებიც მძიმე მდგომარეობაში არიან. ხანდახან გვგონია, რომ ჩვენს გასაკეთებელს სხვა გააკეთებს, მაგრამ ეს ასე არ არის. ქველმოქმედება არ შეიძლება ერთჯერადი იყოს. რაც უფრო მეტს აკეთებ, ხვდები, რომ გასაკეთებელი უფრო მეტია“, – განაცხადა პაატა ბურჭულაძემ სტუდენტებთან შეხვედრისას.



სახელმწიფო უნივერსიტეტისა და კიოლნის უნივერსიტეტის ერთობლივი სამაგისტრო პროგრამა

ივანე ჯავახიშვილის სახელობის თბილისის სახელმწიფო უნივერსიტეტში თსუ-ის და კიოლნის უნივერსიტეტის ერთობლივი სამაგისტრო პროგრამის პრეზენტაცია გაიმართა. ღონისძიებაზე კიოლნის უნივერსიტეტის პრორექტორს ანგელიკა ნუსბერგერს საპატიო დოქტორის წოდება მიენიჭა.

თბილისის სახელმწიფო უნივერსიტეტისა და კიოლნის უნივერსიტეტის ერთობლივი სამაგისტრო პროგრამის საშუალებით ქართველი სტუდენტები შეძლებენ ევროპული განათლება საქართველოში მიიღონ. თბილისის სახელმწიფო უნივერსიტეტი კიოლნის სამაგისტრო პროგრამას უკვე მესამე წელია ახორციელებს. 2010 წელს ერთობლივ სამაგისტრო პროგრამაში 13 სტუდენტი ჩაირიცხა. ორი უმაღლესი სასწავლებლის ერთნაირი

ტრის დიპლომს მიიღებენ.

კიოლნის უნივერსიტეტი 1388 წლის 21 მაისს დაარსდა. სახელმწიფო უნივერსიტეტი დღეისთვის სტუდენტების რაოდენობის მიხედვით გერმანიაში მესამე ადგილზეა.

პრეზენტაციას მონაწილე სტუდენტებთან ერთად ევროკავშირის წარმომადგენლობის ხელმძღვანელი საქართველოში პერ ეკლუნდი დაესწრო. სტუდენტებს თბილისის სახელმწიფო უნივერსიტეტის რექტორმა, პროფესორმა გიორგი ხუბუამ უმასპინძლა. საპატიო დოქტორის წოდების მინიჭების შემდეგ ანგელიკა ნუსბერგერი მოხსენებით წარსდგა.

ანგელიკა ნუსბერგერი აღმოსავლეთ ევროპის სამართლის სპეციალისტი, ვენეციის კომისიის წევრი, ტალიანის კომისიის დასკვნითი ნაწილის თანაავტორი და ცნობილი წიგნის „პუტინის სისტემა. მარ-

თის საკონსტიტუციო სასამართლოს სპეციალური განხილვის საგანი გახდა. ამასთან დაკავშირებით, საკონსტიტუციო სასამართლოს ორმა წევრმა, რომელთაც საკუთარი დადებითი აზრი გამოთქვეს ნუსბერგერის წიგნზე, თანამდებობა დატოვა. ხოლო თავად რუსეთის საკონსტიტუციო სასამართლოს თავმჯდომარემ ზორკინმა ორი სატიტა დაწერა, სადაც გაკიცხა ავტორები.

„ელცინის დროინდელ რუსეთს განვითარების გეზი დასავლეთისკენ ჰქონდა აღებული, თუმცა მმართველობაში პუტინის მოსვლის შემდეგ, რუსულმა პოლიტიკამ ეს კურსი შეცვალა და „საკუთარ რუსულ გზას“ დაადგა. თუ რას ნიშნავს ეს გზა, ძნელი სათქმელია. რუსეთის პოლიტიკური ხელისუფლება აცხადებს, რომ ისინი ამჟამინდელ დემოკრატიაში, თუმცა, დემოკრატიის გაგება დასავლეთსა და რუსეთში სხვადასხვაგვანაა. რუსეთს დღეს მართავს სახელისუფლებო ვერტიკალი, რომელსაც ყველა და ყველაფერი ემორჩილება, ასე რომ დემოკრატიაზე ლაპარაკი ზედმეტია. რაც შეეხება ოპოზიციას: რუსეთში პოლიტიკური ოპოზიცია არ არის იმდენად ძლიერი, რომ რაიმე ცვლილებების განხორციელება მოახერხოს. საკმაოდ ძლიერია მეორე სახის ოპოზიცია — სოციალური ოპოზიცია. საკუთარი მდგომარეობით უკმაყოფილო პენსიონერები, მუშები, უმუშევრები აწყობენ საპროტესტო აქციებს, თუმცა, ეს აქციები არაორგანიზებული და სპონტანურია“, — აცხადებს ნუსბერგერი. მისი თქმით, „რუსეთი საბჭოთა კავშირის ერთი ნაწილია. მათ საერთო იდეოლოგია აქვთ. რუსი პოლიტიკოსები არ შეცვლილან. ისინი საბჭოთა კავშირის დონეზე დარჩნენ, რადგან მათ აქვთ კომუნისტური დროის ნოსტალგია. საბჭოთა პროკურატურა და სასამართლო სისტემა უფრო ძლიერი აღმოჩნდა, ვიდრე საბჭოთა კავშირის დაშლის შემდეგ მოსული ახალი ძალა. ამიტომ ძველმა აჯობა ახალს“.



პროგრამის ფარგლებში გათვალისწინებულია სწავლის, სამეცნიერო სტაჟირებისა და კიოლნის უნივერსიტეტის პროფესორის ხელმძღვანელობით სამაგისტრო ნაშრომის შესრულების მიზნით მაგისტრანტების მივლინება გერმანიაში. კურსდამთავრებულები კიოლნის მაგისტრის დიპლომს მიიღებენ.

თული დემოკრატია და პოლიტიზირებული მართლმსაჯულება“ ავტორია. წიგნმა დიდი რეზონანსი გამოიწვია რუსეთში. მიუხედავად იმისა, რომ ამ წიგნის მხოლოდ ერთი თავი ითარგმნა რუსულად, სახელისუფლებო წრეებში მას მწვავე რეაქცია მოჰყვა. წიგნი „პუტინის სისტემა“ რუსე-

თბილისის სახელმწიფო უნივერსიტეტში იაპონური ენისა და კულტურის სპეციალური განყოფილების დაარსება



ივანე ჯავახიშვილის სახელობის თბილისის სახელმწიფო უნივერსიტეტში იაპონური ენისა და კულტურის ცენტრი გაიხსნა. იაპონიის მთავრობის კულტურული განხორციელების ცენტრის იაპონური ენის შესწავლისთვის საჭირო აპარატურა გადაეცა. ოფიციალურ ცერემონიაზე იაპონიის ელჩი საქართველოში მასაიოში კამოჰარა და სახელმწიფო უნივერსიტეტის რექტორი, პროფესორი გიორგი ხუბუა დაესწრნენ.

თბილისის სახელმწიფო უნივერსიტეტისა და საქართველოში იაპონიის საელჩოს აქტიური თანამშრომლობით, იაპონიისა და საქართველოს მთავრობების მხარდაჭერით, სახელმწიფო უნივერსიტეტი იაპონიის კულტურული განხორციელების ცენტრის ბენეფიციარი გახდა. 2009 წლის 12 თებერვალს თბილისის სახელმწიფო უნივერსიტეტისა და იაპონიის საერთაშორისო თანამშრომლობის სისტემის შორის ხელშეკრულება გაფორმდა. ხელშეკრულება ითვალისწინებდა თსუ-ში იაპონური ენის სწავლებისთვის კულტურული

გრანტის გამოყოფას. იაპონური კულტურული გრანტი საერთო ჯამში სამ მილიონ დოლარს შეადგენს. პირველ ეტაპზე იაპონური ენისა და კულტურის ცენტრს ნახევარი მილიონი დოლარის ტექნიკური აღჭურვილობა და 200.000 ამერიკული დოლარის ღირებულების სახელმძღვანელოები გადაეცა.

„იმედი მაქვს, რომ ამ ცენტრში ბევრი სტუდენტი გაიღრმავებს ცოდნას. მათ ეძლევათ შანსი — იაპონურ კულტურას გაეცნონ და საფუძვლიანად შეისწავლონ იაპონური ენა. ამ გრანტის წყაროს წარმოადგენს იაპონელი ხალხი, რომელთა დახმარებით დღეს ეს ცენტრი გაიხსნა და ორ ქვეყანას შორის კულტურული ხიდი უფრო გამყარდა“, — აღნიშნა იაპონიის ელჩმა საქართველოში მასაიოში კამოჰარამ.

პროექტის ფარგლებში თბილისის სახელმწიფო უნივერსიტეტის მაგისტრი ჯაბა მესხიშვილი იაპონიის განათლების სამინისტროს დაფინანსებით ორი წლით იაპონიაში მიემგზავრება. ჯაბა მესხიშვილი მაგისტრის ხარისხს კობე უნივერსიტეტში მიიღებს.

თბილისის საქალაქო სასამართლომ გადაწყვეტილება უნივერსიტეტის სასარგებლოდ მიიღო

თბილისის საქალაქო სასამართლოს ადმინისტრაციულ საქმეთა კოლეგიაში სასამართლო პროცესი, რომელიც 2009 წლის ოქტომბრიდან მიმდინარეობდა, დასრულდა. 1 მარტს სასამართლომ სახელმწიფო უნივერსიტეტის სასარგებლოდ მეორე სარჩელის შესახებ გადაწყვეტილება გამოიტანა.

ეკონომიკისა და ბიზნესის ფაქულტეტის პროფესორთა შესარჩევი კონკურსის რამდენიმე მონაწილე კონკურსის შედეგებს სასამართლოში აპროტესტებდა. თბილისის საქალაქო სასამართლოს ადმინისტრაციულ საქმეთა კოლეგიის გადაწყვეტილებით სარჩელი, მონაწილეთა რაოდენობის გათვალისწინებით, ორ ნაწილად გაიყო. სასამართლოს გადაწყვეტილებით მოსარჩელეთა მოთხოვნები არც ერთ შემთხვევაში არ დაკმაყოფილდა.

თსუ-ში აკადემიური თანამდებობის დასაკავებლად კონკურსის სახელმწიფო უნივერსიტეტის რექტორის გიორგი ხუბუას 2009 წლის 16 ივნისის ბრძანებით 17 აგვისტოს გამოცხადდა. კონკურსში სულ 172 კონკურსანტი მონაწილეობდა. 18 პროფესორის სარჩელი ადმინისტრაციულ საქმეთა კოლეგიაში 21 ოქტომბერს შევიდა. მოსარჩელეთა ძირითადი პრეტენზია კონკურსის ჩატარების ვადებსა და პროცედურას შეეხებოდა. პირველ პროცესში მონაწილე 6 მოსარჩელეს უსაფუძვლობის გამო სარჩელის დაკმაყოფილებაზე უარი 2010 წლის 19 თებერვალს ეთქვა.

უნივერსიტეტში ქალთა საერთაშორისო დღისადმი მიძღვნილი ღონისძიება გაიმართა

ივანე ჯავახიშვილის სახელობის თბილისის სახელმწიფო უნივერსიტეტში ქალთა საერთაშორისო დღისადმი მიძღვნილი ღონისძიება გაიმართა.

თსუ-ის მანდილოსან პროფესორ-მასწავლებლებს და სტუდენტებს 8 მარტი კოტე მარჯანიშვილის სახელობის სახელმწიფო თეატრისა და თბილისის უნივერსიტეტის თეატრ „სხვენი“ მსახიობებმა მიულოცეს. სტუდენტური დასის წევრებმა ცნობილი ქართველი პოეტების ლექსები წაიკითხეს და სიყვარულის თემაზე დადგმული პანტომიმის მინი სპექტაკლი წარმოადგინეს. სარგებლო ღონისძიებაზე კოტე მარჯანიშვილის სახელობის მსახიობებმა ბიძინა მახარაძემ და ეკა მჭავანაძემ იუმორისტული ნომერი შესრულეს, რომელიც ოჯახური ცხოვრების თემატიკის მიხედვით დაიდგა. ბიძინა მახარაძემ „იუმორინას“ საკონცერტო პროგრამიდან ერთ-ერთი ფელეტონიც წარმოადგინა. მსახიობებმა პოპულარული ქართული სიმღერებიც შესრულეს.

ქალთა საერთაშორისო დღისადმი მიძღვნილი ღონისძიებაზე დამსწრე ქალბატონებს თსუ-ის რექტორის გიორგი ხუბუასა და ადმინისტრაციის სახელით საჩუქრად ვარდები გადაეცათ.




საქართველოს ეროვნული ბანკის კრედიტული უნივერსიტეტის სტუდენტებს შეხვდა

ივანე ჯავახიშვილის სახელობის თბილისის სახელმწიფო უნივერსიტეტში 17 მარტს საქართველოს ეროვნული ბანკის პრეზიდენტი გიორგი ქადაგიძე უნივერსიტეტის სტუდენტებს შეხვდა. შეხვედრაზე ქადაგიძე სტუდენტებს საინტერესო თემაზე — წარმატებული კარიერის დაგეგმვაზე ესაუბრა. მისი თქმით განათლება წარმატების მიღწევის აუცილებელი პირობაა. „კარიერის აწყობა საკმაოდ ხანგრძლივი პროცესია, საჭიროა სწორ დროს, სწორ ადგილას, სწორი უნარების გამოვლენა. ახალგაზრდამ პროფესიის შესრულების კარგად უნდა გათვალისწინოს საკუთარი ნაბიჯები და არჩევანი. ფუნდამენტური განათლების შემდეგ საჭიროა სამთვლიანი სპეციალური გადარჩევის საჭიროება და სწორედ მასზე უნდა გააკეთოს არჩევანი. ნუ გამოეკიდებით ხელფასს ერთ ან ორი წლის განმავლობაში. მთავარია, ეს დრო განვითარებას და ახალი ტექნოლოგიების ათვისებას მოახლოვდეთ, რათა მომავალში მაღალანაზღაურებლად სპეციალისტად იქცეთ“, — აღნიშნა სტუდენტებთან შეხვედრისას ეროვნული ბანკის პრეზიდენტმა. საუბრის ბოლოს გიორგი ქადაგიძემ ეკონომიკის ფაქულტეტის სტუდენტების კითხვებს უპასუხა და



განუმარტა, თუ რატომ შემცირდება ახლო მომავალში ქართულ ბანკებში სამოქალაქო სესხებზე საპროცენტო განაკვეთი, როგორ რეგულირდება ლარის კურსი, საქართველოს ფინანსური ბაზრის რამდენ პროცენტს შეადგენს ბანკები, რამდენია ქვეყანაში ლარის მთლიანი მასა და ემუქრება თუ არა ქართულ ვალუტას მტკიცე ეროვნული რყევები.

ეროვნული ბანკის პრეზიდენტის გიორგი ქადაგიძისა და სტუდენტების შეხვედრას დაესწრო თსუ-ის რექტორი, პროფესორი გიორგი ხუბუა. სწორედ თსუ-სა და ეროვნულ ბანკს შორის 5 მარტს გაფორმებული მემორანდუმის თანახმად, სახელმწიფო უნივერსიტეტის სტუდენტებს საშუალება ეძლევათ გაიარონ სამთვლიანი სტაჟირება ეროვნულ ბანკში. ქადაგიძის თქმით, სტაჟირების დროს გამოვლენილ წარმატებულ სტუდენტებს ეროვნულ ბანკში დასაქმების შესაძლებლობა მიეცემა.



■ იაპონიის კოსმოსური სააგენტო ბუნებრივ პირობებში უნიკალური სამეცნიერო ექსპერიმენტის ჩატარებას აპირებს. თავისი კოსმოსური ზონდი „ჰაიაბუსა“ მათ ასტეროიდად სურთ გადააქციონ. ნამდვილი ასტეროიდისკენ ექვსწლიანი მოგზაურობის შემდეგ ზონდს დედამიწაზე აბრუნებენ. სამხედროებსა და მეცნიერებს ასეთი თამამი ექსპერიმენტის მეშვეობით დედამიწის მახლობელ ორბიტაზე და დედამიწის ატმოსფეროში ციური სხეულების მოქმედების შესწავლა სურთ. ეს აპარატი 2003 წელს დედამიწისგან 336,5 მილიონი კილომეტრით დაშორებული ციური სხეულის „იტოკავაკენ“ გაემართა, მას 2005 წლის ნოემბერში მიაღწია და ზედაპირზე თხელი ალუმინის ფირფიტა დატოვა, რომელზედაც 150 ქვეყნის 880 ათასი დედამიწის სახელია ამოტვიფრული. ახლა აპარატი თავად უნდა გადაიქცეს ასტეროიდად. ეს პირველი ექსპერიმენტი იქნება იმ სერიისა, რომელიც მომავალში არასასურველი სტუმრებისგან დედამიწის დაცვის სისტემას შექმნის.

ნი ნელი იმყოფებოდა. „უამრავი ორგანიზმი არსებობს, რომელიც ნახშირს შთანთქმავს, შემდეგ ორგანულ მყავებს, წყალბადს და ნახშირმყავა გაზს წარმოშობს. გვხვდება სხვაგვარი ორგანიზმებიც, რომელიც ენზიმების საშუალებით ამ ნივთიერებებს მეტანად გარდაქმნის“, - ნათქვამია მოხსენებაში. ექსპერტების აზრით, ვენტერის აღმოჩენას სამთო მრეწველობის საფუძვლიანად გარდაქმნა შეუძლია. მისი იდეების რეალიზაციის შემთხვევაში მალარობის საჭიროება აღარ იქნება და ბაქტერიებით „დასნეულებული“ ნახშირისგან მეტანს პირდაპირ დედამიწის ზედაპირზე მიიღებენ. უკანასკნელი მონაცემებით, ამ აღმოჩენით ერთ-ერთი ევროპული ფირმა უკვე დაინტერესდა.



■ ტაივანის უნივერსიტეტის მეცნიერებმა აღმოაჩინეს ქიმიური ნაერთი, რომელსაც ფრინველისა და ღორის გრიპის ვირუსების განადგურება პირდაპირ ჰაერში შეუძლია. ნივთიერება, რომელსაც VirusBom უწოდეს, შეიძლება საპონს დაემატოს ან სახის ნიღბები გაიჟინდოს. მეცნიერთა აზრით, იგი გაცილებით უფრო ეფექტურია, ვიდრე ალკოჰოლი, რომელიც ძალიან სწრაფად ორთქლდება. ახალი ქიმიური ნაერთი კი კარის სახელურებზე, კლავიატურაზე და მობილურ ტელეფონებზე ორი დღის მანძილზე რჩება, ხელზე კი 5 წუთი ძლებს. პროექტის ავტორმა, პროფესორმა ლიმ განაცხადა, რომ ეს ლაბორატორიული გზით გამოყვანილი მარტივი ორგანული ნაერთია, თუმცა მისი შემადგენლობა არ დაუკონკრეტებია, რადგან გამოკვლევა ჯერ პატენტის აღების პროცესშია. VirusBom სხვა ასეპტიკური საშუალებებისგან იმით განსხვავდება, რომ სწორედ ფრინველისა და ღორის ვირუსებს ანადგურებს. შეგახსენებთ, რომ რამდენიმე წლის წინ ატიპიური პნევმონიის გამომწვევი ვირუსის გამანადგურებელი ნაერთი ამ ლაბორატორიაში შეიქმნა.

საკითხი, რომელიც მკვლევარებს აინტერესებდათ იყო — თუ რამდენად უსაფრთხო იქნებოდა ადამიანისა და გარემოსთვის ეს „ბიოფარმაკეპტული“ მარცვლეული. მაიმუნებზე ჩატარებულმა პირველივე ექსპერიმენტებმა მისი უსაფრთხოება დაადასტურა.

■ სამეცნიერო წრეებში კარგა ხანია კამათის მიზეზი გახდა — თუ რა ელოდება აფრიკას გლობალური დათბობის პირობებში. ერთ ნაწილს მიაჩნია, რომ მას გვალვა გადაწვავს, მეორე ჭარბ ნალექს ეარაუდობს. შუალედური აზრიც არსებობს, რომლის მიხედვითაც აფრიკა ზონებად დაიყოფა და თუ ერთ ნაწილს უწყლობა გადაუგავს, მეორეს პირიქით, წყალი ნაიღებს. და აი, მოულოდნელად აღმოჩნდა, რომ გლობალურ დათბობას დადებითი ეფექტიც შეიძლება მოყვეს. მეცნიერებმა ერთმანეთს შეადარეს 1982 და 2002 წლებში კოსმოსიდან გადაღებული ფოტოები და აღმოაჩინეს, რომ საჰარას სამხრეთი ტერიტორია აშკარად გამწვანებდას იწყებს. კიოლოს უნივერსიტეტის კლიმატოლოგიის დოქტორ შტეფან კროპელის განცხადებით, არა მხოლოდ ბალახი, აკაციები და ბუჩქნარიც კი ისე სწრაფად მრავლდება, რომ აშკარად ფესვების სისტემის გამაგრებაზე მიგვანიშნებს. ადგილობრივი მაცხოვრებლებიც ადასტურებენ, რომ კარგა ხანია ასეთი წვიმები არ გვიჩინავსო და იქვე ამატებენ, აქლემებისა და სირაქლეების რაოდენობა ძალიან გაიზარდა და ზოგიერთი ამფიბიაც კი „დაბრუნდა“.



■ სამხრეთ კაროლინის უნივერსიტეტის მეცნიერებმა განაცხადეს, რომ სულ მალე ბაზარზე გაჩნდება კედლის სპეციალური საღებავი, რომელსაც ვირუსების, სოკოვანას და სხვა მავნე მიკროორგანიზმების მოსპობა შეუძლებათ. მკვლევარებმა შექმნეს მიკრობების გამანადგურებელი მოლეკულა, რომელიც საღებავს ჩაემატება და ამის წყალობით იგი ანტიბაქტერიულ თვისებას შეიძენს. მეცნიერთა განცხადებით ეს მოლეკულა ისეთ ბაქტერიებსაც ერევა, რომლის წინაშეც სამედიცინო პრეპარატებზე კი უძლურია.




■ იაპონელებმა მეცნიერებმა გამოიყვანეს გენეტიკურად მოდიფიცირებული ბრინჯი, რომელსაც შეუძლია კაცობრიობა საკვებით გამოწვეული ალერგიისგან იხსნას. მკვლევარებმა (ფუმიო ტაკაივას ხელმძღვანელობით) ტრანსგენური ბრინჯი უკვე ცხოველებზე გამოსცადეს და დაადგინეს, რომ იგი ჯანმრთელობისთვის სრულიად უსაფრთხოა. მოდიფიცირებული ბრინჯის პირველი თაობა იმისთვის შეიქმნა, რომ მცენარეს სარეველებისა და მწერების წინააღმდეგ მეტი გამძლეობა ჰქონოდა, მეორე თაობა კი ადამიანის ჯანმრთელობის სამსახურში ჩადგა. ანტიალერგიული ბრინჯის გარდა მეცნიერებმა ჭარბი ვიტამინებისა და მინერალების შემცველი სხვა ბოსტნეული, მარცვლეული კულტურა თუ წამლად გამოსადევი ნივთიერებები და ვაქცინებიც გამოიყვანეს. უმთავრესი

■ ციფრული ტექნოლოგიები, როგორც ჩანს, კაცობრიობას საბოლოოდ შეუცვლის სახეს. ელექტრონული წერილები და წიგნები საფუძვლიანად შეუდგა ქალაქის გაძევებას. ყველაზე სიცოცხლისუნარიანი ამ თვალსაზრისით გაზეთები აღმოჩნდა. მაგრამ ერთი პატარა მოწყობილობით, რომელსაც In Newspaper დაარქვეს, დილის ყავასთან ერთად, დილის გაზეთის კითხვის საუკუნოვანი ტრადიციაც მალე დასრულდება. აპარატს, რომელშიც მალვიძარაცა ჩამონტაჟებული, შეუძლია ნებისმიერი გლობალური დილის გაზეთის ახალი ნომერის შემოთავაზება.



მასალა მოამზადა მანანა მიქელაძემ



■ „ახალ აღმოჩენას შეუძლია კაცობრიობა ენერგეტიკული კრიზისისგან იხსნას“, — განაცხადა ცნობილმა გენეტიკოსმა კრეგ ვენტერმა. ამერიკელმა სწავლულებმა მინის წიაღში აღმოაჩინეს უძველესი ბაქტერიები, რომელთაც ქვის ნახშირის მეტანად გარდაქმნა შეუძლიათ. კალიფორნიაში, სამეცნიერო კვლევებისა და ინოვაციების სამიტზე ვენტერმა აღნიშნა, რომ წყალსა და დედამიწის წიაღში აღმოჩენილი უნიკალური მიკროორგანიზმების შესწავლისას მან 20 მილიონი ახალი გენი შეაგროვა. ზოგიერთი ორგანიზმი ამ წიაღში 50 – 135 მილიონ-

მთავარი რედაქტორი	ნინო კაკულია	რედაქციის წევრები:	მისამართი:
მთავარი სამცხალისტი	მაია ტორაძე	რისმაგ გორდეზიანი, ნოდარ ბელქანია, იაკო კაჭკაჭიშვილი, ლადო მინაშვილი, დიანა ძიძიგური, ნოდარ ხადური, მარინე ჩიტაშვილი, ბესარიონ ზოიძე, ნინო ჩიხლაძე, თემურ ნადარეიშვილი, ნანა ჭილაძე, თეა ჯულელი	ილია ჭავჭავაძის გამზ. 11* (თსუ-ის მე-3 კორპუსი)
ტექნიკური რედაქტორი	მანანა ჯურხაძე		(თსუ-ის მე-3 კორპუსი)
ფოტოკორექტორი	სალომე მახარაძე		
კომპიუტ. უზრუნველყოფა	თამარ ქავჭავაძე		